



Սույն գիրքը թվայնացվել է Գրքասեր ՀԿ-ում՝ հայերենով գրականության պահպանման, հանրայնացման և ժամանակակից թվային միջավայրում հասանելի դարձնելու նպատակով:

Կազմակերպության նախաձեռնությունը միտված է հայերեն գրքերի և տեքստերի տարածմանը, ընթերցանության խթանմանը և մշակութային ոչ նյութական ժառանգության պահպանությանը՝ ապահովելով դրանց հասանելիությունը հնարավորինս լայն շրջանակների համար:

Մենք հավատում ենք, որ թվայնացումը ոչ միայն պահպանման միջոց է, այլև գիտելիքի, գրականության և մշակույթի շարունակական փոխանցման կարևոր ուղի:

Գրքասեր ՀԿ-ն գրքերը ձայնագրում և թվայնացնում է բացառապես Ձեր նվիրատվությունների շնորհիվ: Կազմակերպությանը կարող եք օժանդակել հետևյալ հղումով՝

<https://grqaser.org/hy/donate>

Ստուգված

Հայ գրականություն, Թատերգություն
13+

Շիրվանզադե Ավերակների վրա

ԳՈՐԾՈՂ ԱՆՁԻՆՔ

ԱԹԱՆԵՍ ՖՈԱՆԳՈՒԼՅԱՆ, հայտնի վաճառական — 60 տարեկան:

ՆԱՐԳԻԶ, նրա ամուսինը — 50 տարեկան:

ԼԵՎՈՆ, նրանց մեծ որդին — 27 տարեկան:

ՍԱՄՎԵԼ, նրանց երկրորդ որդին — 22 տարեկան:

ՕՎՍԱՆՆԱ, նրանց աղջիկը — 23 տարեկան:

ԱՐԱՄԱԶԴ ԱՂԱՎԵԼՅԱՆ, Աթանեսի նախկին գործակատարը, հետո խոշոր ձեռնարկող — 33 տարեկան:

ՆՈՅԻՄՉԱՐ, Արամազդի քույրը, անզավակ այրի — 32 տարեկան:

ԼԵՅԼԻ, Արամազդի երկրորդ քույրը, օրիորդ — 21 տարեկան:

ԳԵՎՈՐԳ ԱՂԻԼԲԵԿՅԱՆ, որին հասարակորեն կոչում են Ժորժ, Լևոնի գիմնազիական ընկերը և Օվսանայի նշանածը — 28 տարեկան:

ՇԱՄԻԼ-ԲԵԳ ՄԵԼԻԷ-ԱՂԱՋԱՆՅԱՆ, Արամազդի գործընկերը — 38 տարեկան:

ՆՈՒՆՈՒՖԱՐ, Ֆռանգույանների աղախինը:

ԶԱՎԱԴ, նախ Ֆռանգույանների, հետո Արամազդի ծառան-37 տարեկան:

Թուֆակ, թոչուն վանդակի մեջ Աղավեյանների տանը:

Գործողությունը կատարվում է 189... թվականներին: I և III արարվածները ու IV արարվածի երկրորդ պատկերը կատարվում են Ֆռանգույանների տանը, II արարվածը և IV-ի առաջին պատկերը՝ Աղավելյանների տանը:

ԱՐԱՐՎԱԾԱՌԱՋԻՆ

Տեսարանը ներկայացնում է Ֆռանգույանների բնակարանը: Մեծ սենյակ, կահավորված հարուստ, բայց հնաձև կահ-կարասիով:

Աջ պատի մեջ երկու դռներ, որոնցից առաջինը տանում է Աթանեսի սենյակը, երկրորդը, որ գրեթե անկյունումն է գտնվում, դեպի Նախասենյակը: Խորքի պատի մեջ դռներ, որ տանում են սեղանատուն և այնտեղից բնակարանի խորքը: Ձախ պատը ներկայացնում է երկու հնաձև լուսամուտներ, մեջտեղ ապակյա դռներ, դեպի պատշգամբ՝ փողոցի վրա:

Բեմի մեջտեղում հին ձևի թանկագին դրվագյալ (iucraste, врезной) սեղան, առանց ծածկոցի, վրեն մի մեծ, սևացած արծաթյա ափսե, մեջն այցետոմսեր: Սեղանի քով ընկուզենյա ծանր աթոռներ: Աջ պատի առջև, երկու դռների միջև գահավորակ, առջևը փոքրիկ սեղան սփռոցով ծածկված, քովը երկու բազկաթոռ: Խորքի պատի առջև, դռների ձախ կողմում վառարան, վրեն հնաձև ժամացույց, աջ կողմում թախտ, ծածկված Խորասանի թանկագին գորգերով, որի մի ծայրը հատակն է ծածկում, մյուսը՝ պատը մինչև առաստաղ: Թախտի վրա ոսկեթել հյուսվածքով ծածկված բարձեր: Ամենուրեք թանկագին և զանազան երկրների գորգեր, որոնք սենյակի գլխավոր զարդն են կազմում: Պատերի վրա վերջին կաթողիկոսների պատկերներն ու կոնդակները:

Դաշնամուրը դրած է ձախ պատի առջև, դեպի ավանսցեն: Դրսում, պատշգամբի վրա ծաղկամաններ և բույսեր, որոնք, բավական խտատերև լինելով, կանաչեղենի մի թուփ են կազմում:

ՏԵՍԻԼ 1

ԶԱՎԱԴ ԵՎ ՆՈՒՆՈՒՖԱՐ

Վաղ գարուն է, առավոտ: Լուսամուտները բաց են, վարագույրները ետ քաշած: Արեգակի հարուստ ճառագայթները տարածվել են ներս և հետզհետե առաջ գալով, հասնում են մինչև բեմի կեսը և ապա, տեսարանի ընթացքում կրճատվելով, կամաց-կամաց չքանում են:

Բեմի ետևից լսվում է ջութակի մեղմիկ և դանդաղ ձայնը: Սամվելն է յուր սենյակամ նվագում:

ԶԱՎԱԴ. (Վարագույրը բարձրանալիս պատշգամբի վրա ցնցուղով ջրում է ծաղիկներն ու բույսերը):

ՆՈՒՆՈՒՖԱՐ. (Գալիս է աջ կողմի երկրորդ դռներից մի մեծ սպիտակ լաթ ձեռնիկ և սկսում է արագ-արագ սրբել կահ-կարասին: Նիհար թուփ-թուփ կին է, ժամանակից առաջ թառամած: Հագած է մաքուր շրջագգեստ օրվա տոնի առիթով, կրծքին կապած է սպիտակ գոգնոց): Մի քանի վայրկյան լուռ գործողություն:

ԶԱՎԱԴ. (Հանկարծ ներս է ցատկում պատշգամբից կոմիկական թռիչքով, ջրի ցնցուղը ձեռքին: Ժպտուն, անհոգ դեմքով, վառվռուն աչքերով և սև, հաստիկ բեղերով: Հագած է կապտագույն արխալուղ, վրեն կինեմոնագույն պիջակ, մեջքին արծաթյա գոտի: Վզով զգած է ժամացույցի մի երկայն արծաթյա շղթա: Խոսելիս ձեռներով, գլխով և մանավանդ ուսերով

համապատասխան շարժումներ անում: Դիմախաղը վերին աստիճանի հարուստ է): Վա՛յ բաջի, տունս քանդվեց:

ՆՈՒՆՈՒՖԱՐ. (Միանգամայն անվրդով, առանց գործն ընդհատելու): Հըմ, էլի ին՞չ օձ կծեց:

ԶԱՎԱԴ. Թուրքի գլխին ջուր թափեցի:

ՆՈՒՆՈՒՖԱՐ. (Ծիծաղում է): Այ անշնո՛րիք:

ԶԱՎԱԴ. Յավաշ տեսնեմ ինչ է անում, (Գլուխը դուրս է բերում պատշգամբի դռներից, չհամարձակվելով ամբողջ մարմնով դուրս գալ): Գե՛ղ, գե՛ղ: (Բռունցք է ցույց տալիս):

ՆՈՒՆՈՒՖԱՐ. Ուշուկն է տալիս,

ԶԱՎԱԴ. Շատ թունդ: Գե՛ղ: Շիշ փափաղը թրջվել է: Արախչինը բաց է արել, կանդազն երևում է: Գե՛ղ: Ահը, հեռանում է, գնաց: Լավ պրծանք: Ախար, ո՞վ է տեսել, որ ծառերը բերեն, հավաքեն տանը: Դա էլ ռուսից սովորեցինք: (Նորից ուզում է պատշգամբ դուրս գալ, բայց հանկարծ, եղանակով, հափշտակված, կանգ է առնում և հիացմամբ նայում է դեպի պատշգամբ: Կարճ լռություն): Նուևուֆար:

ՆՈՒՆՈՒՖԱՐ. Ասա :

ԶԱՎԱԴ. Ախր, մի տե՛ս է:

ՆՈՒՆՈՒՖԱՐ. Էլի գժությունդ բռնեց:

ԶԱՎԱԴ. Գարունն եկավ նախշուն թևերով: Աղբաթս խառնեց պես-պես ձիերով: Մին մտիկ արա է, այս պայծառ արևին, կապույտ երկնքին: Հրեն է, նավը թևերը բաց արած լողում է կանաչ ծովի վրա Նորահարսի պես: Ա՛խ, այդ Սամվել աղան էլ որ ջութակ չի ածում, սիրտս մղկտ-մղկտ է անում: Բայց ինչ էլ որ լինի, մեր գարունքի տեղը չի բռնիլ:

ՆՈՒՆՈՒՖԱՐ. Հըը, էլի սկսեցիր Շամախին գովել:

ԶԱՎԱԴ. (Ցնցուղը դնելով հատակի վրա:) Տես, Նուևուֆար, աշխարհում տեղ չի մնացել ոտքիս տակովն արած չլինեմ: Ծովի այս կողմից չեմ խոսում, աա, այն կողմից: Տես, դա Կրասնոսկի, դա Չարջիվ, դա Խիվա: Եմիրը չէ, Եմիրի չալման եմ տեսել, մինչև Սամարղանդ հասել եմ, Շամախիի պե՛ս քաղաք... աստաֆուռուլլա՛: (Ցնցուղը ծովորեն վերցնում է): Երեկ էլի մին մուխամազ գրեցի: Քնար Հայկականը կարդացել ես:

ՆՈՒՆՈՒՖԱՐ. Չէ:

ԶԱՎԱԴ. Սայաթ Նովա՞ :

ՆՈՒՆՈՒՖԱՐ. Չէ:

ԶԱՎԱԴ. Չարգյա՞րն ինչպես:

ՆՈՒՆՈՒՖԱՐ. Նրան էլ չեմ կարդացել:

ԶԱՎԱԴ. Է՛հ, դե դա է պատճառը, որ պատիվ չես անում ինձ էլի:

ՆՈՒՆՈՒՖԱՐ. Ինչո՛ւ, դու ո՞վ ես որ:

ԶԱՎԱԴ. Ե՛ս, հը, ես շահիր-Ջավադն եմ: Այ, այս մեծությամբ դավթարներ ունիմ շարադրած, դես մտիկ արա, Շամախին մինչև օրս երկու մարդ է տվել, մինը Չարգյարն է, մինն էլ ես, ուրիշը չկա, լավ իմացիր: (Ուզում է գնալ պատշգամբ, բայց լսելով Նարգիզի ձայնը, նորից կանգ է առնում):

ՏԵՍԻՆ 2

ՆՈՒՅՆՔ և ՆԱՐԳԻՉ, հետո ՕՎՍԱՆՆԱ

ՆԱՐԳԻՉ. (Բեմի ետեից): Ջավա՛ր, Ջավա՛ր:

ՋԱՎԱՐ. Այստեղ եմ, խանում: (Տեղից չի շարժվում):

ՆԱՐԳԻՉ. (Երևում է խորքի դռների մեջ: Լիք-լիք, բայց դեղնած թշերով կին է, հպարտ քայլվածքով և հրամայողական, գոռոզ ձևերով: Հագած է տոնային շրջագգեստ, ուսերին գցած է քիթմանի շատ ընտիր շալ: Ալեխառն մազերը սանրած են հարթ): Շուտ արա, բազար գնա, աղադ դռների մոտ քեզ է սպասում:

ՋԱՎԱՐ. Ծիծեռնակի պես թռա: (Դանդաղորեն քայլերն ուղղում է դեպի երկրորդ դռները):

ՆԱՐԳԻՉ. Եթե թագա ձուկ բերել են, թող մի հատ առնի:

ՋԱՎԱՐ. Լավ: (Գնում է աջ կողմի երկրորդ դռներով, ցնցուղը տանելով):

ՆԱՐԳԻՉ. (Նուկուֆարին): Դու էլ գնա, սամովարը հավաքիր:

ՆՈՒՆՈՒՖԱՐ. Այս րոպեիս, (Գնում է խորքի դռներով, ճանապարհին պատահում է Օվսանային):

ՕՎՍԱՆՆԱ. Նուկուֆար, այս նամակը գցիր փոստարկղ, (Գալիս է խորքի դռներով ձեռքին մի փոքրիկ ծրար: Նուրբ կազմվածքով, բավական սիրուն, բայց շատ նիհար օրիորդ է: Ձևերը կիրթ են և նուրբ: Հագած է նույնպես տոնային ուրախ հագուստ: Բացի մի խոշոր ադամանոյա քորոցից, ոչինչ ակնեղեն չկա վրեն: Հանդարտ մոտենում է, դաշնամուրին է, ոտքի վրա կանգնած, սկսում է անփույթ ինչ-որ ուրախ եղանակի ակորդներ տալ):

ՆՈՒՆՈՒՖԱՐ, (նամակն առնելով, գնում է աջ կողմի երկրորդ դռներով):

ԲԵՄԻ ԵՏԵՎՈՒՄ. (Սամվելը դադարում է ջուրակ նվագել: Մի քանի րոպե անցած նորեն նվագում է մի ուրիշ եղանակ և հետո բոլորովին ընդհատում):

ՏԵՍԻՆ 3

ՆԱՐԳԻՉ և ՕՎՍԱՆՆԱ

ՆԱՐԳԻՉ. (Թախտի վրայի բարձերն ուղղում է և գալիս նստում է հանդարտ գահավորակի վրա): Քսանուերեք տարիդ էլ լրացավ, տեսնենք այժմ ինչ ես մտածում:

ՕՎՍԱՆՆԱ. (Անփույթ): Ինչի՞ մասին, մայրիկ:

ՆԱՐԳԻՉ. Դու գիտես ինչի մասին եմ ասում, Եթե պսակվելու եք, ասացեք, որ պատրաստություն տեսնենք, թե չէ...

ՕՎՍԱՆՆԱ. (Երեսը դարձնելով դեպի Նարգիզը, նույն անփութությամբ): Թե չէ, ի՞նչ, մայրիկ...

ՆԱՐԳԻՉ. Օվսանա, մեր քաղաքում շատ քիչ բան է հարկավոր մի աղջկա բամբասելու համար:

ՕՎՍԱՆՆԱ. Հետո՞:

ՆԱՐԳԻԶ. Հետո այն է, որ դու այսօր պետք է նրանից մի հաստատ խոսք վերցնես:

ՕՎՍԱՆՆԱ. Լավ, բավական է, մայրիկ, այսօր իմ ծննդյան օրն է, հյուրեր պիտի գան, չլիճենք: (Մոտենում է լուսամուտներից մեկին ու նայում է դեպի դուրս):

ՆԱՐԳԻԶ. (Խորին հանդիմանությամբ): Օվսանա, մայրական համբերությունն էլ չափ ու սահման ունի:

ՕՎՍԱՆՆԱ. (Գրգռվելով): Ի՞նչ ես կամենում, մայրիկ, ի՞նչ, ես խոմ չեմ կարող նրան ստիպել ինձ հետ ամուսնանալ:

ՆԱՐԳԻԶ. Ստիպե՛լ... Ո՛վ է այդ ասում: Քեզ համար նշանածներ են պակաս մեր քաղաքում: Ես միայն ուզում եմ, որ դու մեր տան պատիվը պահպանես, ուրիշ ոչինչ, Գալիս է, գնում, ոչ հարսնացու ես, ոչ ազատ: Ես այդ չեմ կարող թույլ տալ այսուհետև: Ես ինքս կխոսեմ նրա հետ, (վեր է կենում):

ՕՎՍԱՆՆԱ. (Դրական և խիստ): Դու այդ չես անիլ:

ՆԱՐԳԻԶ. (Նույնպես դրական): Կանեմ և հենց այսօր:

ՕՎՍԱՆՆԱ. Մայրիկ, տեսնո՞ւմ ես այս լուսամուտը:

ՆԱՐԳԻԶ. Ի՞նչ ես ուզում ասել:

ՕՎՍԱՆՆԱ, Նա բավական բարձր է փողոցից: Եթե դու ժորժին մի խոսք, մի բառ կասես կամ որևէ ակնարկ կանես իմ մասին, այն ժամանակ..., մեղքը քեզ վրա...

ՆԱՐԳԻԶ. (Ազդված): Գժեր եք դուք, կապելու գժեր, ամեն բան կարելի է ձեզանից սպասել (Քայլերն ուղղում է դեպի խորքի դռները, բայց, զանգակի ձայն լսելով, կանգ է առնում նախասենյակում):

ՆԱՐԳԻԶ. (Վերադառնալով բեմի կենտրոնը): Տես ո՛վ է:

ՕՎՍԱՆՆԱ. (Մոտենում է աջ կողմի երկրորդ դռներին, բաց է անում, նայում է դեպի նախասենյակ և ետ է գալիս): Արմազդի քույրերն են: Գալիս են ինձ շնորհավորելու:

ՆԱՐԳԻԶ. (Արհամարհանքով): Օհ, կարոտել էի նրանց, որ լույսը նոր բացված վազում են գլխիս:

ՏԵՍԻԼ 4

ՆՈՒՅՆԵ, ՆՈՅԻՄՉԱՐ և ԼԵՅԼԻ

ՆՈՅԻՄՉԱՐ. (Գալիս է աջ կողմի երկրորդ դռներով, կարմիր այտերով, առողջ կին է անտաշ ձևերով, հագած է եվրոպական շրջագգեստ, իսկ գլուխը կրում է վրաց թասակրավ): Բարով ձեզ: (Սեփական արժանավորության գիտակցությամբ ձեռ է տալիս Նարգիզին և Օվսանային): Շնորհավոր ծնունդդ, բախտավոր լինիք:

ԼԵՅԼԱ. (Կայտառ, գեղեցկադեմ, ամոթխած, համեստ օրիորդ է: Հագնված է լիովին եվրոպական տարագով շատ համեստ, բայց ոչ անճաշակ: Աչքի են ընկում հարուստ զանգուր մազերը պարզ գլխարկի տակից: Լուռ հետևում է քրոջը և խոնարհ բարևում):

ՕՎՍԱՆՆԱ. (Ընդունում է հյուրերին սիրալիր, բայց հպարտ: Լեյլիի հետ համբուրվում է): Շնորհակալ եմ: Շատ ուրախ եմ ձեր գալուն: (հրավիրում է գահավորակի կողմ):

ՆԱՐԳԻԶ. (Հյուրերին ընդունել է գլխի թեթև շարժումով, դեմքին մի հեգնական ժպիտ):
Ներեցե՛ք, եթե պատրաստ չե՛նք: Մենք ուշ ենք զարթնում:

ՆՈՅԻՄԶԱՐ. Դե պարոք համարեցինք ամենից առաջ գալ: (Դուրս է բերում սև, մետաքսյա պեղրիկի տակից մի տուփ քաղցրավենիք և դնում է աննկատելի անկյունի կլորիկ սեղանի վրա):

ՆԱՐԳԻԶ. Կարող եք նստել (հնքը չի նստում): Ձեր եղբայրն ինչո՞ւ է մեր մոտից դուրս գալիս:

ՆՈՅԻՄԶԱՐ. Չգիտեմ (Նստում է բազկաթռչի վրա, ձեռները հենում հովանոցի կոթին):

ՕՎՍԱՆՆԱ. Մի՞թե Արամազդը թողնում է ծառայությունը հայրիկի մոտ: Ես այդ չգիտեի:
Օրիորդ Լեյլի, նստեցե՛ք այստեղ, մոտս: (Նստում է և սկսում է Լեյլիի հետ խոսել առանձին):

ՆԱՐԳԻԶ. Երևի հարստացել է, ժամանակները փոխվել են, հիմա գործակատարները շատ շուտ են հարստանում:

ՆՈՅԻՄԶԱՐ. Երանի թե այդպես լինե՛ր:

ՆԱՐԳԻԶ. Իհարկե, ո՛վ չի ուզում, միայն թե ազնիվ ճանապարհով հարստանան: Մենք քանիքանի գործակատարներ ենք ունեցել, որոնք այսօր օրինավոր վաճառականներ են: Տրեխներով գալիս են մեզ մոտ, կոշիկներով գնում:

ՆՈՅԻՄԶԱՐ. Իմ եղբայրն իսկի տրեխներ չի հագել:

ՆԱՐԳԻԶ. Ես օրինակի համար եմ ասում... Նա էլ գյուղական տղա է, չէ՛: Դե ամենքին մարդ դարձնողը մենք ենք:

ՕՎՍԱՆՆԱ. (Հանդիմանական եղանակով): Մայրիկ, մարդիկ մարդ են դառնում իրանց խելքով և ոչ մեզնով:

ՆԱՐԳԻԶ. Ի՞նչ կկամենաք պատրաստել տամ, սո՛ւրճ, թե շոկոլադ:

ՆՈՅԻՄԶԱՐ. (Արժանապատվությամբ): Ոչ մեկը, շնորհակալ ենք...

ՆԱՐԳԻԶ. Երևի, քաղցած չե՛ք: Դե, իհարկե, լույսը նոր է բացվել: Մեզ մոտ հյուր գալիս են տասներկու ժամից սկսած:

ՆՈՅԻՄԶԱՐ. (Արդեն վիրավորված): Դե մենք չգիտենք, գյուղական աղջկերք ենք:

ՆԱՐԳԻԶ. Մեր ժամանակում էլ ազնվականությունն մնաց: Այնքան սրա ու նրա հետ նստեցինք, վերկացանք, որ կարգ ու կանոն մոռացանք: (Նստում է և սուր հայացքով նայում Լեյլիին: Մեկուսի) Ի՞նչ առողջ է անիծվածը...

ԼԵՅԼԻ. Այո, օրիորդ, կարդում եմ, ինչ որ ձեռքս է ընկնում:

ՕՎՍԱՆՆԱ. Միայն հայերեն, թե՞ ռուսերեն էլ:

ԼԵՅԼԻ. Ռուսերեն մի քիչ դժվարությամբ եմ հասկանում:

ՕՎՍԱՆՆԱ. Փույթ չէ, շուտով կսովորեք: Եկեք շուտ-շուտ ինձ մոտ, ես ձեզ շատ հետաքրքրական գրքեր կտամ:

ՆՈՅԻՄԶԱՐ. Շնորհակալ ենք:

ՆԱՐԳԻԶ. (Շարունակ նայել է Լեյլիին): Օվսաննա, նայում եմ այդ աղջկան... (Լեյլիին) Անունդ մոռացել եմ:

ԼԵՅԼԻ. (Շփոթվելով): Լեյլի:

ՆԱՐԳԻԶ. Նայում եմ Լեյլիին և մտածում եմ ինչ լավ կգար քո հագուստը նրա վրա (դառնում է Նոյիմզարի): Չորս-հինգ հագուստ ունի աղջիկս, բոլորն էլ համարյա նոր, չի հագնում, մողայից դուրս են եկել:

ՆՈՅԻՄԶԱՐ. Տվեք ձեր աղախնին:

ՆԱՐԳԻԶ. Ափսոսում եմ: Հըը, Օվսաննա, ինչ կասես, բախշենք Լեյլիին:

ՆՈՅԻՄԶԱՐ. (Կատաղության նշաններ է անում մեկուսի):

ՕՎՍԱՆՆԱ. (Մոր փոխարեն ամաչել է): Մայրիկ, դրա ժամանակը չէ: (Աշխատում է Լեյլիին զբաղեցնել):

ՆՈՅԻՄԶԱՐ. (Այլևս չկարողանալով իրան զսպել): Իմ քույրը ձեր աղջկանից համ հասակով բարձր է, համ էլ նրա պես լղար չէ... (Մեկուսի): Կերար...

ԼԵՅԼԻ (Քրոշ փոխարեն ամաչել է, շփոթվել, նայում է նրան հանդիմանությամբ):

ՆԱՐԳԻԶ. (Սաստիկ խայթվել է): Հա, իհարկե, անտաշ է,

ՆՈՅԻՄԶԱՐ. (Վեր է կենում): Լեյլի, ժամանակն է գնալու, (Նարգիզին): Մնաք բարով:

ՕՎՍԱՆՆԱ. (վեր կենալով): Ինչո՞ւ եք շտապում:

ՆՈՅԻՄԶԱՐ. (Կծված): Շատ որ նստենք, շիլ կնայինք: Լեյլի, ես գնացի:

ՕՎՍԱՆՆԱ, ճաշին խնդրեմ շնորհ բերեք:

ՆԱՐԳԻԶ. (Թաքուն նշան է անում Օվսաննային, որ չհրավիրե):

ՆՈՅԻՄԶԱՐ. Շնորհակալ ենք... Չենք կարող: Լեյլի, ես գնացի: (Գնում է աջ կողմի երկրորդ դռներով):

ԼԵՅԼԻ. Մնաք բարով: (Շփոթված, ամոթխած գլուխ է տալիս Նարգիզին, իսկ Օվսաննայի ձեռք սեղմում է):

ՕՎՍԱՆՆԱ. Ցտեսություն, Լեյլի: Ես ճաշին ձեզ անպատճառ կսպասեմ:

ԼԵՅԼԻ. (Ավելի շփոթված): Ոչ, ոչ, չսպասեք: Ցտեսություն, (Գնում է Նոյիմզարի ետևից):

ՕՎՍԱՆՆԱ. (Սիրալիի ուղեկցում է Լեյլիին մինչև դռները):

ՆԱՐԳԻԶ. (Նկատել է քաղցրավենիքի տուփը, վերցնում է, նայում և արհամարհանքով տեղը դնում): Դես նայիր, կանֆետ էլ են բերել...

ՏԵՍԻԼ 5

ՕՎՍԱՆՆԱ և ՆԱՐԳԻԶ, հետո ՆՈՒՆՈՒՖԱՐ

ՕՎՍԱՆՆԱ. (Վերադառնում է արագ քայլերով բեմի կենտրոնը, վիրավորված է մոր դեմ): Մամա, պետք է ասած, որ շատ սիրալիի ընդունեցիր իմ հյուրերին, շա՛տ, Դու նրանց ուղղակի վնասեցիր մեր տնից:

ՆԱՐԳԻԶ. Շատ լավ արի: Թող գնան իրանց եղբորը պատմեն, որ մյուս անգամ չհամարձակվի իր գլխից մեծ բաներ բռնել: Անպատկառ, չի ամաչում մի րոպե մտածել, որ կարող է Ֆռանգուլյանների փեսան լինել:

ՕՎՍԱՆՆԱ. Բայց քույրերն ի՞նչ մեղք ունեն, որ իրանց եղբայրն ինձ առաջարկություն է արել:

ՆԱՐԳԻԶ. Այդ գյուղականները շատ երախտամոռ են առհասարակ: Աղքատ ու հպարտ, ես սրանց ուզում եմ բարոություն անել, նրանք վիրավորում են ինձ ու քեզ:

ՕՎՍԱՆՆԱ. Նախ դու սկսեցիր, մայրիկ, քո ամեն մի խոսքը ուղղակի վիրավորանք էր նրանց համար:

ՆԱՐԳԻԶ. Թող լինի: Այդպիսիներին, որ մի քիչ երես տանք, վզներովս կփաթաթվին: Ամեն մարդ պիտի իր տեղը լավ ճանաչի: Տե՛ս, կանֆետ են բերել քեզ համար: Ով գիտե որ բաղկալից են առել... Վերցրու, դեն գցիր, որ հյուրերս չտեսնեն այդ կեղտոտ տուփը...

ՕՎՍԱՆՆԱ. (Վերցնում է քաղցրավենիքի տուփը): Ոչ թե դեն կգցեմ, այլ կդնեմ ամենալավ տեղ, որ քո ազգականները տեսնեն: (Տուփը դնում է դաշնամուրի վրա): Ամեն մի նվեր հարգանքի է արժանի: Մեծ քրոջ մասին ասա, ինչ որ ուզում ես, բայց Լեյլին շատ համակրելի աղջիկ է: Ես խնդրեցի նրան, որ շուտ-շուտ գա մեր տուն: Արժե նրա հետ բարեկամանալ:

ՆՈՒՆՈՒՖԱՐ. (Գալիս է խորքի դռներից): Խանում, Լևոն աղան զարթնեց: (Սպասում է հրամանների):

ՆԱՐԳԻԶ. Ահ, վերջապես: Գնամ, տեսնեմ գիշերն ինչպես է անցկացրել: (Ուզում է գնալ խորքի դռներով):

ՕՎՍԱՆՆԱ. Մայրիկ, սպասիր մի րոպե, (Մոտենում է, կիսաձայն): Ես քեզ խորհուրդ եմ տալիս Լևոնին շատ էլ չձանձրացնել մայրական խնամքով:

ՆԱՐԳԻԶ. Ինչո՞ւ:

ՕՎՍԱՆՆԱ. Որովհետև նա հիվանդ է:

ՆԱՐԳԻԶ. Գիտեմ, ուրեմն ես իմ հիվանդ որդուն պիտի առանց խնամքի թողնեմ:

ՕՎՍԱՆՆԱ. Հենց այդ է, որ չգիտես այդ ինչ հիվանդություն է: Զո ծայրահեղ հոգատարությունը, քո ախուժախն ու հառաչանքները ավելի բորբոքում են նրա վերքերը, քան թեթևացնում (Հեռանում է մորից):

ՆԱՐԳԻԶ. Չեմ հասկանում, (Գնում է խորքի դռներով):

ՕՎՍԱՆՆԱ. Մի օր կհասկանաս, բայց ուշ կլինի: (Պատրաստվում է դաշնամուր նվագելու և սկսում է):

ՆԱԽԱՍԵՆՅԱԿՈՒՄ ՉԱՆԳԱԿ

ՆՈՒՆՈՒՖԱՐ. (Գնում է աջ կողմի երկրորդ դռներով նախասենյակի դռները բանալու):

ՏԵՍԻԼ 6

ՕՎՍԱՆՆԱ և ԺՈՐԺ

ՕՎՍԱՆՆԱ. (Նվագում է մի թեթե բան կես րոպեի չափ):

ԺՈՐԺ. (Գալիս է աջ կողմի երկրորդ դռներից: Գեղեցիկ դեմքով, նորաձև հագնված երիտասարդ է, ձևերը հավակնական կիրթ: Երեսը սափրած է, ցածի շուրթի վրա թողած է մի մատնաչափ մորուք բեղերը խնամքով սանրած են: Հանդարտ քայլերով մոտենում է Օվսանային և ձեռք մեղմիկ դնում է նրա ուսի վրա): Բարև, շնորհավորում եմ:

ՕՎՍԱՆԱ. (Ուրախ ցնցվելով, խաղն ընդհատում է և ոտքի ելնում): Դո՛ւ ես:

ԺՈՐԺ. Չէի՛ր սպասում այդպես վաղ, (Սեղմում է Օվսանայի ձեռք ամուր): Ծաղիկների փունջը բերեցին:

ՕՎՍԱՆԱ. Ոչինչ չեմ ստացել:

ԺՈՐԺ. (Ձեռնոցները հանդարտ հանելով): Անպիտաններ, միշտ այդպես անճիշտ են: Բայց ես քեզ համար ավելի թանկագին նվեր եմ բերել: (Ձեռնոցները զգում է ամուր գլխարկի մեջ, գլխարկը գնում է մեջտեղի սեղանի վրա է):

ՕՎՍԱՆԱ. Երևի, մի ուրախալի լուր, (Անհամբեր): Հապա, հապա: Նստի՛ր ր:

ԺՈՐԺ. (Հառաչելով): Այն բարդ խնդիրը, որ ինձ արգելում էր մեր ամուսնության օրը նշանակելու, վերջապես լուծվեց: (Հանդարտ նստում է):

ՕՎՍԱՆԱ. Հուսով եմ բարեհաջող: (Նստում է Ժորժի մոտ):

ԺՈՐԺ. Այո: Գոնե այնքան, որ ես այժմ կարող եմ քեզ համարել իմը: (Անում է Օվսանայի երկու ձեռները): Ուրա՛խ ես, ասա՛՛ է:

ՕՎՍԱՆԱ (Ուրախությունից շփոթված): Այո, իհարկե: Եվ ավելի քեզ, քան թե ինձ համար: Դու շատ էիր մտածում, շատ էիր ճնշված:

ԺՈՐԺ. (Տակավին Օվսանայի ձեռքը բռնած) : Ախ, Օվսանա, եթե իմանայիր, թե ինչ բարոյական տանջանքներ եմ քաշել, շատ կցավեիր իմ մասին: (Ձեռները բաց թողնելով): Բայց ոչինչ, կոշմարն անցավ, այժմ պետք է աշխատել ամեն ինչ մոռանալ:

ՕՎՍԱՆԱ, Կոշմարն անցա՛վ: Կնշանակե, այժմ կարող ես պատմել, թե այդ ինչ խնդիր էր, որ ինձանից թաքցնում էիր:

ԺՈՐԺ. Օօ, իհարկե, կպատմեմ: Բայց ոչ այսօր կամ վաղը, ոչ շուտով: Միայն այն ժամանակ, երբ մենք կլինենք ամուսիններ: Իսկ առայժմ գնա հայտնի ծնողներիդ, որ ես քո նշանածն եմ: Միայն ոչ իմ ներկայությամբ, ոչ, ոչ, ես չեմ սիրում այդպիսի տեսարաններ, հետո...:

ՕՎՍԱՆԱ. Մի փոքր առաջ մայրս նախատում էր ինձ, որ ես ոչ հարսնացու եմ, ոչ ազատ...

ԺՈՐԺ. Գիտեմ, սիրելիս, գիտեմ: Բայց ի՞նչ արած, հանգամանքները շատ բարդ էին: Էհ, վերջապես, մի օր բոլորը կիմանա և, հուսով եմ, կներես...

ՕՎՍԱՆԱ. (զարմանալով): Կներե՞մ... ի՞նչը...

ԺՈՐԺ. (Վեր է կենամ շփոթությունը թաքցնելու համար): Լավ, թողնենք, քո հարցափորությունն ինձ համար ախորժելի չէ...

ՕՎՍԱՆԱ. (Վեր է կենում): Շատ լավ, չեմ ձանձրացնի, Ուրեմն հայտնեմ մորս:

ԺՈՐԺ. Անպատճառ. Բայց, գիտե՛ս, երևի ծնողներիդ կամենան հանդիսավոր նշանախոսությունն սարքել: Այդ բանն ես չեի ուզենալ: Ի՞նչ հարկավոր է այդ չինական ձևականությունը: Աա, ի՞նչ կասես:

ՕՎՍԱՆՆԱ. Ես համաձայն եմ: Ես էլ չեմ սիրում այդ ավելորդ բաները: Ինձ համար կարևորն ուրիշ բան է (նայում է Ժորժին սիրալիր):

ԺՈՐԺ. Գիտեմ: Մեր փոխադարձ սերն ու հարգանքը, այնպես չէ՞ :

ՕՎՍԱՆՆԱ. (Գլխով համաձայնության նշան է անում, սիրալիր ժպտալով):

ԺՈՐԺ. Բայց, այնուամենայնիվ, ահա քեզ մի փոքրիկ գրավական ծնողներիդ հանգստացնելու համար: (Հանում է ձախ մատից մի մատանի և հազցնում է մատին): Թանկ բան չէ, բայց մորս նվերն է, ուրեմն անգին: Ինչու հառաչեցիր, կարծես դու ուրախ չես:

ՕՎՍԱՆՆԱ. (Թույլ է տվել Ժորժին մատանին հազցնելու, հառաչել է). Ոչինչ, մի վատ նախազգացում... տարօրինակ է թվում: Չնայելով որ վաղուց երագում էի այս օրվա մասին, բայց մի տեսակ երկյուղ պաշարեց ինձ: Այս մատանին այնպես հեշտ դուրս եկավ քո մատից: Ոչինչ, ոչինչ, ասում են ուրախությունը տարօրինակ զգացումներ է զարթեցնում մարդու սրտում: Նայիր, (Համբուրում մատանին):

ԺՈՐԺ. Երեխա: (Ժպտում է, հետո լուրջ): Բայց թողնենք մեր զգացումները մոտիկ ապագայի համար: Լսիր, Օվսաննա: (Բռնում է Օվսաննայի ձեռքը): Ես սկսել եմ անկեղծությամբ, ուզում եմ մինչև վերջ լինել անկեղծ: Մի մոռանար, որ ես ոչինչ չունիմ, գիտես, ոչինչ, բացի իմ գիտությունից և արհեստից:

ՕՎՍԱՆՆԱ. (Ձեռը խլում է Ժորժից անուշ վշտացած): Միայն այդքա՞նը, ուրիշ ոչինչ: (Նայում է աչքերի մեջ խորը հայացքով):

ԺՈՐԺ. Եվ սիրուց դեպի քեզ: Ա՞յս էիր ուզում: (Ուզում է նորից ձեռը բռնել):

ՕՎՍԱՆՆԱ. (Ձեռը դարձյալ խլում է): Չարմանալի է, որ այդ բանը միշտ պետք է քեզ հիշեցնել:

ԺՈՐԺ. Օվսաննա, մենք դեռահասներ չենք, սերը խոսքերով չի ապացուցվում:

ՕՎՍԱՆՆԱ. Լավ, լավ, ես ոչինչ չեմ պահանջում քեզից: Ի՞նչ էիր ուզում ասել: Որ աղքատ ես: Այդ ես վաղուց գիտեմ: Ծնողներս էլ գիտեն: Բայց չէ որ ես հարուստ եմ և ինչ որ ունիմ քեզ է պատկանելու:

ԺՈՐԺ. (Շինծու հպարտությամբ): Օհ, ոչ, ես այդ չեմ կամենում: Քո օժիտը քեզ է միայն պատկանելու: Ես միայն ժամանակավոր պիտի օգտվիմ նրանից, շատ-շատ մի տարի, մինչև որ...

ՕՎՍԱՆՆԱ. (Ձեռքով փակում է Ժորժի բերանը): Սո՛ւս, բավական է, այդ մասին այլևս ոչ մի խոսք, ես արգելում եմ:

ԺՈՐԺ. (Օվսաննայի ձեռք սեղմում է իր շրթունքներին): Հպատակվում եմ... Դե՛հ, թույլ տուր ինձ հեռանալու, ապա թե ոչ կարող եմ հյուրեր գալ և կսկսեն շնորհավորություններ, օրհնանք և այլն, և այլն:

ՕՎՍԱՆՆԱ. Ճաշին, իհարկե, կգաս:

ԺՈՐԺ. Կաշխատեմ: Բայց ոչ, ես կգամ իրիկնադեմին, երբ հյուրերը ցրված կլինեն:

ՕՎՍԱՆՆԱ. Դո՛ւ գիտես,

ԺՈՐԺ. Ուրեմն, ցտեսություն: (Գրկում է Օվսաննային): Կարելի՞ է,

ՕՎՍԱՆՆԱ. Այժմ, այո՛:

ԺՈՐԺ. (Արագ համբուրում է Օվսանային մի անգամ):

ՕՎՍԱՆՆԱ. (Չգացված ու սաստիկ շփոթված, մեղմ հրում է Ժորժին): Բավական է:

ԺՈՐԺ. (Գլխարկը սեղանի վրայից վերցնելով): Ուրեմն, իրիկնադեմին: Ցտեսություն, Դու կտեսնես, թե ինչպես կերջանկացնեմ քեզ: Տը՛ (Գնում է աջ կողմի երկրորդ դռներով):

ՕՎՍԱՆՆԱ. (Նայում է Ժորժի ետևից սիրալիր հայացքով, երջանիկ ժպտում: Հանկարծ տխրում է, մտածում): Չարմանալի է: (Ձեռը սեղմում սրտին: Նայում է մատանուն, համբուրում է հանկարծակի և ուրախ-արախ վազում խորքի դռներով):

ՏԵՍԻԼ 7

ԱԹԱՆԵՍ և ԱՐԱՄԱԶԴ

ԱԹԱՆԵՍ. (Գալիս է աջ կողմի երկրորդ դռներով: Միջահասակ, կարճ խուզած ալեխառն մազերով, թանձր, կեռ ունքերով, ճերմակ, կարճ, հաստ բեղերով, սափրած երեսով մարդ է: Հայացքը խիստ է, քայլվածքը ծանր, հպարտ, ձայնը խրոխտ: Հագած է լայն սյուրտուկ, լայն վարտիք, օսլայած շապիկ ծալած օձիքով: Արամազդին): Գնում ես էլի: (Հեգնական տոնով, որի մեջ լսվում է բարկություն): Լավ, լավ, գնա, ո՛վ է քեզ զոռով պահում: Բայց ասա տեսնեմ, շնորհակալ ես հեռանում ինձանից, թե անշնորհակալ:

ԱՐԱՄԱԶԴ. (Առողջ և ամուր կազմվածքով տղամարդ է, խելոք, առնական, համարձակ դեմքով: Սև բարակ բեղեր, կարճ խուզած մորուք, ամուր սեղմված շրթունքներ: Հագնված է շատ պարզ, բայց մաքուր: Ձևերն ազատ են ու գերծ հահոյանալու ձգտումից): Անշնորհակալ լինելու իրավունք չունիմ: Ես ձեզանից վատություն չեմ տեսել:

ԱԹԱՆԵՍ. (Նստելով գահավորակի վրա ծանր ու բարակ, հանում է գրպանից «տերողորմյան», ցույց տալով Արամազդին դիմացի բազկաթոռը): Ասա, տեսնենք, ո՞ւմ մոտ ես մտել:

ԱՐԱՄԱԶԴ. (Նստում է գդակը ձեռքին): Ոչ ոքի:

ԱԹԱՆԱՍ. (Ունքերը վեր բարձրացնելով): Չես ծառայելու, հե՛:

ԱՐԱՄԱԶԴ. Ո՛չ:

ԱԹԱՆԵՍ. Հապա: Հույսդ ինչի՞ վրա ես դրել:

ԱՐԱՄԱԶԴ. Իմ աշխատասիրության և եռանդի:

ԱԹԱՆԵՍ. Դրանցով փոր չի՛ կշտանալ: Փող, բա՛ն:

ԱՐԱՄԱԶԴ. Էհ, մի քիչ ունիմ:

ԱԹԱՆԵՍ. Լավ, լավ, դե որ ունիս, կարող ես մի լավ խանութ բաց անել: Կոշիկների խանութ բաց արա, կոշիկների:

ԱՐԱՄԱԶԴ. Արդյունաբերական-գործարանական քաղաքում միայն ծուլերն ու անդամալույծներն են խանութում նստում:

ԱԹԱՆԵՍ. Հապա ի՞նչ ես ուզում անել:

ԱՐԱՄԱԶԴ. Ես մի ընկերություն եմ կազմել:

ԱԹԱՆԵՍ. (Չարմացած): Ի՞նչ, ընկերություն:

ԱՐԱՄԱԶԴ. Այո:

ԱԹԱՆԱՍ. Անո՛ւնը:

ԱՐԱՄԱԶԴ. (Դուրս է բերում գրպանից մի թուղթ և տալիս է Աթանեսին): Համեցեք, կարդացեք:

ԱԹԱՆԱՍ. Տեսնեք, տեսնեք: (Թուղթն բանում է, ակնոց է դնում և, հեզնական ժպիտը երեսին, կարդում է): «Торгово-промышленное Товарищество Арамазда Аслановича Агавеляна и других»... (Թուղթը ձգում է սեղանի վրա ծաղրաբար): Ого, го, го, շատ թունդ ես վազում, տես ոտդ քարին չդիպչի:

ԱՐԱՄԱԶԴ. (Թուղթը վերցնում է ու դնում գրպանը): Ես հավատում եմ իմ աստղին:

ԱԹԱՆԱՍ. Ո՛ր սարի գլխից ես տեսել աստղդ, հե՛:

ԱՐԱՄԱԶԴ. Տասնուհինգ տարվա մեջ աչքիս առջև այս քաղաք եկ'ել են փոքրիկ դրամագլխով մի շարք մարդիկ առանց վարկի, առանց ծանոթների և ահագին գործեր ձեռնարկել:

ԱԹԱՆԱՍ. (Մի ոտքը ծալելով ու տակը դնելով): Օրինակ, ովքե՛ր:

ԱՐԱՄԱԶԴ. Չիբերտը, Առնշտեյնը, Պետերսոնը, Մյուլմանը, ո՞ր մեկն ասեմ:

ԱԹԱՆԱՍ. Նրանք կամ հրեաներ են, կամ եվրոպացիներ:

ԱՐԱՄԱԶԴ. Ես մի գրքում կարդացել եմ, որ հայերը շատ հին ժամանակ մրցել են աշխարհի ամենաճարպիկ վաճառականների — փյունիկեցիների հետ: Եթե մեր նախահայրերը այնպես համարձակ են եղել, ինչո՞ւ մենք չենք կարող լինել:

ԱԹԱՆԱՍ. Իհարկե, իհարկե, հե՛ հե՛...

ԱՐԱՄԱԶԴ. Ի՛նչ արած ինը տարի շարունակ ես աշխատեցի ձեզ համոզել, որ ձեր գործելու եղանակը հնացել է, պետք է փոխել, դուք արհամարհեցիք իմ ասածները: Դուք ասեցիք իմ խորհուրդները:

ԱԹԱՆԱՍ. (Գրգռված, ոտը հանում է տակից): Աղա, շինականի տղա, դու ո՞վ ես, որ ես քո խորհուրդները լսեի, հե՛: Վաճառականությունը ես իմ մորս կաթի հետ եմ ծծել: Իմ հայրն էլ է եղել վաճառական, պապն էլ, մեծ պապն էլ: Տեսնո՞ւմ ես այդ խալիները: Որո՞ւ խորասանից էր բերված, որը Թուրքեստանից, որը Բելուջիստանից, յոթանասունուհինգ տարի մենք Մոսկվայից սկսած մինչև Թեհրան, Սամարղանդից սկսած մինչև Մանչեստր առուտուր ենք ունեցել, հիմա դո՛ւ պիտի խելք սովորեցնես Ֆռանգուլյաններին:

ԱՐԱՄԱԶԴ. Պարոն Աթանես, անցան այդ ժամանակները, հիմա մրցումը դժվարացել է, վաճառականից այժմ շատ բաներ են պահանջվում: Վերջապես, այլ է վաճառականություն, այլ է արդյունաբերություն:

ԱԹԱՆԱՍ. (Ոտքի է կանգնում վրդովված): Շատ ես խելքիդ գոռ տալիս, լակո՛ւտ:

ԱՐԱՄԱԶԴ. (Ոտքի է կանգնել Աթանեսի հետ միաժամանակ): Ցնցվում է «լակոտ» բառը լսելիս: Բայց զսպում է իրան): Կարն լռությամբ:

ԱՐԱՄԱԶԴ. (Դուրս է բերում գրպանից մի մեծ քառածալ թերթ և. տալիս է Աթանեսին): Թույլ տվեք ներկայացնել ձեզ իմ վերջին հաշիվը:

ԱԹԱՆԵՍ. (Չղջացել է, որ վիրավորեց Արամազդին: Վերցնում է թուղթը: Մեղմ): Գործ սկսե՛լ ես:

ԱՐԱՄԱԶԴ. Այո:

ԱԹԱՆԵՍ. Ե՛րբ:

ԱՐԱՄԱԶԴ. Վեց ամիս է:

ԱԹԱՆԵՍ. Վեց ամիս է և ինձ ոչինչ չե՛ս ասել, (Թուղթը շարտում է սեղանի վրա):

ԱՐԱՄԱԶԴ. Գաղտնիք պահելը ձեզանից եմ սովորել:

ԱԹԱՆԵՍ. Ի՛նչ գործ է սա:

ԱԹԱՆԵՍ. (Չարմացած և բարկացած): Ի՛նչ:

ԱՐԱՄԱԶԴ. Ես գնեցի Հաջի Ղասումից այն հողերը. Հիշում ե ք, մի ամբողջ ամիս ես հորդորում էի ձեզ գնել և չգնեցիք:

ԱԹԱՆԵՍ. (Ավելի գրգռված): Դու համարձակվեցիր իմ պատառը խլել իմ ձեռքից, ես ուզում էի, որ թո լրջը նեղն ընկնի և հողը կես գնով տա:

ԱՐԱՄԱԶԴ. Ոչ, պարոն Աթանես, միայն այդ չէր պատճառը, որ հողը ձեր ձեռքից դուրս եկավ:

ԱԹԱՆԵՍ. Բաս ի՛նչ էր էլի:

ԱՐԱՄԱԶԴ. Թուրքը փողը նաղդ էր ուզում:

ԱԹԱՆԵՍ. Նաղդ կտայի:

ԱՐԱՄԱԶԴ. (Նայում է Աթանեսին և տխուր ժպտում): Դժբախտաբար չէիք կտրող տալ:

ԱԹԱՆԵՍ. (Կատաղելով): Ո՛վ ասաց չէի կտրող տալ:

ԱՐԱՄԱԶԴ. Ո՛վ ավելի լավ գիտե ձեր գործերը, քան ես:

ԱԹԱՆԵՍ. (Ձայնը բարձրացնելով): Սուս... (Շփոթվել է, հուզվել, մտածում է: Լռություն):

ԱՐԱՄԱԶԴ. (Նայում է Աթանեսին կարեկցությամբ):

ԱԹԱՆԵՍ. (Մի վճռական շարժումն անելով, մոտենում է Արամազդին, աջ ու ձախ նայելով, բռնում է նրա ձեռքը, կիսաձայն): Լսիր, եթե բերանիցդ մի բառ բաց թողնես մերոնց մոտ, մանավանդ դրսում, ես քեղ կոշկիս ծայրով ծովը կշարտեմ: Բաց է թողնում Արամազդի ձեռն ու հեռանում):

ԱՐԱՄԱԶԴ. (Արժանապատվությամբ ե համարձակ): Պարոն Ֆռանգուլյան, առաջինը, այժմ դուք ոչինչ չեք կարող անել ինձ, երկրորդը, թույլ տվեք վերջին խորհուրդը տալ ձեզ. հենց այժմ իսկ հայտնեցեք ձեր ընտանիքին ձեր գործերի դրությունը, որպեսզի նրանք իրանց շռայլ ծախսերը կրճատեն:

ԱԹԱՆԵՍ. (Կատաղած, թուղթը վերցնում է սեղանի վրայից): Գնանք իմ սենյակը հաշիվդ տեսնեմ: Ես չկարողացա քո լեզուդ կրճատել: (Դնում է դեպի աջ կողմի դռները):

ԱՐԱՄԱԶԴ. (հետևում է նրան):

ԱԹԱՆԵՍ. (Մի պահ կանգ է առնում դռների մոտ): Ես միայն Փողի պակասություն ունիմ, կրիզիս է, ուրիշ ոչինչ: Լսո՞ւմ ես: Բայց ինչքան էլ վատ լինեն Աթանես Ֆռանգուլյանի գործերը, նա ոչ մի մարդու ձեռք չի մեկնիր Լսո՞ւմ ես, ոչ մի մարդու: (Գնում է աջ կողմի առաջին դռներից):

ԱՐԱՄԱԶԴ. Տա աստված (Յետևում է Աթանեսին):

ՏԵՍԻՆ 8

ՕՎԱՆՆԱ, ՍԱՄՎԵԼ, ՆԱՐԳԻԶ, մի վայրկյան ԱՐԱՄԱԶԴ, հետո ՆՈՒՆՈՒՖԱՐ ՈՒ ԼԵՎՈՆ

ՍԱՄՎԵԼ. (Գալիս է խորքի դռներից, Օվաննայի ձեռք բռնած, ուժով ներս բերելով: Մյուս ձեռքով բռնած է ջուրակը կնտստոցի հետ: Զրոջ պես դժգույն, սրբակազմ, համակրելի դեմքով երիտասարդ է, հաշակով հագնված): Օվաննա, Օվաննա, եթե քո ժորժին սիրում ես, հինգ րոպե, միայն հինգ րոպե, փոխարենը հարսանիքիդ երեկո մինչև լույս կնվազեմ:

ՕՎԱՆՆԱ. Օհ, քեզանից ազատվել չի կարելի: (Նստում է դաշնամուրի մոտ):

ՆԱՐԳԻԶ. (Եկել է Սամվելի ու Օվաննայի ետևից): Մի ուրախ բան ածեցեք, որ սիրտս բացվի: Այսօր երկու տոն ունենք, համ ծնունդ, համ նշանդրություն: Օհ, վերջապես: (Նստում է ու պատրաստվում ականջ դնելու):

ՍԱՄՎԵԼ. Ի՞նչ անեմ, առանց ակոմպանեմենտի չեմ կարողանում ըմբռնել: Ահա՛: (Դնում է այլուպիտրի վրա մի նոտատետր և պատրաստվում ջուրակ նվագել):

ՕՎԱՆՆԱ. (Սկսում է դաշնամուր նվաղել): Այս ինձ ծանոթ մի եղանակ է:

ՍԱՄՎԵԼ. (Զուրակ նվագելով): Հրաշալի բան է: Արամազդի ամենասիրելի նոկտյուրնը: Այդպես, այդպես, միայն մի փոքր հանդարտ: Հիանալի է:

Նվագում են երեք քառորդ րոպե: Նախասենյակում զանգակ:

ՆՈՒՆՈՒՖԱՐ. Գալիս է խորքի դռներով, դնում է աջ կողմի երկրորդ դռներով նվաղելու միջոցին և իսկույն ետ էգալիս մի մեծ փունջ ծաղիկներ բերելով: Մոտենում է Նարգիզին և տալիս է մի այցետոմս):

ՆԱՐԳԻԶ. Օվաննա, տես ժորժն ինչ լավ ծաղիկներ է ուղարկել քեզ համար:

ՕՎԱՆՆԱ. (Խաղը չի ընդհատում): Դիր դաշնամուրի վրա:

ՆՈՒՆՈՒՖԱՐ. (Փունջը դնում է դաշնամուրի վրա և դնում խորքի դռներով):

ԱՐԱՄԱԶԴ. (Գալիս է աջ կողմի առաջին դռներով մի գրիչ ձեռքում, գլխաբաց): Ներեցեք, օրիորդ, հայրիկը խնդրում է այստեղ չնվագել, (Գնում է նույն դռներով ետ):

ՕՎԱՆՆԱ. (Սամվելին) Տեսա՞ր: (Մի քանի ակորդներ ևս տալով, խաղն ընդհատում է, վեր է կենում, վերցնում վերցնում փունջը և հրճվանքով նայում, հոտ առնում):

ՍԱՄՎԵԼ. (Դադարում է նվագել, գրգռված): Այդ անտանելի է, ուղղակի պատիժ: Այս տանը ոչինչ չի կարելի սովորել:

ՆԱՐԳԻԶ. Մի նեղանա՛ր, որդի՛, հայր է, պետք է հարգել (վեր է կենում):

ՍԱՄՎԵԼ. Ահ, հարգել, հարգել, իսկ իմ հոգու պահանջները չպիտի՞ հարգել, Հասկացի՛ր, մայր, ես երաժշտությունը պաշտում եմ:

ՕԿՍԱՆՆԱ. Լավ, մի՛ վրդովվիր, ճաշից հետո կկրկնենք:

ՍԱՄՎԵԼ. Ոչ, ես ասել եմ և ասածս պիտի կատարեմ: Միևնույն է, այս քաղաքում ոչինչ չի կարելի սովորել: Իմ փրկությունը կամ մայրաքաղաքն է, կամ արտասահմանը: Այս մթնոլորտում ես խեղդվում եմ:

ԼԵՎՈՆ. Իսկ ես արդեն խեղդվել եմ: (Գալիս է խորքի դռներից: Հիվանդոտ, թուլակազմ երիտասարդ է, նոսր մազերով, նոսր ունքերով, թերթերունքները թափված: Հագած է շատ լավ կարված մոխրագույն հագուստ: Ձեռները ծածկված են բարակ սև ձեռնոցներով, որոնք երբեք չի հանում: Թույլ-թույլ նստում է բազկաթոռներից մեկի վրա):

ՆԱՐԳԻԶ. (Նայել է Լևոնին կարեկցությամբ և տխուր դեմքով այն վայրկյանից, երբ նա երևացել է): Այսօր գույնդ լավ է:

ԼԵՎՈՆ. (Ներվային): Լավ, մի՛ կրկնիր միևնույն երգը ամեն օր: Ձանձրալի եք ամենքդ: Ի՞նչ ես հառաչում ու թթված դեմքով նայում ինձ: Ո՛րֆ, ե՛րբ պետք է ազատվեմ այդ հսկողությունից, (դառնում է Սամվելին): Իսկ քո ջուլթակը: Օ՛ո, ինչ ուրախությամբ ես նրան կփշրեի և վառարան կզցեի: Առավոտից մինչև կես գիշեր ներվերս սղոցում ես: Մարդ կարող է ուղղակի խելագարվել այս տանը:

ՍԱՄՎԵԼ. Տեսնո՞ւմ ես, մայրիկ, ամեն կողմից բողոք և արգելք: Թույլ տուր ինձ գնալ, թույլ տուր:

ՆԱՐԳԻԶ. Լավ, այսօր ժամանակը չէ այդ մասին խոսելու, մի՛ թունավորիր մեր ուրախ օրը:

ՍԱՄՎԵԼ. Ա՛հ, բռնակալներ, (Արագ քայլերով գնում է խորքի դռներով՝ ջուլթակը տանելով):

ՏԵՍԻԼ 9

ՆՈՒՅՆԶ, առանց ՍԱՄՎԵԼԻ

ԼԵՎՈՆ. Թողե՛ք գնա, ի՞նչ եք արգելում:

ՆԱՐԳԻԶ. Մեկին թողեցի, շատ բախտավորվեցի, որ մյուսին էլ թողնեմ: (Հառաչում է):

ԼԵՎՈՆ. (Գրգռվելով): Ի՞նչ ես ուզում ասել դրանով, աա՛, ի՞նչ, պատասխանի՛ր, մի՛ հառաչիր ու գլուխդ շարժիր խորհրդավոր:

ՆԱՐԳԻԶ. Լավ: Ես մեղա աստծու, որդի, կլռեմ, միայն դու մի՛ չարանար:

ԼԵՎՈՆ. Ուզում ես ասել, որ ես քեզ ձանձրացրե՞լ եմ, այո՞: Սպասի՛ր, սպասի՛ր, շատն անցել է, քիչն է մնում: Կազատվիս ինձանից, քիչ նախատիր ինձ մտքումդ:

ՆԱՐԳԻԶ (Ապշած): Ե՛ս եմ քեզ նախատում: Օվսաննա, ինչե՞ր է ասում եղբայրդ:

ՕԿՍԱՆՆԱ. Լևոն, դու անարդար ես: Մայրիկը ոչ ոքի այս տանն այնքան չի սիրում, որքան քեզ:

ԼԵՎՈՆ. Հենց այդ է, որի դեմ ես բողոքում եմ: Թող կորչի ծնողական սերը, չեմ ուզում: (Վեր է կենում):

ՕԿՍԱՆՆԱ. (Հանդիմանորեն): Լևո՛ն...

ՆԱՐԳԻԶ. (Մեկուսի): Աստված իմ, ինչե՛ր եմ լսում:

ԼԵՎՈՆ. Օվսաննա, դրանք չեն հասկանում, դու պիտի հասկանաս: Լսիր, ինչ որ այդ մարդիկ անվանում են ծնողական սեր, եսամոլություն է: Այո, այո, եսամոլություն, այն էլ ամենավատ, ամենաստոր տեսակի: (Սկսում է անցուդարձ անել):

ՕՎՍԱՆՆԱ. (Առանձին, կիսաձայն): Մայրիկ, մի՛ հակառակիր, ավելի կգրգռվի:

ԼԵՎՈՆ. Գազաններն էլ են սիրում իրանց ձագերին, բայց միայն ապուշները կարող են ասել, թե այդ մի բարձր զգացում է: Օ՛հ, ի՛նչ անհուն բերկրությամբ ես կփախչեի այդ կնոջ անվերջ ինամքից՝ նրա ծանր հառաչանքները չլսելու, նրա տխուր աչքերը չտեսնելու համար: Երեք տարի է նա ողբում է ինձ իր մտքում: Երեք տարի է ես քո դեմքի վրա ժպիտ չեմ տեսնում, մայր: Եվ դու չես զգում, որ այդ ինձ ավելի է տանջում, քան իմ հիվանդությունը: Զո ուրախությունը դու պահում ես ուրիշների համար: Քանի՛, քանի՛ անգամ այս սենյակից այնտեղ, պատի ետևում լսել եմ քո ուրախ ձայնը և ծիծաղը: Բայց հենց որ ես երևացել եմ, ձայնդ իսկույն կտրվել է: Ծիծաղդ ընդհատվել, և դեմքդ մի վայրկյանում պատել է մռայլությամբ: Եվ գիտե՞ս ինչու, Օվսաննա, գիտե՞ս ...

ՕՎՍԱՆՆԱ. Զեզ սիրելուց, քո մասին ցավելուց:

ԼԵՎՈՆ. (Դառն ծիծաղով): Իմ մասի՞ն, հը, հը, ոչ, Օվսաննա, ոչ, չես հասկանում: Ինձ սիրելուց չէ այդ, այլ ինքն իրան սիրելուց: Նա տխրում է, որովհետև իմ ներկայությունը նրան ճնշում է, իմ տեսքը նրան ներշնչում է վիշտ: Ես գրկում եմ նրան ուրախությունից, ես թունավորում եմ նրա հանգստությունը: Նա ողբում է ոչ ինձ, այլ ինքն իրան: Աա, մայրիկ, այնպե՞ս է, թե՞ չէ, ասա՛, խոստովանի՛ր, ասա Է՛լի, ինչո՞ւ ես լռում:

ՆԱՐԳԻԶ. Ի՛նչ ասեմ, որդի, դու ինքդ էլ չգիտես խոսածացդ: Ցավը քեզ չարացրել է:

ԼԵՎՈՆ. (Ուռը զարկելով հատակին): Մի՛ խոսիր իմ ցավի մասին, մի՛ խոսիր: Հիվանդությունը քայքայում է միայն մարմինս, իսկ միտքս նրբացնում է: Ահ, չեմ հասկանում որ դահիճն է ծնողական սեր անվանել եսամոլությունը և որ դաժան օրենքն է սրբագործել այդ բռնությունը:

ՆԱՐԳԻԶ. Աստծու և մարդկանց օրենքները:

ԼԵՎՈՆ. Հեռու տարեք ինձնից ձեր աստծուն: Ո՞վ է նա, ես նրան մինչև օրս չկարողացա ճանաչել:

ՆԱՐԳԻԶ. (Սարսափած) Որդի՛...

ԼԵՎՈՆ. Այո, այո, չեմ ճանաչում: Նա ինձ համար օտար է, բոլորովին օտար... Ես ատում եմ նրան...

ՕՎՍԱՆՆԱ. Լևո՛ն:

ՆԱՐԳԻԶ. Ես չեմ կարող իմ հարազատ որդուց լսել այդպիսի բաներ: Դա սրբապղծություն է: Օ՛օ, սրբապաղծություն:

(Ականջները փակելով գնում է խորքի դռներով):

ՏԵՍԻԼ 10

ԼԵՎՈՆ և ՕՎՍԱՆՆԱ

Մի քանի վայրկյան լռություն:

ԼԵՎՈՆ. (Ընկճված, գուռատ, մոտեցել է դաշնամուրին, արմուկները դրել է նրա վրա ու երեսը ձեռներով ծածկել):

ՕՎՍԱՆՆԱ. (Կամացուկ մոտենում է Լևոնին և թևը բռնում): Լևոն:

ԼԵՎՈՆ. (Գլուխը բարձրացնում է): Ախ, Օվսաննա, գանգիս մեջ ինչ-որ ցավ եմ զգում:

ՕՎՍԱՆՆԱ. Ոչինչ, կանցնի, կառողջանաս:

ԼԵՎՈՆ. (Գլուխը հուսահատությամբ շարժելով): Ոչ, Օվսաննա, չեմ առողջանա, իմ բանը պրծած է: Խեղճ մայրիկ, ես վիրավորեցի նրան:

ՕՎՍԱՆՆԱ. Գնա, հանգստացիր, Լևոն, դու չպիտի հուզվիս:

ԼԵՎՈՆ. (Ուշքը ժողովելով): Իրավունք ունիս: Ես չպիտի թունավորեմ ձեր կյանքը: Եթե ժորժը գա, ուղարկիր իմ սենյակը, (Թույլ քայլերով գնում է խորքի դռներով):

ՕՎՍԱՆՆԱ. (Տխուր հայացքով նայում է Լևոնի ետևից): Խեղճ եղբայր, նա կմախք է դարձել:

ՏԵՍԻՆ 11

ՕՎՍԱՆՆԱ ՈՒ ԱՐԱՄԱԶԴ

ԱՐԱՄԱԶԴ. (Գալիս է աջ կողմի առաջին դռներից, գլխարկը ձեռքին): Օրիորդ, թույլ տվեք ձեզ մնաք բարև ասելու:

ՕՎՍԱՆՆԱ. (Մտքերից սթափվելով): Աա, դուք գնում եք:

ԱՐԱՄԱԶԴ. Այո, այսօրվանից ես այլևս ձեր կառավարիչը չեմ:

ՕՎՍԱՆՆԱ. (Անտարբեր): Ինչո՞ւ եք հորս մենակ թողնում:

ԱՐԱՄԱԶԴ. Էհ, օրիորդ, ամեն մարդ ձգտում է անկախ լինելու, բավական է որքան ծառայեցի:

ՕՎՍԱՆՆԱ. (Ձեռքը մեկնում է): Բարի ճանապարհ:

ԱՐԱՄԱԶԴ. (Արագ մոտենում է, զուսպ ջերմությամբ սեղմում է Օվսաննայի ձեռքը և իսկույն բաց թողնում): Ուրեմն... (Շփոթությունից գլխարկը ճմլում է ձեռքերի մեջ):

ՕՎՍԱՆՆԱ. (Փունջը վերցնելով, նայում է, հոտ առնում): Բան ունեք ասելու:

ԱՐԱՄԱԶԴ. (Տատանվելով): Ոչ: Ձեզանից էի սպասում մի խոսք, մի որևէ...

ՕՎՍԱՆՆԱ. (Անտարբեր): Ցանկանում եմ ձեզ կատարյալ հաջողություն ապագայում:

ԱՐԱՄԱԶԴ. Այդքա՞նը միայն:

ՕՎՍԱՆՆԱ. (Փունջը դնում է դաշնամուրի վրա): Բարևեցեք ձեր քույրերին: (Մոտենում է լուսամուտին):

ԱՐԱՄԱԶԴ. (Արագ հաղթելով շփոթությունը՝ համարձակ): Մի խոսք միայն կկամենայի ասել, օրիորդ:

ՕՎՍԱՆՆԱ. (Երեսը դարձնում է դեպի նա, սառը): Լսում եմ:

ԱՐԱՄԱԶԴ. Ես համարձակվեցի ձեզ առաջարկություն անել մերժեցիք արհամարհանքով: Ունեիք իրավունք, որովհետև... Ես ով եմ, որ հանդգնեցի... Բայց, ցանկանում եմ, որ մի ուրիշի հետ դուք լինեք երջանիկ...

ՕՎԱՆՆԱ. (Ցույց է տալիս ժորժի տված մատանին): Նայեցեք... Ես արդեն երջանիկ եմ...

ԱՐԱՄԱԶԴ. (Անախորժ ցնցումով): Ահ, ուրեմն արդեն վճռված է:

ՕՎԱՆՆԱ. Ինչպես տեսնում եք: Երթաք բարով: (Երեսը դարձյալ Արամազդից դարձնում է):

ԱՐԱՄԱԶԴ. (Չի գնում: Մտածում է): Լռություն:

ՕՎԱՆՆԱ. (Ետ է նայում): Ռ՛մն եք սպասում:

ԱՐԱՄԱԶԴ. Կարելի՞ է ձեզ մի հարց տալ, օրիորդ:

ՕՎԱՆՆԱ. (Ձանձրացած): Ա՛հ, ի՞նչ համառն եք դուք:

ԱՐԱՄԱԶԴ. Օրիորդ Օվաննա, եթե խնդիրը միայն ինձ վերաբերվեր, այսքան չէի ձանձրացնի ձեզ: Բայց անվանեցեք ինձ ինչ կամենաք, ես պարտավոր եմ երախտագետ լինել այս ընտանիքի վերաբերմամբ: Այդ մատանին, որով դուք երջանիկ եք, ձեր ապագա տանջանքների առաջին օղակն է:

ՕՎԱՆՆԱ. (Նկատելի վախեցած): Իմ ապագա տանջանքների՞: Ի՞նչ եք ուզում ասել այդ խոսքերով:

ԱՐԱՄԱԶԴ. Ժորժ Ադիլբեկյանի մոտիկ անցյալում կա մի փոքրիկ պատմություն, որ ձեզ հայտնի չէ: Չամուսնանաք նրա հետ, մինչև որ նա չի հայտնել ձեզ այդ գաղտնիքը: Ես իմ բարոյական պարտքը կատարեցի, այժմ մնացեք բարով: (Գլուխ է տալիս և եռանդուն քայլերով գնում է աջ կողմի երկրորդ դռներով):

ՕՎԱՆՆԱ. (Ցնցվել է): Սպասեցե՛ք, (Մի քայլ է անում դեպի աջ կողմի երկրորդ դռները ու կանգ առնում): Գնա՛ց, (ճակատը շփում է): Գաղտնի՛ք... Նա զուր խոսողներից չէ...

Վարագույր

ԱՐԱՐՎԱԾ ԵՐԿՐՈՐԴ

Արամազդ Ադավեյյանի բնակարանը: Հասարակ կահավորված սենյակ: Երեք դռներ, աջ կողմինը դեպի Նոյիմզարի ու Լեյլիի բնակարանը, խորքինը դեպի նախասենյակ, ձախինը դեպի Արամազդի ննջարանը: Աջ պատի առջև փոքրիկ թախտ, Էժանագին գորգով ծածկված, առջևը սեղան: Թախտի գլխին, պատի վրա հասարակ հայելի: Խորքի պատի առջև, դեպի աջ անկյուն, ճաշի սեղան, սպիտակ մաքուր սփռոցով ծածկված, քովը պահարան ամանեղենի համար: Ձախ պատի առջև գրասեղան, վրեն մատյաններ, համարակալ և այլն: Գրասեղանի գլխին, պատի վրա մի մեծ քարտեզ նավթահողերի:

Դռները վարագույրներ չունեն: Հատակի վրա մի հասարակ կապերտ: Մի քանի վիեննական դեղնագույն աթոռներ; Ընդհանրապես անշքություն և մաքրություն:

ՏԵՍԻԼ 1

ՆՈՅԻՄԶԱՐ և ԼԵՅԼԻ

ՆՈՅԻՄՉԱՐ. (Վարագույրը բարձրանալիս, թախտի վրա նստած, ձեռով կար է անում: Մի քանի վայրկյան լռությունից հետո հանկարծ զայրանում է): Չեմ կարող մոռանալ, չեմ կարող, ինչ ուզում ես ասա: Այ՛ հողը ձեր գլուխը, Ֆռանգուկովներ, հողը:

ԼԵՅԼԻ. (Նոյիմզարի դեմ նստած, կարդում է մի գիրք, արմունկը հենած սեղանին ու գլուխը ձեռքերի մեջ բռնած: Հագնված է տնային): Էլի սկսեցի՛ր: (Ընթերցանությունը չի ընդհատում):

ՆՈՅԻՄՉԱՐ. Չես իմանում ինչքան է սիրոս դադվել, Մի հարցնող լինի. լավ ասենք մենք գյուղացու աղջկներ ենք, դո՛ւ ով ես: Պարծենում ես, որ եղբայրս մարդու մոտ է ծառայել, հա՛: Լավ, հիմա էլ չի ծառայում խոմ: Այսօր եգուց ինքն էլ կարող է քո մարդու պես մեծ մարդ դառնալ: (Կարը թափ տալով): Գոռոզ, ամբարտավան: Բայց ես էլ լավ կապեցի բերանը, տեղն էր:

ԼԵՅԼԻ. (Շարունակ կարդալով): Դու իրավունք չունեիր մոր պատճառով աղջկան վիրավորելու: Օվսաննան ինքը շատ բարի և քաղաքավարի օրիորդ է:

ՆՈՅԻՄՉԱՐ. Թող լինի, բայց ինչի՞ է նման, ասես չորացրած տառեխ լինի:

ԼԵՅԼԻ. Օվսաննան շատ սիրուն է ու քնքուշ, մեզ նման կոշտ ու կոպիտ չէ:

ՆՈՅԻՄՉԱՐ. Ես չեմ հասկանում: Չգիտեմ Արամազդն ինչ է տեսել, որ երագումն էլ նրա հետ է խոսում:

ԼԵՅԼԻ. Իսկ ես ուղղակի սիրահարված եմ նրա վրա: Այ, այս վեպի հերոսուհին իսկ և իսկ նրան է նման:

ՆՈՅԻՄՉԱՐ. Վեպն ինքն է տվել քեզ կարդալու, իհարկե, հերոսուհին էլ իր նման կլինի: Չէ: Կարծես, իմ քույրը գաղթական է, որ ուզում է իր աղջկա մաշված շորերը տալ նրան: Ըհ, արյունս գլխովս է տալիս, երբ միտս է գալիս: (Արագ-արագ ներվային ուղղում է իր գիսակները): Ախար, մեկ չէ, երկու չէ, դա էլ այն երեկոն է, երբ նրանց տանը խնջույք կար ու մեզ էլ պատիվ էին արել հրավիրելու: Ընթրիքի ժամանակ ծառան սոուսը վրես թափեց:

ԼԵՅԼԻ. Ծառան մեղավոր չէր, դու ինքդ դիպար ամանին և թափեցիր:

ԼԵՅԼԻ. (Գիրքը մի կողմ դնելով, մոտենում է պահարանին): Տեսեմ, ինչ ունենք:

ՆՈՅԻՄՉԱՐ. Այ թե ֆանտան խփի, օօ, էլ ինձ հետ խոսել չի լինի...

ԼԵՅԼԻ. Պանիր, մի կտոր ձուկ, երշիկ, այս էլ ապուխտ, գինի... (Նշած իրերը մեկ-մեկ դնում է սեղանի վրա): Պատրաստ է:

ՆՈՅԻՄՉԱՐ. Այսօր մենք էլ առանց տաք կերակրի ճաշեցինք: Ուրախությունից իմ ախորժակը փակվեց:

ԱՐԱՄԱԶԴ. (Գրիչը ձգել է, մոտեցել ճաշի սեղանին): Նստեցեք: Ուրեմն, ինձ ոչ ոք դեռ չի հարցրել: Լավ, լավ: (Սկսում է ուտել արագ-արագ):

ԼԵՅԼԻ. (Նստելով): Ահ, քիչ էր մնում մոռանալի: Ֆռանգուկյանների ծառան էր եկել:

ՆՈՅԻՄՉԱՐ. (Նստելով): Այդ ես չեմ իմացել:

ԼԵՅԼԻ. Դու տանը չէիր:

ԱՐԱՄԱԶԴ. (Քույրերի և իր համար գինի ածելով): Լսիր Լեյլի, որպեսզի ոչինչ չմոռացվի, քարշ արա այն պատին, այ այնտեղ, իմ գրասեղանի գլխին, մի քարետախտակ և մի քարեգրիչ և ամեն օր գրիր եկողների անունները: Ինչ էր ուզում Ֆռանգուկյանների ծառան:

ԼԵՅԼԻ. Ասում էր, ադան քեզ կանչում է իր մոտ:

ԱՐԱՄԱԶԴ. Ադան ինձ կանչում է իր մոտ, (Յեզնական ժպիտ): Ադան այժմ ինքը կարծող է շնորհ բերել մեր տուն և... կգա: Ես զբաղված եմ:

ՆՈՅԻՄԶԱՐ. Ֆռանգուկովը մեր տուն գա: Աշխարհի վերջն է, ինչ...

ԱՐԱՄԱԶԴ. Ոչ, Նոյիմզար, աշխարհի սկիզբն է, Մեր աշխարհի... Որովհետև մենք մի հորից նավթ կսկսենք քաշել այս քանի օրերը, իսկ մյուսից սպասում ենք շատ-շատ մի ամսից հետո:

ՆՈՅԻՄԶԱՐ. (Ուրախ): Այս քանի օրերը և դու ինձ չե՞ս ասում: Այ դու խորամանկ, ուզում էիր ինձ խաբել, հա: Լավ է, որ չծախեցի բաժիններս:

ԱՐԱՄԱԶԴ. (Բաժակը զարկելով Նոյիմզարի բաժակին): Ասա, կեցցե ռիսկը և եռանդը: (Խմում է):

ՆՈՅԻՄԶԱՐ. (Ոգևորված): Կեցցե՛ իմ եղբայր Արամազդը (խմում է):

ԱՐԱՄԱԶԴ. Ես վարձեցի ձեզ համար նոր բնակարան:

ՆՈՅԻՄԶԱՐ. Մի՞թե: Ահա մի օրվա մեջ այսքան ուրախալի լուրեր: Ո՞րտեղ վարձեցիր:

ԱՐԱՄԱԶԴ. Ալաշայանի նոր շինած տանը: Վեց սենյակ բոլոր հարմարություններով: Երկու շաբաթից կտեղափոխվենք:

ՆՈՅԻՄԶԱՐ. (Ուրախությունից կարմրել է): Վեց սենյակ, բոլոր հարմարություններով:

ԱՐԱՄԱԶԴ. (Անտարբեր): Եվ Էլեկտրական լույսով:

ՆՈՅԻՄԶԱՐ. Մինչև անգամ Էլեկտրական լույս: Ուրեմն, նոր կահ-կարասի էլ այո՞, խոմ չի կարելի այս մաշված աթոռները լուսավորել Էլեկտրական լույսով:

ԱՐԱՄԱԶԴ. (Նույն անտարբերությամբ): Ես պատվիրեցի գահավորակ, բազկաթոռներ, պահարաններ, բոլորը, ինչ-որ հարկավոր է...

ՆՈՅԻՄԶԱՐ. Իսկ ծառա՞:

ԱՐԱՄԱԶԴ. Ի՞նչ միամիտ կնիկ ես, Նոյիմզար... Էլեկտրական լույս և ծառա չունենալ:

ՆՈՅԻՄԶԱՐ. (Ուրախությունից վեր թռչելով): Լեյլի, ես ոչինչ չեմ կարող ուտել: Վեց սենյակ, Էլեկտրական լույս, ծառա, բազկաթոռներ: (Արամազդին): Կարմիր գույնով, կարմիր գույնով պիտի պատվիրեիր կահ-կարասին, որ մեր թշնամիների աչքը ծակի: Ահ, ամեն բանից առաջ հյուրասենյակը պիտի սարքել: Մի մեծ գրամաֆոն կառնեմ, կոնենք լուսամուտի մոտ և օրը մինչև երեկո կածենք, թող ամբողջ փողոցը լսի: Օ՛ո, սպասիր, ամբարտավանի աղջիկ, ամբարտավան, մենք էլ մերը կասենք:

ԱՐԱՄԱԶԴ: Ես կշտացա, (Վեր է կենում): Քանի՞ ժամն է: (Նայում է յուր ժամացույցին): Օ՛ո, դեռ ժամանակ շատ կա, կարող եմ Էլի պարապել: : (Նորից նստում է գրասեղանի քով, գրում, հաշվում և այլն):

ԼԵՅԼԻ. (Սեղանը ժողովում է, մի քանի կեղտոտ ամաններ տանում է խոհանոց խորքի դռներով):

ՆՈՅԻՄԶԱՐ. Ահ, հավատալս չի գալիս: Հիմա կարող եմ նոր կոշիկներս հագնել: Թող մաշվեն: Վեց սենյակ, ծառա, Էլեկտրական լույս, գրամաֆոն: (Գնում է աջ կողմի դռներով):

ՏԵՍԻՆ 3

ԱՐԱՄԱԶԴ ՈՒ ԼԵՅԼԻ

ԼԵՅԼԻ. (վերադառնալով խորքի դռներով, տեսնում է Նոյիմզարը բացակա է, մոտենում է գրասեղանին); Մի րոպե Արամազդ, եթե չեմ խանգարում:

ԱՐԱՄԱԶԴ. (Առանց գործն ընդհատելու): Ասա՛:

ԼԵՅԼԻ. Այսօր առավոտյան Օվսաննան ինձ կանչել էր իր մոտ:

ԱՐԱՄԱԶԴ. (Գործն ընդհատելով, զարմացած): Օվսաննան քեզ կանչե՞լ էր: Չարմանալի է:

ԼԵՅԼԻ. Վերջերս նա ինձ հետ բարեկամացել է: Խնդրում է, որ ամեն օր գնամ իր մոտ և երբ ուշանում եմ, մարդ է ուղարկում իմ ետևիցս: Արամազդ, դու լավ բան, չես արել:

ԱՐԱՄԱԶԴ. Ի՞նչ եմ արել:

ԼԵՅԼԻ. Զգիտեմ, դուրս գալուդ օրը ինչ ես ասել նրան, սիրտը գցել ես զանազան կասկածներ:

ԱՐԱՄԱԶԴ. Այո՛, կասկածներ իր նշանածի վերաբերմամբ, հետո՞:

ԼԵՅԼԻ. Նա չափազանց վշտացած է: Այն օրից դես, ասում է հանգստություն չունի: Արամազդ, դու մարդկանց մասին զուր տեղը վատ խոսողը չես, այս Օվսաննան էլ է ասում: Երևի, այդ Ադիլբեկյանի մասին մի բան գիտես: Օվսաննան ուզում է իմանալ: Ես քեզ խորհուրդ եմ տալիս գնալ և բոլորը բացատրել: Եթե Օվսաննայի նշանածի կյանքում կա մի բան, որ կարող է դժբախտացնել նրան, դու պարտավոր ես այժմ իսկ զգուշացնել նրան: (Հեռանում է):

ԱՐԱՄԱԶԴ. (Մտածել է: Լեյլի խոսքերից ազդված, գրիչը ձգում է և ոտքի կանգնում): Այո, դու ունիս իրավունք, Լեյլի, դու խելոք աղջիկ ես: Այդ խոսքերը պատիվ են բերում քեզ: Բայց ինչպե՞ս բացատրություն տամ, քանի որ նա համարյա թե ինձ վռնդել է իր տանից:

ԼԵՅԼԻ. Նա քեզ չի վռնդել:

ԱՐԱՄԱԶԴ. Մերժել — կնշանակի վռնդել:

ԼԵՅԼԻ. Ինչ արած, ուրիշին է հավանել, ճաշակի բան է: Բայց նա քեզ հարգում է:

ԱՐԱՄԱԶԴ. Ուրեմն, կընդունի՞ր ինձ, եթե գնամ մոտը:

ԼԵՅԼԻ. Այո, միայն պետք է գնալ մի ուրիշ պատրվակով: Նա այնքան ինքնասեր է: որ չի կամենալ քեզ հետ խոսել իր նշանածի մասին, մանավանդ վատ բան լսել նրա վերաբերմամբ: Նա ինձ հետ էլ խոսում է շատ զգույշ և ակնարկներով: Հասկանո՞ւմ ես միտքս:

ԱՐԱՄԱԶԴ. Հասկանում եմ:

ԼԵՅԼԻ. Ուրեմն:

ԱՐԱՄԱԶԴ. Ես կգնամ նրա մոտ, միայն ոչ այսօր:

ԼԵՅԼԻ. Ինչո՞ւ:

ԱՐԱՄԱԶԴ. Նախ պետք է Օվսաննայի հայրը ոտ դնի իմ տուն, հետո ես: Ես թույլ եմ թույլ տալու: Նա պետք է գա, ստիպված է գալ, (Նախասենյակում զանգակի ձայն):

ԼԵՅԼԻ. Չանգակ, երևի, նա է: (Գնում է խորքի դռներով):

ԱՐԱՄԱԶԴ. Գուցե: (Նայելով իր ժամացույցին): Բայց վաղ է դեռ:

ՏԵՍԻՆ 4

ՆՈՒՅՆԵ ԵՎ ՇԱՄԻԼ-ԲԵԳ

ՇԱՄԻԼ-ԲԵԳ. (Գալիս է Լեյլիի ուղեկցությամբ խորքի դռներով: Ծեր, կարմիր երեսով, հաստափոր մարդ է, հագած լայն, երկայն պիջակ, լայն վարտիք: Աջ ձեռքի ցուցամատի վրա մի ահագին ոսկե մատանի առանց քարի, փորի վրա ժամացույցի հաստ ոսկե շղթա, երեսը մաքուր սափրած է, գլխի կարճ խուզած մազերը կոշտությունից նեղ ճակատի վրա ցցվել են ասեղների պես: Շնչառությունը ծանր է, ստեպ-ստեպ կոկորդը բարձրաձայն քերում է) Աղա, Արամազդ, աստված խելքդ առել է, ինչ է, (Ձեռքը մեկնում է հեռվից):

ԼԵՅԼԻ. (Գալիս է Շամիլբեգի հետ, նորից վերցնում է գիրքը և նստում է ճաշի սեղանի քով):

ԱՐԱՄԱԶԴ. (Անտարբեր սեղմելով Շամիլբեգի ձեռքը): Ի՞նչ է պատահել:

ՇԱՄԻԼ-ԲԵԳ. Հեր օրհնած, ինչո՞ւ չես ուզում ընկերության տափը ուսառուպիտ արալ Բերնշտամին: Ասում են 40,000 է տալիս, (Նստում է թախտի վրա և մեջքը թեքում է բարձին լայնարձակ: Մորթե փոքրիկ գլխարկը դնում է սեղանի վրա):

ԱՐԱՄԱԶԴ. Զո Բերնշտամը եթե մի գերո էլ ավելացնի այն 40 հազարի վրա, էլի չեմ տալ մեր ոսկե տափը:

ՇԱՄԻԼ-ԲԵԳ. (Կարճիկ, կամարածև ունքերը վերև բարձրացնելով): Ըմբո՛...

ԱՐԱՄԱԶԴ. Հապա ի՞նչ էիր կարծում: Ես հիմար չեմ, որ աչքերս բաց մեր հարստությունը տամ օտարներին: (Վերցնում է գրասեղանի վրայից թղթի մեջ փաթաթված նավթահողը և ցույց է տալիս): Տե՛ս:

ՇԱՄԻԼ-ԲԵԳ. Այդ ի՞նչ է:

ԱՐԱՄԱԶԴ. Հարուն-Ալ-Ռաշիդի խազնան: Տես, այս դեղին գծերը նավթի երակներն են: Ուզում ես, հոտ արա, քեֆդ բացվի:

ՇԱՄԻԼ-ԲԵԳ. (Հոտ քաշելով): Դեն արա, ես բացի գինու հոտից, ոչինչ չեմ սիրում: Ուրեմն հույս կա էլի ...

ԱՐԱՄԱԶԴ. (Նավթահողը գրասեղանի վրա դնելով): Հավատ էլ կա, ոչ միայն հույս, (Արհամարհանքով): Հե՛, չարչիներ, հենց որ մի կոպեկ շահ են տալիս, պատրաստ եք չուխաներդ ծախել, Դուք կոմերսանտի հպարտություն չունիք: Գրասենյակի համար տեղ փնտրում ես, թե չէ:

ՇԱՄԻԼ-ԲԵԳ. Չէ, Արամազդ, էլ դալաթ եմ արել:

ԱՐԱՄԱԶԴ. Ինչո՞ւ: Ծուլանո՞ւմ ես:

ՇԱՄԻԼ-ԲԵԳ. Չէ, ծուլությունը չէ, ման գալ չեմ կարողանում:

ԱՐԱՄԱԶԴ. Կառք կնստեիր, (Անցուդարձ է անում, հաճախ նայելով ժամացույցին):

ՇԱՄԻԼ-ԲԵԳ. Պարապետի վրա մեկը նստեցի, ձեռաց կոտրվեց:

ԼԵՅԼԻ. (Ծիծաղում է):

ՇԱՄԻԼ-ԲԵԳ. Ծիծաղում ես, հա քույր Լեյլի: Այս ամառ պիտի գնամ Էսենտուկ — մի քիչ լղարելու, (Արամազդին). Սառը գինի ունես:

ԱՐԱՄԱԶԴ. Լեյլի, Շամիլին գինի տուր, իսկ ես գրասենյակ վարձեցի:

ԼԵՅԼԻ. (Պահարանից բերում է գինի ու բաժակ ու դնելով սեղանի վրա, դարձյալ նստում է իր տեղը):

ՇԱՄԻԼ-ԲԵԳ. (Գինի ածելով): Զանո՞վ վարձեցիր:

ԱՐԱՄԱԶԴ. Տարեկան հազար ու հինգ հարյուր ռուբլով:

ՇԱՄԻԼ-ԲԵԳ. (Գինի ածելով): Փա՛հ, ադա, չլինի թե մեզ ուզում ես չոր տափի վրա թողնել, (Խմում է):

ԱՐԱՄԱԶԴ. (Ձեռքը զարկելով Շամիլ-բեգի ուսին): Այժմ պետք է հոգալ գործարանի մասին:

ՇԱՄԻԼ-ԲԵԳ. (Նորից բաժակը լցնելով): Չավո՞դ էլ ես ուզում շինել: Զեռու կաց, քեզանից նավթի հոտ է գալիս: (Խմում է):

ԱՐԱՄԱԶԴ. Ամեն բան պետք է ունենանք, մինչև անգամ նավեր, բայց ապագայում:

ՇԱՄԻԼ-ԲԵԳ. (Ունքերը բարձրացնելով): Բո՛ւ, բո՛ւ, բո՛ւ, ադա, տես որ փողերիս գլխին քար չգցես: Գինի ծախելով եմ աշխատել:

ԱՐԱՄԱԶԴ. Ուզո՞ւմ ես, բաժինների ծախիր ինձ, հարյուրին ես հիսուն աշխատանք կտամ, հե՛:

ՇԱՄԻԼ-ԲԵԳ. Դե լավ, դու գիտես, յա պան, յա կռապան: (Նախասրահում զանգակի ձայն):

ԱՐԱՄԱԶԴ. (Արագ շարժումով): Լեյլի, այս նա է: Այդ շիշը վերցրու, Շամիլ, անցիր իմ սենյակը, Լեյլի, դու էլ հեռացիր: Դռները ես ինքս կբանամ:

ԼԵՅԼԻ. (Գինու շիշն ու բաժակը դնում է պահարան և գրքեր վերցնելով գնում է աջ կողմի դռներով):

ԱՐԱՄԱԶԴ. (Շամիլբեգին): Դու, դեռ այստե՛ղ ես:

ՇԱՄԻԼ-ԲԵԳ. Ախար, ի՛նչ է, ո՛վ է:

ԱՐԱՄԱԶԴ. Գնա՛, գնա՛, հետո կիմանաս, (Դարձյալ զանգակ):

ՇԱՄԻԼ-ԲԵԳ. Ռ՛ւֆ, (Տնքունքալով գնում է ծախ կողմի դռներով):

ԱՐԱՄԱԶԴ. Այդպես, մեկ էլ տուր զանգակը, հետո բաց կանեմ: (Դարձյալ զանգակ):

ԱՐԱՄԱԶԴ. Զի, շատ է շտապում (Գնում է խորքի դռներով):

ՏԵՍԻԼ 5

ՆԱՐԳԻՉ և ԱԹԱՆԵՍ

ԱԹԱՆԵՍ. (Գալիս է խորքի դռներով, Արամազդի ուղեկցությամբ: Նկատելի նիհարել է և. գունատվել: Հագնված է այնպես, ինչպես առաջին արարվածում: Գլխարկը ծանրաշարժ վերցնելով, ձեռնափայտը ձեռին): Չարմանում ես, հե՛, որ եկել եմ, (Նայում է աջ ու ձախ):

ԱՐԱՄԱԶԴ. Իհարկե՛, ո՞վ կարող է սպասել այս պատվին: Համեցեք, պարոն Աթանաս: (Աթոռ է ցույց տալիս թախտի քով): Տվեք ինձ ձեր գլխարկն ու ձեռնափայտը:

ԱԹԱՆԵՍ. (Տալիս է գլխարկն ու ձեռնափայտը): Էհ, եկա ձեր նոր ընկերությունը շնորհավորելու: Էլի, ինչ-որ լին մեր Արամազդն ես, ծառայել ես ինձ: (Ծառայել բառը շեշտում է առանձին): Հը՛ր, ա՛յս է ձեր գրասենյակը: (Նստում է):

ԱՐԱՄԱԶԴ. Ոչ, պարոն Աթանես, այս իմ բնակարանն է, գրասենյակը կբացվի Էգուցվանից: (Աթանեսի գլխարկն ու ձեռնափայտը դնում է անկյունում, ետ է գալիս):

ԱԹԱՆԵՍ. Լա՛վ, լա՛վ, շատ լավ, հը՛ր, (Նայում է շուրջը):

ԱՐԱՄԱԶԴ. (Նստելով Աթանեսի դեմ): Ինչ կիրամայեք, պարոն Աթանես:

ԱԹԱՆԵՍ. Ի՛նչ կարող եմ հրամայել (կծու հեգնությամբ) դե, հիմա դու ինքդ էլ հրամայող ես դարձել:

ԱՐԱՄԱԶԴ. Ճշմարիտ է: Արդեն հրամանիս տակ ունիմ հինգ գործակատար և շուտով կունենամ քսանուհինգ:

ԱԹԱՆԵՍ. (Չսպելով իր վրդովմունքը), Լավ, լավ, ունեցիր, ով է ասում: (Նայում է դիմացի պատին քարշ արած քարտեզին): Այն ի՛նչ քարտեզ է, աչքս լավ չի տեսնում:

ԱՐԱՄԱԶԴ. Այո, պարոն Աթանես, Ապշերոնյան թերակղզու նավթահողերի քարտեզն է:

ԱԹԱՆԵՍ. (Մտածելով): Հը՛ր... ցը՛: (Աչքի տակով նայում է աջ ու ձախ):

Լռություն:

ԱՐԱՄԱԶԴ. Նիհարել եք այս վերջին օրերը, պարոն Աթանես:

ԱԹԱՆԵՍ. (Բարկանալով գլուխը բարձրացնում է): Ո՞վ ասաց:

ԱՐԱՄԱԶԴ. Նկատելի է, Մի քիչ էլ ծերացել եք: Լռություն:

ԱԹԱՆԵՍ. (Հանկարծ վրդովվում է): Ադա, այդ դու ես իմ գործարանի չորս կողմի տափերը վարձով վերցրել:

ԱՐԱՄԱԶԴ. Այո՛:

ԱԹԱՆԵՍ. Ինչի՛դ են հարկավոր:

ԱՐԱՄԱԶԴ. Հենց այնպես:

ԱԹԱՆԵՍ. Լավ, որ չորս կողմը բռնել ես, ինձ ճանապարհ տալու ե՞ս:

ԱՐԱՄԱԶԴ. Իհարկե, ես իրավունք էլ չունիմ ձեր գործարանի ճանապարհը կապելու: Կարող եք գնալ-գալ ինչքան կամենաք: Ուրիշ ի՛նչ կիրամայեք:

ԱԹԱՆԵՍ. Ուրիշ ոչինչ, Հենց այդ էի ուզում իմանալ:

ԱՐԱՄԱԶԴ. (Նայում է իր ժամացույցին): Կարծեմ, բանկը մինչև երկու ժամն է բաց, այնպես չէ՞, պարոն Աթանես:

ԱԹԱՆԵՍ. Չգիտես, ի՞նչ է, հիարկե մինչև երկուսը, (Ոտքի է կանգնում): Անքաղաքավարի ես, հյուր ընդունել չգիտես:

ԱՐԱՄԱԶԴ. (Ոտքի կանգնելով): Ինչո՞ւ, ես ի՞նչ ասացի ձեզ, պարոն Աթանես:

ԱԹԱՆԵՍ. Տուր ինձ գլխարկս ու փայտս:

ԱՐԱՄԱԶԴ. (Չի կատարում Աթանեսի ասածը: Լուրջ): Պարոն Աթանես: Գոնե այժմ թողեք այդ ձևերը: Մենք երեխաներ չենք, որ աչքակապուկ խաղանք: Դուք շատ լավ գիտեք, որ ամեն բան ինձ հայտնի է, ավելի, քան ումևիցե:

ԱԹԱՆԵՍ. (Շփոթվելով, գրգռված): Ի՞նչ է հայտնի քեզ, հե՞, աղա պարոն, ի նչ է հայտնի:

ԱՐԱՄԱԶԴ. Նախ և առաջ այն, թե ինչու եք դուք շնորհ բերել: Տասնուհինգ տարվա մեջ դուք երբեք իմ համեստ բնակարանն այդ պատվին չեք արժանացրել: Բայց ինչ արած, մարդիկ հանգամանքների ստրուկներն են, շատ անգամ ստիպված են անել այն, ինչ որ վիրավորական է իրանց անձնասիրության համար: Դա սովորական երևույթ է:

ԱԹԱՆԵՍ. Լավ ես խոսում, շատ լավ ես խոսում, ասա:

ԱՐԱՄԱԶԴ. Կասեմ, ինչո՞ւ պիտի թաքցնեմ, վաղը դուք պարտավոր եք բանկին վճարել մի բավական մեծ գումար: Դուք խնդրել եք, որ հետաձգեն, չեն համաձայնվել, որովհետև այլևս ձեր դրությունը պարզ է: Ուրեմն ձեր մուրհակները վաղը ուղարկում են նոտարին: Իսկ այդ յոթանասունուհինգ տարի գոյություն ունեցող Ֆռանգուլյան ֆիրմայի համար... անպատվություն է...

ԱԹԱՆԵՍ. (Կատաղի): Լռի՛ր, լռի՛ր, այդ քո բանը չէ, քո բանը չէ:

ԱՐԱՄԱԶԴ. Ոչ, մասամբ իմ բանն է, որովհետև ինձ մոտ եք եկել: Դուք դիմել եք ձեր ազգականներին ու բարեկամներին, մերժումներ եք ստացել: «Չունենք, կրիզիս է, թե չէ — ուրախությամբ» և այլն, և այլն: Սովորական ստախոսություն, երբ ազնվություն չունին ուղղակի ասելու «չենք տալիս, որովհետև չենք հավատում»: Եվ, այսպես, ձեզ ամեն տեղ մերժել են և ձեր հիվանդոտ ինքնասիրությունը վիրավորել: Իհարկե, դուք պատրաստ էիք կես գնով ծախել ձեր անշարժ կալվածքներից մեկը, կամ մաքսատանը դարսած ապրանքները, բայց նրանք գրավի տակ են և... մեծ գրավի: Մնում է գործարանը: Այն էլ ոչ ոքի հարկավոր չէ: Բայց և այնպես ձեր միակ փրկությունը, այսինքն ժամանակավոր փրկությունը նա է, և ձեր փրկողը միայն ես կարող եմ լինել: Ահա ճշմարտությունը: (Անցուդարձ է անում):

ԱԹԱՆԵՍ. (Լսելով է մերթ կեղծ արհամարհանքով, մերթ կատաղած): Դո՞ւ, հա, հա, հա: (Դառն արհամարհական ծիծաղ):

ԱՐԱՄԱԶԴ. Այո, պարոն Աթանես, Ե՛ս, քո նախկին գործակատարը: Չեմ թաքցնիլ, ձեր գործարանը հարկավոր է մեզ, ես նրա շրջապատող հողերը վերցրել եմ տասներկու տարով: Ուստի խնդրեմ պատասխանեք, ուզում եք ծախել ձեր գործարանը, թե՞ կապալով տալ:

ԱԹԱՆԵՍ. (Չսպված կատաղությամբ): Ոչ ծախել եմ ուզում, ոչ կապալով տալ...

ԱՐԱՄԱԶԴ. Ներեցեք, ես ձեզ... չեմ հավատում:

ԱԹԱՆԵՍ. (Ուզում է հարձակվել): Ձայնդ կտրիր, գյադա:

ԱՐԱՄԱԶԴ. (Սառը և խորը հանդիմանական): Պարոն Աթանես: (Լռություն):

ԱԹԱՆԵՍ. (Ինքն իր հետ կռվել է, որ զսպի իրան): Տուր ինձ գլխարկս ու փայտս: Դու պատվել չգիտես այն մարդուն, որի հացով ապրել ես տասնուհինգ տարի, Անպատկառ:

ԱՐԱՄԱԶԴ. (Տակավին սառն, բայց յուրաքանչյուր բառն շեշտելով): Ես ձեր հացով չեմ ապրել...

ԱԹԱՆԵՍ. Սուտ ես ասում, ես եմ քեզ մարդ դարձրել, էս...

ԱՐԱՄԱԶԴ. (Դառն ծիծաղ): Դուք եք ինձ մարդ դարձրել... Տասնուհինգ տարի ծառայել եմ շան հավատարմությամբ և պահպանել եմ ձեր շահերն այնպես, ինչպես ձեր հարազատ որդին չէր պահպանիչ: Ձեր պատճառով ինձ նախատել են, անպատվել, հայիոյել: Ձեր կոպեկների համար ես մինչև անգամ ծեծելու ծեծվել եմ, անքուն գիշերներ անցկացրել: Երբեք չեմ մոռանալ այն օրը... Մորս դագաղը այս սենյակում դրած, ես քամու և ցրտի տակ նավից ապրանք էի ընդունում ձեր հրամանով: Արտաքուստ զսպելով, ստիպված էի վիշտս խեղդել և քո հաշիվներն անել: Եվ այսօր, այս բոլորից հետո ես շինական եմ, գյաղա, անպատկառ, իսկ դուք աղա եք... Պարոն Աթանես, գուցե ունեցեք դեպի ուրիշները գնե այժմ, երբ ինքներդ կարոտ եք գթության:

ԱԹԱՆԵՍ. (Տակավին գրգռված): Ես ոչ ոքի գթությանը կարոտ չեմ:

ԱՐԱՄԱԶԴ. (Կանգ առնելով): Կեղծում եք, կարոտ եք...

ԱԹԱՆԵՍ. Տուր ինձ գդակս ու փայտս:

ԱՐԱՄԱԶԴ. (Չի կատարում Աթանեսի ասածը):

ԱԹԱՆԵՍ. (Ձայնը բարձրացնելով): Տուր ինձ գդակս ու փայտս: Ես քեզ հրամայում եմ:

ԱՐԱՄԱԶԴ. (Հանդարտ մոտենում է, վերցնում է գդակն ու փայտը բերում): Համեցեք:

ԱԹԱՆԵՍ. (Ներվային խլում է գդակն ու փայտը): Շատ շուտ ես լեզուդ սրել: Չգույշ

ԱՐԱՄԱԶԴ. (Հանդարտ գլուխ է տալիս):

ԱԹԱՆԵՍ. (Մի քանի քայլ է անում դեպի խորքի դռները և կանգ է առնում):

ԱՐԱՄԱԶԴ. (Մոտեցել է գրասեղանին և նայում է քարտեզին):

ԱԹԱՆԵՍ. (Վճռական մի շարժում անելով): Լավ, ծախում եմ: Փողերը համիրի սեղանի վրա — հարյուր հազար ռուբլի:

ԱՐԱՄԱԶԴ. (Հեզնաբար ժպտում է):

ԱԹԱՆԵՍ. Համիրի Էլի, հարյուր Հազար: Ունիս, հա, Էլ ի՞նչ ես մեծ-մեծ բրդում:

ԱՐԱՄԱԶԴ. Միլիոնների գործեր եք կատարել և երբեք ձեր դրամարկդում այդքան զուտ գումար չեք ունեցել, ինչ եք պահանքում շինականների և գրադաների մի ընկերությունից: Ես կգտնեմ այնքան, որքան արժե ձեր գործարանը: Նրա գինն է վաթսուն հազար:

ԱԹԱՆԵՍ. Դոչադ ես, շատ դոչադ, խոսք չունիմ: Էլ ի՞նչ ես կանգնել, գցիր թոկդ վզովս, խեղդիր Էլի:

ԱՐԱՄԱԶԴ. Ոչ, պարոն Աթանես, ես ոչ ոքի չեմ խեղդելու, երբեք: Ձեր գործարանն ավելի չարժե: Նրա կաթսաները մաշվել են, մեքենան քայքայվել է, ահագին մեծ գումար է հարկավոր ծախսել նորոգելու համար: Կամենաք, թող ուրիշները գնահատեն:

ԱԹԱՆԵՍ. Ես շատ դալար եմ արի, որ քո տունը ոտ դրեցի: (Շուռ է գալիս գնալու):

ԱՐԱՄԱԶԴ. Պարոն Ֆռանգույան, կարո՞ղ եք վճարել այն փոքրիկ գումարը, որ մնում է ձեզ վրա իմ ռոճիկից: Այսօր ժամանակը լրանում է...

ԱԹԱՆԵՍ. (Շփոթվելով): Գրիոր մի մոլրհակ, ես կստորագրեմ:

ԱՐԱՄԱԶԴ. Արժե՛ ութ հարյուր ռուբլու համար ձեր պարտատերերի թիվն ավելացնել, Դատարանում կարող եմ ինձ նախատել:

ԱԹԱՆԵՍ. (Մեկուսի, տանջանքով): Դատարան, ա՛հ: (Չսպում է իրան): Ինչքա՛ն կարող ես տալ վաղն այդ վաթսուն հազարից:

ԱՐԱՄԱԶԴ. Վաղը քսան տոկոս, մնացյալը մինչև տարվա վերջը:

ԱԹԱՆԵՍ. Իրիկունը յոթ ժամին ես քեզ կսպասեմ մեր տանը:

ԱՐԱՄԱԶԴ. Շատ բարի: Ցտեսություն

ԱԹԱՆԵՍ. Ա՛հ, գազա՛ն: (Գնում է խորքի դռներով):

ԱՐԱՄԱԶԴ. (Ուղեկցում է Աթանեսին մինչև դռները, դեպի նախասենյակը): Հները գնում են, նորերն են գալիս, մի՛ վրդովվիր պարոն Ֆռանգույան: (Գալիս է բեմի կենտրոնը):

ՏԵՍԻՆ 6

ԱՐԱՄԱԶԴ, ՇԱՄԻԼ-ԲԵԳ, ՆՈՅԻՄՉԱՐ ՈՒ ԼԵՅԼԻ

ՆՈՅԻՄՉԱՐ. (Գալիս է շտապով աջ կողմի դռներով, ուրախ): Ես բոլորը լսեցի՛, բոլորն իմացա: Լավ զարդարեցիր նրան: Հիանալի էր: Թող Հիմա էլ նրա կինը գոռոզանա...

ԱՐԱՄԱԶԴ. (Դժկամակ): Նոյիմզար, քո բանը չէ, մի՛ խառնվիր:

ՇԱՄԻԼ-ԲԵԳ. (Գալիս է ձախ կողմի դռներով, քրտինքը սրբելով): Ադա, այստեղ ես շոգից խեղդվեցի: Մարդ աստճու, այս սենյակում ինչպես ես ապրում, օրինավոր հավաքուն է: (Նոյիմզարին նկատելով): Բարով, ա քույր: (Ձեռը մեկնում է հեռվից):

ՆՈՅԻՄՉԱՐ. Բարով ձեզ: Իմացա՞ք, ով էր եկել այստեղ:

ՇԱՄԻԼ-ԲԵԳ (Արամազդին). Ադա, դուրժ, մին ասա տեսնեմ, այդ ի՞նչ նաղլ էր: Ինչու էր եկել այդ Թաջիր-Բաշին:

ԱՐԱՄԱԶԴ. (Արագ վերցրել է գրասեղանից մի քանի թղթեր): Հե՛տո, հետո՛, ես ուշացա:

ԼԵՅԼԻ. (Երևում է աջ կողմի դռների մեջ):

ԱՐԱՄԱԶԴ. Լեյլի, այսօր երեկո ես կլինեմ Ֆռանգույանի տանը: (Ձեռը զարկելով Շամիլ-բեգի ուսին, զվարթ): Գնանք, պարոն շոգենավ (Շտապով գնում է խորքի դռներով):

ՇԱՄԻԼ-ԲԵԳ. Բահ, էլի ինձ քաշ է տալու դեսուդեն: Դեհ, քույրեր, ցտեսություն: (Հետևում է Արամազդին): Ադա, կամաց գնա, ես տրաքեցի...

ՏԵՍԻՆ 7

ՆՈՅԻՄՉԱՐ ՈՒ ԼԵՅԼԻ

ՆՈՅԻՄՉԱՐ. (Ուրախ): Հիմա, Լեյլի, կարող եմք ասել, որ մեր աստղն էլ դուրս է դալիս:

ԼԵՅԼԻ. Է՛հ: (Ձեռքով մի անտարբեր շարժում անելով, գնում է աջ կողմի դռներով):

Վարագույր

ԱՐԱՐՎԱԾ ԵՐՐՈՐԴ

Առաջին արարվածի տեսարանը: Պատշգամբի վրա ծաղիկներ ու բույսեր չկան: Երեկո է, լուսամուտի վարագույրները իջեցրած են: Երկու կերոսիկի լամպեր, մեկը դաշնամուրի վրա, մյուսը գահավորակի առջև, բեմն աղոտ լուսավորում են:

ՏԵՍԻԼ 1

ՆԱՐԳԻՉ և ՍԱՄՎԵԼ հետո ԼԵՎՈՆ: (Վերջինը բեմի ետևից):

ՆԱՐԳԻՉ. (Գալիս է խորքի դռներով: Հագած է տնային, ուսերին չկա քիրմանի շալը): Ուրեմն, դու ուզում ես ինձ հուսահատության հասցնել էլի: Լա՛վ: (բարձրացնում է լամպերի պատրույգները): (Բեմի լուսավորությունն ավելանում է):

ՍԱՄՎԵԼ. (Առաջին արարվածի հագուստով, միայն վրեն ամառային վերարկու հագած: Մի ձեռքով բռնած է ջուլթակը, տուփի մեջ, մյուսում գլխարկը: Պատրաստվել է տնից դուրս գալու): Չեմ կարող, մայրիկ, հավատա, չեմ կարող այստեղ մնալ:

ՆԱՐԳԻՉ. Ախար ինչո՞ւ, ո՛վ է քեզ դուրս անում քո հոր տնից:

ՍԱՄՎԵԼ. Այստեղ հայրիկն է արգելում, այնտեղ Լևոնն է շարունակ տրտնջում: Դու ինձ անվերջ նախատում ես, Օվսաննան չի ուզում ինձ օգնել, լուռ ու տխուր շրջում է սենյակից սենյակ: Այս տուն չէ, այլ դժոխք, երաժշտությունն այստեղ գործ չունի:

ՆԱՐԳԻՉ. Որդիական սեր չկա քո սրտում, սեր, այս ասա:

ՍԱՄՎԵԼ. Մայրիկ, հարյուր անգամ ասել եմ, որ իմ որդիական սերն էլ, եղբայրականն էլ, բոլոր իմ զգացմունքների այստեղ են, ահա: (Ձեռով զարկում է ջուլթակի տուփին):

ՆԱՐԳԻՉ. Սա: Դե որ այդպես է, գնա , որդի, գնա՛, ես քեզ պահել չեմ կարող: Խելքը գլխին մարդն այդ խոսքերը չէր ասիլ, (Նստում է վրդովված):

ՍԱՄՎԵԼ. Աստված իմ, ես ինչպես բան հասկացնեմ սրանց, ի՞նչ ասեմ:

ՆԱՐԳԻՉ. Լսել է: Որ ջահել տղերքը սիրահարվում են անառակ աղջիկների վրա ու իրանց ծնողներին թողնում, փախչում, բայց որ փայտի կտորի վրա սիրահարվին — այս չէի լսել:

ՍԱՄՎԵԼ. (Դառնությամբ): Փայտի կտո՛ր: Կարելի է խելագարվել ուղղակի այդ խոսքերից: (Հուսահատ): Մնաս բարով, մայրիկ, (ուզում է գնալ):

ՆԱՐԳԻՉ. Համբերիր, ո՛ւր ես վազում դատարկ գրպանով: Ինչքա՞ն է հարկավոր քեզ ամսական:

ՍԱՄՎԵԼ. Ես ապրելու եմ շատ համեստ: Կաշխատեմ հիսուն ռուբլուց ավել չծախսել:

ՆԱՐԳԻՉ. (Վեր է կենում, գրպանից փողամանը հանելով): Ո՞րտեղ ես սենյակ վարձել:

ՍԱՄՎԵԼ. Առայժմ հյուրանոցում:

ՆԱՐԳԻԶ. (Տալիս է մի հարյուրանոց թղթադրամ): Վերցրու, այս է ունեցած-չունեցածս: Հետո տեսնենք ինչ կլինի: Բայց հորիցդ փող չխնդրես, կբարկանա:

ՍԱՄՎԵԼ. (Փողը վերցնելով): Շնորհակալ եմ: (Համբուրում է մորը):

ՆԱՐԳԻԶ. (Չգացված). Զանդվում է մեր բունը, քանդվում է:

ՍԱՄՎԵԼ. Մայրիկ, մի՛ վշտանար, եթե մի օր ես մարդ պիտի դառնամ, իմացիր որ միայն սրանով (ցույց է տալիս ջուրօսկը) կարող եմ դառնալ: Ես ուրիշ գործի պիտանի չեմ:

ՆԱՐԳԻԶ. Գնա, կարելի է լավը հենց քո արածն է: Գնա, գոնե դու հեռու կլինես, մեր խայտառակությունը չես տեսնի:

ՍԱՄՎԵԼ. (Չարմացած): Խայտառակությո՞ւնը: Ի՞նչ ես ասում, մայրիկ:

ՆԱՐԳԻԶ. (Արտասվալի ծայնով): Հայրդ սնանկանում է, իսկ եղբորդ ուղեղը մթնում...

ՍԱՄՎԵԼ. (Ուժին, ցնցվել է): Հայրս սնանկանում է, եղբորս... (Մտածում է): (Լռություն):

ՆԱՐԳԻԶ. (Շատ հանդարտ հեկեկում է):

ՍԱՄՎԵԼ. (Մաքառել է իր հետ: Մի վճռական շարժումն է անում: Ջուրօսկն ու գլխարկը դնում է դաշնամուրի վրա): Մայրիկ, ես չեմ գնում:

ԼԵՎՈՆ. (Բեմի ետևից: Ցավագարի ծայնով): Նուևուֆար, ա՛հ, որտեղ ե՞ք կորել:

ՆԱՐԳԻԶ. (Գլուխը բարձրացնում է սարսափով: Աչքերն արագ սրբում է): Լսեցի՞ր: Օրը տ'ասն անգամ նա այդպես կատաղում է: Գնա, իմացիր ինչ է ուզում: Ես սիրտ չունիմ նրան տեսնելու: Եթե կարող ես, տար դուրս, թող մի քիչ զբոսնի: Օղը նրա վրա լավ է ազդում:

ՍԱՄՎԵԼ. (Արագ քայլերով գնում է խորքի դռներով):

ՏԵՍԻԼ 2

ՆԱՐԳԻԶ և ԱԹԱՆԵՍ

ԱԹԱՆԵՍ. (Գալիս է աչ կողմի առաջին դռներով): Ի՞նչ է գոռում էլի:

ՆԱՐԳԻԶ. Էհ, ո՛վ գիտե:

ԱԹԱՆԵՍ. Դժբախտությունը դժբախտության ետևից եկավ: Աստծու օրհնությունը հեռացավ իմ տնից:

ՆԱՐԳԻԶ. Չի հեռանալ, մի՛ վախենար, փորձանք է, եկել է, պետք է տանենք: Աշխարհում ո՛վ չի եղել նեղության մեջ:

ԱԹԱՆԵՍ. Չես իմանում, Նարգիզ, չես իմանում ինչ կրակ կա այստեղ: (Ցույց է տալիս սիրտը): Ես, Աթանես Ֆռանգուլյանս, այն օրն ընկնեմ, որ իմ ոտքով գնամ գործակատարիս տո՞ւնը: Նա իսկույն հասկացավ, թե ինչու համար եմ եկել: Օօ, նա սատանայի միտքն անգամ կարող է հասկանալ: Ամո՞թ, ամո՞թ: Այն էլ ե՛րբ: Երեք շաբաթ չանցած այն օրից, երբ հենց այստեղ, այ, այն դռների մոտ (ցույց է տալիս աչ կողմի առաջին դռները) պարծեցա, թե

Աթանես Ֆռանգուլյանը իր կյանքում ուրիշին ձեռք չի մեկնել և չի մեկնիր: Ա՛խ: (Թույլ նստում է բազկաթոռներից մեկի վրա և աչքերը հառում է հատակի մի կետին):

ՆԱՐԳԻԶ. Դու նրանից օգնություն չես խնդրել:

ԱԹԱՆԵՍ. Ինքս գնում եմ գործարանս առաջարկելու, օգնություն խնդրել չէ, բաս ի՞նչ է: ճշմարիտ է, նա ինձ նեղը չգցեց, մարդավարի վարվեց, գործարանիս կոպեկ տվող չկար, Բայց հենց այս է, որ ինձ կատաղեցրեց: Այդ տրեխավորի որդին, որի բերանում մոր կաթն ինձ. մոտ է չորացել, որ ամեն բան ինձնից է սովորել, հանկարծ ինձնից խելոք չինի և ինձ հետ ազնիվ վարվի:

ՆԱՐԳԻԶ. Ամեն բան քեզանից է սովորել, ուրեմն ազնվությունն էլ:

ԱԹԱՆԱԱ. Բայց նա ինձանից ավելի է ազնիվ, ավելի, այս է, որ չեմ կարող նրան ներել:

ՆԱՐԳԻԶ. Այդ զարմանալի է, այդ ես չեմ հասկանում:

ԱԹԱՆԵՍ. Պետք է իմ տեղը լինես, որ հասկանաս: Նախանձում եմ ես նրան, լսում ես, նախանձում: Թող նա հարստանա, ի՛նչքան ուզում է, այդ ոչինչ, միայն թե մարդիկ չասեն, որ նա ինձանից խելոք է և ինձանից ազնիվ... Նարգիզ, հիմա կարող եմ խոստովանել: Լսիր, եթե ես ժամանակին նրա խորհուրդները լսած լիների, այս օրին չէի հասնիլ, Բայց հենց իմանալով, որ նա ինձ խելոք խորհուրդներ է տալիս, հակառակն էի անում, հակառակը, Ես մտածում էի, թող կորցնեմ ամեն բան, զրկվեմ վերջին կոպեկից, միայն թե իմ ասածն անեմ և ոչ թե նրանը: Ա՛հ, սնանկ, այս հասակո՛ւմ, յոթանասունուհինգ տարվա պատվական ֆիրմայի գլխին կանգնած: Անպատվոթյո՛ւն, անպատվոթյո՛ւն, անպատվոթյո՛ւն: (Վեր է կենում և սկսում է անցուդարձ անել):

ՆԱՐԳԻԶ. Բայց, փառք աստծու, դու դեռ սնանկ չես, վաղը մուրհակներդ կազատես:

ԱԹԱՆԵՍ. (Դառն ծիծաղ): Վաղը: Իսկ մյո՛ւս օրը, իսկ հետո՞, մնացյալ մուրհակներդ: Երկու հարյուր ութսունուհինգ հազար միայն շուն ու գելին եմ պարտական: Իսկ բանկե՞ր: Եվ ի՞նչ ունիմ դրա դեմ: Գրավ դրած քարվանսարա, երկու-երեք հին տներ, ցամաքող նավթահորեր և ծովի ափում թափած մի քանի հարյուր հակ շաքար, բուրդ, կաշի, Նարգիզ, Նարգիզ, տեսնո՞ւ եմ այս տունը: Երեք կաթողիկոս է ընդունել իր պատերի մեջ Ե հյուրասիրել, այ նրանց պատկերներն իրանց կոնդակների հետ, (Ձայնը ցածրացնելով, խորհրդավոր): Եվ մեզ կարող են այս տնից դուրս քշել...

ՆԱՐԳԻԶ: (Սարսափելով): Մի՞թե բանն այդտեղ է հասել:

ԱԹԱՆԵՍ. Հապա՛, բաս ինչո՞ւ եմ այսքան տանջվում:

ՆԱՐԳԻԶ. Լավ, որ այդպես է, ինչո՞ւ համար էիր ինձանից թաքցնում մինչև այսօր:

ԱԹԱՆԵՍ. Այ, հարցրու: Ինքս էլ չգիտեմ ինչու: Սուտ հպարտություն, գոռոզություն, ուրիշ ոչինչ: (Նայելով իր գրպանի ժամացույցին): Ուղիղ յոթ ժամն է, Ի՛նչ կլինի իմ դրությունը, եթե այդ գյաղան իր խոսքը չկատարի: Նախասենյակում զանգակի ձայն:

ՆԱՐԳԻԶ. Ահա, զանգակ, երևի նա է:

ԱԹԱՆԵՍ. Ավագակ, ավագակ, ճիշտ նշանակած րոպեին է գալիս: Այստեղ էլ երևում է, որ նոր մարդ է: Հրամայի, մեզ չայ տալ: (Նստում է գահավորակի վրա, տերողորմյան հանում է գրպանից և աշխատում է հանգիստ երևալ):

ՆԱՐԳԻԶ. (Գնում է խորքի դռներով և իսկույն ետ է գալիս): Նա է:

ՏԵՍԻՆ 3

ԱԹԱՆԵՍ, ԱՐԱՄԱԶԴ, ՆԱՐԳԻԶ և ՆՈՒՆՈՒՖԱՐ

ԱՐԱՄԱԶԴ. (Գալիս է աջ կողմի երկրորդ դռներով: Հագնված է այնպես, ինչպես առաջին, արարվածում): Բարև, տիկին: (Համեստ մոտենում է և համբուրում Նարգիզի ձեռքը, հետո հարգանքով սեղմում է Աթանեսի թույլ մեկնած ձեռքը): Կարծեմ չեմ ուշացել:

ԱԹԱՆԵՍ. Ոչինչ, շատ էլ վազելու պետք չկար: (Ցույց է տալիս իր դիմացի բազկաթոռը): Նստի՛ր:

ՆԱՐԳԻԶ. (Վերցնում է դաշնամուրի վրայից Սամվելի ջութակն ու գլխարկը, տանում է խորքի դռներով, թողնում է մյուս սենյակում և ետ է գալիս):

ԱՐԱՄԱԶԴ. (Դուրս է բերում գրպանից մի թուղթ, բաց է անում և դնում Աթանեսի առջև): Ահավասիկ, պարոն Աթանես:

ԱԹԱՆԵՍ. Ի՞նչ թուղթ է այս: (Նայում է կեղծ արհամարհանքով):

ԱՐԱՄԱԶԴ. Այդ գործարանն ինձ ծախելու պայմանագիրն է:

ԱԹԱՆԵՍ. Իսկ փողը:

ԱՐԱՄԱԶԴ. Մոտս է:

ՆՈՒՆՈՒՖԱՐ. (Խորքի դռներով բերում է երկու բաժակ թեյ և, դնելով սեղանի վրա, նայում է Նարգիզին):

ՆԱՐԳԻԶ. Մի բաժակ էլ ինձ համար բեր: (Նստում է, Արամազդին) Նստեցե՛ք:

ԱՐԱՄԱԶԴ. Շնորհակալ եմ: (Նստում է):

ԱԹԱՆԵՍ. (Թուղթն անփույթ հրում է իրանից): Լավ, շատ լավ... Հըը...

ԱՐԱՄԱԶԴ. Ես կամենում էի ձեզ հետ մի ուրիշ գործ էլ անել:

ԱԹԱՆԵՍ. Ի՞նչ գործ, (Թեյ է խմում):

ՆՈՒՆՈՒՖԱՐ. (Նարգիզի համար թեյ է բերում խորքի դռներով և իսկույն ետ է գնում):

ԱՐԱՄԱԶԴ. Չեի՞ք կամենալ, արդյոք, ձեր ցամաքած հորերի վիճաները մեքենաների հետ ծախել մեր ընկերությանը: Միևնույնն է, նրանք ձեզ հարկավոր չեն:

ԱԹԱՆԵՍ. Իսկ քո ինչին են հարկավոր, պարոն:

ԱՐԱՄԱԶԴ. Ես կտեղափոխեմ նրանց իմ հողի վրա, (Թեյ է խմում):

ԱԹԱՆԵՍ. Հըը, Լավ, թեյդ խմիր, դու գիտես, որ ես այս սենյակում գործ չեմ կատարում:

ՆԱՐԳԻԶ. (Հեզակալան, բայց հազիվ գսպված նախանձով): Ուրեմն, դուք հիմա հանքատեր եք, հա՛ա է:

ԱՐԱՄԱԶԴ. Այո, տիկին:

ԱԹԱՆԵՍ. (Նարգիզին): Բաս, բաս, աղա է, հը է:

ՆԱՐԳԻԶ. (Շրթունքները ծոմոելով): Ահա թե ինչ:

ԱՐԱՄԱԶԴ. (Աթանեսին): Թույլ տվեք մի բան ևս խնդրելու:

ԱԹԱՆԵՍ. Հրամայիր, պարոնս, հրամայիր:

ԱՐԱՄԱԶԴ. Բարի եղեք ինձ մի վկայական տալու, թե ես տասնուհինգ տարի ծառայել եմ ձեզ հավատարիմ, ազնիվ ու դուրս գալիս բոլոր հաշիվները հանձնել եմ ձեզ կանոնավոր:

ԱԹԱՆԵՍ. Ինչի՞դ է հարկավոր, դու ի՞նչ այսուհետև չես ծառայելու:

ԱՐԱՄԱԶԴ. Ես ուզում եմ այդ վկայականը դնել մի գեղեցիկ շրջանակի մեջ և քարշ տալ մեր գրասենյակում:

ԱԹԱՆԵՍ. (Հավանել է): Հա՛ա: Այդ լավ է, լավ է, դիպում է, հե:

ԱՐԱՄԱԶԴ. Այո՛, դիպում մի դպրոցից, որ բոլոր դպրոցների մեջ դժվար գույնն է...

ՆԱՐԳԻԶ. (Հավանել է): Այդ խելոք խոսեցիք, ես հավանեցի. Իհարկե, երբեք չպիտի մոռանալ, թե ում հացն ես կերել և ով է քեզ մարդ դարձրել:

ԱԹԱՆԵՍ. (Հանկարծ վրդովվելով, չարախնդությամբ): Իսկ եթե չտամ այդ դիպումը, հե՛: Եթե ամենքին ասեմ, որ դու ազնիվ չե՞ս ծառայել, գողացել ես, կողոպտել և այնպես մարդ դարձել: Այն ժամանակ ի՞նչ կասես, ...

ՆԱՐԳԻԶ. Այն ժամանակ, իհարկե, ամբողջ քաղաքը քեզ կհավատա... Բայց խեղճ է տղան, տուր այդ վկայականը:

ԱՐԱՄԱԶԴ. Տիկին, շնորհակալ եմ ձեր բարության համար: Բայց խեղճը ես չեմ, այլ... (Ասում է իրան, դառնում է Աթանեսին): Դուք չեք կարող իմ մասին ոչ մի վատ խոսք ասել, որովհետև ստախոս չեք...

ԱԹԱՆԵՍ. (Չոքացել է): Լավ լավ, կտամ, այդ էլ կտամ: Ձայներ եմ լսում: Գալիս են: Կխանգարեն մեզ: Գնանք: (Վեր է կենում և գնում է աջ կողմի առաջին դռներով):

ՏԵՍԻԼ 4

ԼԵՎՈՆ, ԺՈՐԺ, ՋԱՎԱԴ ԵՎ ՆՈՒՆՈՒՖԱՐ

ԺՈՐԺ. (Գալիս է աջ կողմի երկրորդ դռներով: Հագնված է ավելի բարդ, քան առաջին արարվածում: ձեռնոցներ չունի): Չուր չգնացիր Սամվելի հետ զբոսնելու: Մաքուր օդը քեզ համար նեկտար է:

ԼԵՎՈՆ. Չեմ ուզում Սամվելին: Նա հսկում է ինձ մորս պատվերով: Օո, ես գիտեմ, նրանք այժմ ինձ համարում են ցնորված: Բայց փույթ չէ ես վրեժս կառնեմ նրանցից, կառնեմ: (Գալիս է Ժորժի ետևից: Հասած է ամառային վերարկու, գլխարկ, միշտ սև ձեռնոցներով է: Կոկորդիս կապած է մի սև մետաքսյա թաշկինակ: Այժմ ավելի է գունատ, աչքերի տակերն ավելի կապտած են, հայացքը շաղված: Թույլ է տալիս Ջավադին վերարկուն տանելու): Թեյ եմ ուզում, թե՛յ: (Նստում է):

ՋԱՎԱԴ. (Եկել է անմիջապես Լևոնի ետևից աջ կողմի երկրորդ դռներով: վերարկուն, ձեռնափայտն ու գլխարկը Լևոնի տանում է խորքի դռներով): Ես սհաթին...

ԼԵՎՈՆ. Չէ, Ժորժ, չէ, պետք է համաձայնվիս, եթե մի քիչ խղճում ես ինձ:

ԺՈՐԺ. Զի՞չ խոսիր, այդ անկարելի է:

ԼԵՎՈՆ. (Բեռները բարձրացնում է օդի մեջ, որ ձեռնոցները ցույց տա): Իսկ այսպես ապրել կարելի՞ է: Ինձ համար կյանքը ոչ միայն ծանծաղի է, այլև ամոթալի: Տեսա՛ր, ես մինչև անգամ իմ վերարկուն ու ձեռնափայտը չեմ համարձակվում թողնել ընդհանուր նախասենյակում:

ԺՈՐԺ. (Նստում է: Անտարբեր): Այդ արդեն ավելորդ նախագգուշություն է:

ԼԵՎՈՆ. Ով գիտե, հանկարծ պատահե՛ց, չէ որ հանցավոր կլի՞նիմ: Ախ, ես անիծված մարդ եմ, զգվելի թե՛ ուրիշների և թե՛ իմ աչքում: Ինչո՞ւ, ուրեմն, չես ուզում իմ մերձավորներին ազատեք ինձ նման մի փստավորից:

ԺՈՐԺ. Ես չեմ կարող մարդասպան դառնալ:

ԼԵՎՈՆ. Դե բժշկիր ինձ: Բժշկիր արմատապես, որ նորից դառնամ առաջվա առողջ, կայտառ Լևոնը: Հիշո՞ւմ ես, որքան ուրախ էի, զվարճասեր: Ախ, ես ձեր ընկերական շրջանների հոգին էի: Իսկ այժմ...

ՆՈՒՆՈՒՖԱՐ. (բերում է խորքի դռներով մատուցարանի վրա երկու բաժակ թեյ: Բաժակներից մեկը սովորականից տարբեր ձև ունի: Այդ տարածն բաժակը դնում է Լևոնի առջև, մյուսը Ժորժի առջև և իսկույն գնում է խորքի դռներով):

ԺՈՐԺ. Զեղ դարմանում են քաղաքի ընտիր բժիշկները, (Առհասարակ խոսում է անուշադիր, միշտ զբաղված իր մտքով և ստեպ-ստեպ նայելով խորքի դռներին: Սպասում է Օլսաննային):

ԼԵՎՈՆ. (Գրգռվելով): Ահ, անիծվին նրանք իրանց դեղերով, անիծվի ձեր ամբողջ գիտությունը, որ այնքան անգոր է: (Ցույց է տալիս իր բաժակը): Ահա, տես, զգվանքն իր կնիքը դրոշմել է մինչև անգամ իմ բաժակի վրա: Ազատիր ինձ:

ԺՈՐԺ. Թեյդ խմիր ու գնա սենյակդ: Ես ասում եմ, որ մարդասպան լինել չեմ կարող:

ԼԵՎՈՆ. Մարդասպան, մարդասպան: Սպանություն կա, որ մարդասպանությունից զերազանց է: Երբ մի զգվելի թունավոր սողուն ջախջախում ես կոշկիդ կրունկով, իմացիր, որ քո արածը բարեբարություն է անմեղների համար: Ես մի սողուն, եմ վարակիչ: Հասկանո՞ւմ ես, մի թողնիր ինձ կենդանի: Ա՛հ, եթե իմանայի, որ ձեռս չի դողալ և գնդակը ուղիղ սրտիս կդիպչի... Բայց թույլը կներգործի իսկույն, և ես ամենքից վրեժս առած կլինեմ... Ժորժ, Ժորժ, համաձայնվիր, աղաչում եմ: Մի տող, միայն մի տող գրություն, ոչ ոք չի իմանալ, իմ նամակը կջնջի ամեն կասկած...

ԺՈՐԺ. (Ոտքի է կանգնում): Թող այդ, Լևոն, թող: Չուր ժամանակ չկորցնենք: Ինձ ուրիշ, ավելի կարևոր մի բան է զբաղեցնում այս րոպեիս: Ես կկամենայի քեզ հետ խոսել քո հոր գործերի մասին: Ասում են...

ԼԵՎՈՆ. (Ընդհատելով Ժորժի խոսքը): Ի՛նչ, ավելի կարևոր բան: Իմ հոր գործերը քեզ ավելի են զբաղեցնում, քան իմ կյանքը... (Ոտքի է ելնում):

ԺՈՐԺ. Աա, դու արդեն սկսում ես ձանձրալի դառնար Գնա, մտիր անկողին: (Սկսում է անցուդարձ անել, միշտ նայելով խորքի դռներին):

ԼԵՎՈՆ. Էգոիստ, զազրելի Էգոիստ, դու գիմնագիստ ժամանակդ էլ անսիրտ էիր: Հասկացիր, ապուշ, հասկացիր, մինչև այժմ այս քայքայված, փստավոր շինվածքի մեզ մի առողջ կետ կար: Այ (զարկում է իր ճակատին), այստեղ: Այժմ այս էլ է փտում, հասկանում ես թե չէ, այս էլ: Ես զգում եմ, զգում և տանջվում: (Հուզված անցուդարձ է անում):

ԺՈՐԺ. (Կանգ առնելով, ձեռները վարտիկի գրպանները դրած): Դե լավ, հանգստացիր: Ինչ էլ որ լինի դրությունդ, կյանքը պետք է քեզ համար ունենա հրապույր...

ԼԵՎՈՆ. Լռի՛ր, աստում եմ այդպես խոսողներին, ինչպես կամավոր ստրուկների: Ի՞նչ եք ձեր ողորմելի թաթերով կպել կյանքին, ինչպես եղկելի որդերը ծառի խոնավ բնին: (Կանգ է առնում, դողդղալով): Տո՛ւր, տո՛ւր ինձ այդ թույնը, ասում եմ, դա միակ բարիքն է, որ կարող է անել քեզ նման մի եսամոլ: Չե՛ս տալիս, ասա՛, չե՛ս տալիս:

ԺՈՐԺ. Ես քեզ համար իմ անունը վտանգի ենթարկել չեմ կարող:

ԼԵՎՈՆ. Ասա, ուրեմն, չե՛ս տալիս: Դե, կե՛ր... (Կատաղած հարձակվում է Ժորժի վրա նա ուզում է նրան խեղդել):

ԺՈՐԺ. (Աշխատելով օձիքն ազատել): Լևոն, Լևոն, ի՞նչ ես անում, խեղճի եկ: Ահ, նա խելագարվեց, (բարձր ձայնով), Ջավահր, Նունուֆար... (Երկյուղից գունատվել է):

ՏԵՍԻԼ 5

ՆՈՒՅՆԵ, ՋԱՎԱԴ, ՆՈՒՆՈՒՖԱՐ, ՕՎՍԱՆՆԱ և մյուսները

ՋԱՎԱԴ. (Վազում է ներս աջ կողմի երկրորդ դռներով): Վա՛յ,

(Ազատում է Ժորժին): Լևոն աղա...

ՆԱՐԳԻԶ. (Գալիս է խորքի դռներով): Ա՛հ:

ՕՎՍԱՆՆԱ. (Գալիս է խորքի դռներով): Ի՞նչ պատահեց:

ՆՈՒՆՈՒՖԱՐ. (Գալիս է խորքի դռներով):

ԱԹԱՆԵՍ. (Գալիս է աջ կողմի առաջին դռներով): Այդ ի՞նչ գոռոց է:

ԱՐԱՄԱԶԴ. (Գալիս է աջ կողմի առաջին դռներով):

ԼԵՎՈՆ. (բաց է թողել Ժորժի օձիքը: Դողում է ոտքից մինչև գլուխ: Շնչասպառ: Աշխատում է ուշքը ժողովել): Ա՛հ, ա՛հ, (ճակատին զարնելով): Այստեղը, այստեղն է մեղավորը... դատարկվում է... չորանում է: (Կատաղելով ամենքի դեմ): Հեռացե՛ք, մի՛ մոտենաք ինձ... դուք զարշելի եք:

ԱՐԱՄԱԶԴ. (Մոտենում է Լևոնին): Լևոն, մի՛ հուզվիր, խնդրում եմ,

ԼԵՎՈՆ. (Հենվելով Արամազդի ուսին): Ահ, Արամազդ, դրանք անասուններ են... Դու ես իմ միակ բարեկամը... Թող սատկեն դրանք...

ԱԹԱՆԱՍ. Տարեք անբախտին իր սենյակը:

ԼԵՎՈՆ. (Աթանեսին): Անբախտը դու ես, ծերունի: (Արամազդին, որ գրկել է իրան): Թող, թող ինձ, (Դողդոջ՝ քայլերով, ընդհանուր լռության մեջ դնում է խորքի դռներով):

ՆԱՐԳԻԶ. (Հուսահատված): Ողորմած աստված, ի՞նչ մեղքերիս համար ես ինձ այսքան տանջում: (Ջավահրին և Նունուֆարին): Եկեք ինձ հետ, տանենք նրան իր սենյակը: (Գնում է խորքի դռներով):

ՋԱՎԱԴ. (Գնում է խորքի դռներով):

ՆՈՒՆՈՒՖԱՐ. (Գնում է խորքի դռներով):

ԱԹԱՆԵՍ. (Արամազդին): Արի գնանք, արի, գործներս վերջացնենք: Նրա բանը պրծած է, (Գնում է աջ կողմի առաջին դռներով):

ԱՐԱՄԱԶԴ. (Գնում է աջ կողմի առաջին դռներով, մի տխուր հայացք ձգելով Օվսանայի և Ժորժի վրա):

ՏԵՍԻՆ 6

ՕՎՍԱՆՆԱ ՈՒ ԺՈՐԺ

ՕՎՍԱՆՆԱ. (Վախեցել է Ժորժի մասին): Ի՞նչ էր անում նա քեզ:

ԺՈՐԺ. Ուզում էր խեղդել, հազիվ ազատվեցի: (Տակավին գունատ է):

ՕՎՍԱՆՆԱ. Աստված իմ, աստված իմ, ի՞նչ է պատահում նրան: (Նստում է):

ԺՈՐԺ. Սովորական մի բան, որ հաճախ հետևանք է այդ տեսակ հիվանդության:

ՕՎՍԱՆՆԱ. Միթե դեղ չկա բժշկելու:

ԺՈՐԺ. Միակ դեղը ինքնասպանությունն է: Նա ինձանից թույն էր պահանջում, չհամաձայնվեցի գրել, կատաղեց և հարձակվեց վրես:

ՕՎՍԱՆՆԱ. (Չարմանալով ու վրդովվելով): Միակ դեղը ինքնասպանությունն է: Եվ դու այդ ասում ես ինձ, նրա քրո՛ջը:

ԺՈՐԺ. Ինչ արած, նրա ճակատագիրն է:

ՕՎՍԱՆՆԱ. (Հանկարծակի վեր կենալով): Լռիր, քո խոսքերից զարհուրելի ցրտություն է փչում, լռի ր:

ԺՈՐԺ. Պետք է ողջամիտ լինել, Օվսանա, պետք է մտածել նրանց մասին, որոնց վրա մահը դեռ չէ դրել իր դրոշմը: Լևոնը կմախք է, պետք է այդ նեխվածքից ազատելի մերձավորներին:

ՕՎՍԱՆՆԱ. (Ականջները փակելով): Բավական է, բավական է, ես չեմ կարող քեզ լսել: Այդքան քարսրտություն քեզանից չէի կարող սպասել:

ԺՈՐԺ. Օվսանա, եթե այդ շարժուն դիակի ձեռքին զենք լիներ, կսպաներ ինձ: Ինչո՞ւ: Բնության ո՞ր օրենքի հիման վրա: Նա մահ է, ես կյանք: Նա ասում է ինձ, ինչպե՞ս ես սիրեմ նրան կամ խղճամ: Ահ, թողնենք այդ, խոսենք մեր մասին: Ասա ինձ, վերջացան քո պատրաստությունները:

ՕՎՍԱՆՆԱ. (Նայել է նրան երկարատև, զննող հայացքով):

ԺՈՐԺ. Ինչու ես այդպես զննում: Նո՛ր ես տեսնում ինձ:

ՕՎՍԱՆՆԱ. Այո, կարծես թե նոր եմ տեսնում... Կարծես, դու այն չես, ինչ որ երևակայել եմ մինչև այսօր:

ԺՈՐԺ. (Մոտենում է, Օվսանայի ձեռք բռնում քնքշաբար): Լավ, Օվսանա, երեխա մի լինիր, նստիր այստեղ, խոսենք մեր մասին: Ժամանակն անցնում է, շոգերը մոտենում են, հարկավոր է...

ՕՎՍԱՆՆԱ. (Ձեռքը խլելով Ժորժից, իրան զսպում է): Շատ լավ, խոսենք... Նախ և առաջ ասա, այն ի՞նչ գաղտնիք է, որ չես ուզում ինձ հաղորդել:

ԺՈՐԺ. Օօ, դարձյալ միևնույն երգը: Ի՞նչ համառն ես, Օվսաննա: Հարյուր անգամ ասել եմ, որ քեզանից ոչ մի գաղտնիք չունիմ:

ՕՎՍԱՆՆԱ. Իսկ ես համոզված եմ, որ ունիս և թաքցնում ես ամենայն զգուշությամբ: Այո, ունիս, և թվում է ինձ, որ եթե ես իմանամ այն, ինչ որ ցանկանում եմ իմանալ, պիտի դժբախտանամ: (Անցուդարձ է անում):

ԺՈՐԺ. (Ասում է վիրավորված): Ուրեմն, դու ինձ չե՞ս հավատում, Օվսաննա:

ՕՎՍԱՆՆԱ. Հավատում եմ և կամենում եմ հավատալ անպայման, ահա ինչու դու պարտավոր ես ասել բոլորը, ինչ որ վերաբերվում է քեզ:

ԺՈՐԺ. (Ձևանալով վրդովված): Այո, վերջապես, անտանելի է, Օվսաննա, դու կարող ես ինձ հուսահատության հասցնել: Չեմ հասկանում, ի՞նչ կա իմ կյանքում, որ քեզ հայտնի չինի: Ես մի անհայտ ընտանիքի զավակ չեմ: Ովքեր են իմ ծնողները, հայտնի է քեզ և քո ծնողներին: Եղբայրդ իմ գիմնագիական ընկերն է եղել: Վերջապես, ես պատմել եմ քեզ իմ ամբողջ կյանքը:

ՕՎՍԱՆՆԱ. Սո՛ւս, սո՛ւս, բոլորը չես պատմել: Կա մի բան, որ ես չգիտեմ, կա, կա ու կա:

ԺՈՐԺ. (Աշխատում է ծիծաղել): Երեխա, երեխա: (Մոտենում է և ձեռք բռնում): Նստիր, նստիր, իրականի մասին խոսենք: (Ինքը նստում է, Օվսաննայի ձեռք բռնած): Ասա ինձ, հայրդ ինչո՞ւ է այնքան տխուր:

ՕՎՍԱՆՆԱ. (Թույլ տալով, որ Ժորժն իր ձեռները բռնի, չի նստել): Ինչպես չինի տխուր, այնպիսի որդի ունենալով:

ՕՎՍԱՆՆԱ. Ուրիշ ի՞նչ կարող է լինել:

ԺՈՐԺ. Բայց այդ է միայն պատճառը, թե՞ կա և ուրիշ բան:

ՕՎՍԱՆՆԱ. Ուրիշ ի՞նչ կարող է լինել,

ԺՈՐԺ. Չգիտեմ, այսօր լսեցի, որ իբր թե նրա գործերը վատ են:

ՕՎՍԱՆՆԱ. (Ձեռները Ժորժից խլելով): Ահ, նրա գործերն ինձ չեն հետաքրքրում:

ԺՈՐԺ. (Մտազբաղ, ոտքի կանգնելով): Այդպես չէ, Օվսաննա, այդպես չէ: Ինձ հետաքրքրում են:

ՕՎՍԱՆՆԱ. Խոսիր իր հետ, ինչ վերաբերվում է ինձ, ես չեմ հանգստանա, մինչև որ իմ հարցի պատասխանը չստանամ:

ԺՈՐԺ. (Անհամբեր): Ահ, դու արդեն չափն անցար: Ո՛վ է զգել քո սիրտն այդ կասկածն իմ մասին, ո՞վ, ասա:

ՕՎՍԱՆՆԱ. Աա, վերջապես, դու այդ հարցը տվեցիր: Ես վաղուց էի սպասում: ճանաչում ես Արամազդին:

ԺՈՐԺ. (Հեզկաբար): Ինչպես չճանաչեմ այդ պրիկազչիկ-ասպետին, որ քեզ առաջարկություն է արել: Նա է կասկածը զգել:

ՕՎՍԱՆՆԱ. Այո: Ահա նրա խոսքերը, որ շարունակ հնչում են իմ ականջին. «Ժորժ Ադիլբեկյանի մոտիկ անցյալում կա մի փոքրիկ պատմություն, որ ձեզ հայտնի չէ: Չամուսնանաք նրա հետ, մինչև որ նա չի հայտնիլ ձեզ այդ գաղտնիքը»:

ԺՈՐԺ. (Նախ շփոթվում է սաստիկ, ապա արագ զսպում է իրան և ցույց է տալիս բարկություն): Անպիտան, ահա թե ինչպես է ջուրը պղտորեր: Ես նրանից բացատրություն կպահանջեմ:

ՕՎՍԱՆՆԱ. Իմ ուզածն էլ հենց այդ է:

ԺՈՐԺ. Գարշելի՛: Նախանձից դողված, այժմ ուզում է ինձ վրա արատ գցել, այո՞: Եվ դո՛ւ, Օվսաննա, թույլ ես տվել նրան իմ մասին խոսելու: Այդ չէի սպասում քեզնից:

ՕՎՍԱՆՆԱ. Երբ նա այդ խոսքերն ասաց, ինձնից թույլտվություն չիսկրեց: Ասաց և իսկույն հեռացավ: Ոչնչացրու նրան մի բառով, և ես քեզ կսիրեմ ավելի, քան այժմ...

ԺՈՐԺ. Շատ բարի, ես կաշխատեմ նրան հանդիպել մի որևէ տեղ:

ՕՎՍԱՆՆԱ, Դու կարող ես նրան հանդիպել հենց այժմ: Նա դեռ հայրիկի սենյակումն է:

ԺՈՐԺ. Ոչ, քո ներկայությամբ անհարմար է, մանավանդ այստեղ, ծնողներդ, եղբայրդ... շփոթություն... աղմուկ...

ՕՎՍԱՆՆԱ. Ընդհակառակը, ես ուզում եմ, որ հենց իմ ներկայությամբ դու նրա գրպարտությունը ցույց տաս, որպեսզի ծառաների միջոցով նրան դուրս վռնդեմ այստեղից:

Բայց ահա նա...

ՏԵՍԻՆ 7

ՆՈՒՅՆՔ ԵՎ ԱՐԱՄԱԶԴ

ԱՐԱՄԱԶԴ. (Գալիս է աջ կողմի առաջին դռներով: Դեռ դուրս չեկած՝ դեպի Աթանեսը): Շատ բարի, շատ բարի, ամենքին կասեմ, որ ձեզանով եմ մարդ դարձել: Ցտեսություն: (Մի քառածալ թերթ գրպանը գնելով, քայլերն ուղղում է դեպի աջ կողմի երկրորդ դռները, իբր թե չնկատելով Օվսաննային և Ժորժին):

ՕՎՍԱՆՆԱ. Մի թուպե:

ԱՐԱՄԱԶԴ. (Կանգ է առնում): Հրամայեցեք, օրիորդ: (Ժորժի կողմը չի նայում):

ՕՎՍԱՆՆԱ, (Ժորժին): Հարցրո՛ւ: (Ծածկում է խորքի դռները և ետ է գալիս):

ԺՈՐԺ. (Նեղն ընկած մի կերպ իշխել է իրան: Գոռոզ): Պարոն, դուք ուզեցել եք ինչ-որ մուկ խոսքերով ինձ կասկածելի դարձնել իմ հարսնացուի աչքում: Ես ձեզանից բացատրություն եմ պահանջում:

ԱՐԱՄԱԶԴ. Պահանջում եք, շատ լավ:

ԺՈՐԺ. Ես ի՞նչ գաղտնիք ունիմ, որ վախենում եմ հայտնել Օվսաննային:

ԱՐԱՄԱԶԴ. Օրիորդը թույլ տալի՞ս է ասելու:

ՕՎՍԱՆՆԱ. Այո: (Կանգնում է երկուսի մեջ, բայց ավելի դեպի խորքը):

ԱՐԱՄԱԶԴ. (Ժորժին): Ես ուզեցել եմ ասել օրիորդին, որ դուք, պարոն Ադիլբեկյան, այն չեք, ինչ որ աշխատում եք երևալ նրան:

ԺՈՐԺ. Այսինքն ինչպե՞ս:

ԱՐԱՄԱԶԴ. Այսինքն ջենտլմեն չեք ձեր հարսնացվի վերաբերմամբ:

ԺՈՐԺ. Օհո, գործակատարի բերանում այդպիսի խոսքեր... Արդյոք, ինչպես ես ջենտլմեն... (բառը ձգձգում է հեգնաբար) չեմ: Բացատրեցեք:

ԱՐԱՄԱԶԴ. Եթե օրիորդը թույլ կտա...

ՕՎՍԱՆՆԱ. Ես խնդրում եմ:

ԱՐԱՄԱԶԴ. (Տատանվելով): Բայց իմ ասելիքը շատ խիստ է մի ազնիվ օրիորդի լսելիքի համար: Վերջապես, այստեղ անհարմար է...

ՕՎՍԱՆՆԱ. Ես պահանջում եմ:

ԺՈՐԺ. (Ճիզն է անում իրան ծանր պահելու, բայց արդեն գունատվել է):

ԱՐԱՄԱԶԴ. (Մի քիչ ևս տատանվում է և հանկարծ վճռում): Օրիորդ, այս պարոնը, որ ուզում է ձեզ հետ ամուսնանալ, արդեն ունի և կին, և... երեխա...

ՕՎՍԱՆՆԱ. (Զհավատալով լսածին, այլալված). Ի՛նչ...

ԺՈՐԺ. (Ուժգին ցնցմամբ): Լի՛րբ: (Ուզում է հարձակվել Արամազդի վրա):

ՕՎՍԱՆՆԱ. (Մեջ ընկնելով): Համբերի՛ր... Լռություն:

ԱՐԱՄԱԶԴ. (Առանց շարժվելու, ինքնապաշտպանության դիրքում կանգնած, արհամարհանքով նայել է Ժորժին):

ԺՈՐԺ. (բռնկեցները բռնած դողում է ամբողջ մարմնով):

ՕՎՍԱՆՆԱ. (Զորեղ մաքառումից հետո, Արամազդին): Շարունակեցեք...

ԱՐԱՄԱԶԴ. (Լուրջ և տխուր տոնով): Ուսանող եղած ժամանակ պարոնը Մոսկվայում հրապուրում է իր տանտիրուհու չորս աղջիկներից մեկին և... մոլորեցնում: Մի տարի անցած, խաբված աղջիկը դառնում է... մայր...

ԺՈՐԺ. Լռի՛ր, անպատկառ:

ՕՎՍԱՆՆԱ. (Վրդովված Արամազդի սառնությունից): Դուք սուտ եք ասում, դուք զրպարտում եք նրան:

ԺՈՐԺ. Դո՛ւրս վնդիիր նրան:

ԱՐԱՄԱԶԴ. (Դառն ժպտալով, տակավին սառն): Սովորական հերոսությունը կատարելուց հետո, պարոնը գոջում է կամ, ճիշտն ասած, սառչում է դեպի օրիորդը: Ուսումն ավարտելով, գալիս է հայրենիք, արդեն խելքը գլուխը ժողոված: Բայց օրիորդը չի ուզում այդպես հեշտ բաժանվել: Սկզբում հավատում է դեպի նրա խոստումները, թե շուտով կվերադառնա Մոսկվա, ապա կասկած, այնուհետև աղաչանք, պաղատանք, արցունքներով թրջված նամակներ: Ոչինչ չի օգնում: Այն ժամանակ օրիորդը, հուսահատված, վերցնում է երեխային, գալիս է այստեղ՝ իր մոր նախատինքից ազատվելու համար:

ԺՈՐԺ. (Շնչասպառ, բայց արդեն բավական ընկճված): Այս բոլորը մի անամոթ պրիկազչիկի հնարած հեքիաթ է:

ՕՎՍԱՆՆԱ. (Ամբողջ ժամանակ հետևել է Ժորժի դեմքի արտահայտությանը: Արամազդին): Շարունակե՛ցեք:

ԱՐԱՄԱԶԴ. (Միշտ անուշադիր դեպի Ժորժը): Պարոնը միջոցներ է փնտրում անախորժ հյուրից ազատվելու համար: Մեջ են ընկնում նրա համալսարանական ընկերները, գործը հանձնվում է ընկերական դատարանին: Որոշվում է այսպես, օրիորդը կմնա այստեղ, պարոնը երեխային կտա իր անունը, իսկ մորը կհամարի իր կինը: Օրինական, թե ապօրինի — այս միևնույնն է:

ՕՎԱՆՆԱ. (Շնչասպառ): Յետո՛, հետո՛...

ԱՐԱՄԱԶԴ. Օրիորդը դրականապես հրաժարվում է, ասելով, թե ոչ միայն չի կարող այդ մարդու կինը դառնալ, այլև չի համարձակվիլ իր երեխային տալ նրա անունը: Այդ ժամանակ ընկերները որոշում են, թե պարոնը պարտավոր է ապահովել գոնե իր զավակին մի որոշ ամսականով: Պարոնը, իհարկե, խոստանում է... Օրիորդը վերցնում է երեխային և վերադառնում է Մոսկվա, ահա այդ մատանին ձեզ տալու նախընթաց օրը...

ՕՎԱՆՆԱ. Փաստեր տվեք, փաստեր, ես ձեզ չեմ հավատում:

ԺՈՐԺ (Մի քիչ խրախուսված): Այո, փաստեր, ես փաստեր եմ պահանջում: Ումի՞ց եք լսել այդ սոսկալի գրպարտությունը:

ԱՐԱՄԱԶԴ. (Կիսով չափ դառնալով Ժորժին): Ճանաչո՞ւմ եք բժիշկ Ազիզյանցին:

ԺՈՐԺ. Նա իմ թշնամին է:

ՕՎԱՆՆԱ. Ես նրա մասին շատ լավ կարծիք եմ լսել:

ԱՐԱՄԱԶԴ. (Դառնալով Օվաննային): Բժիշկ Ազիզյանցը եղել է մեկն երկու դատավորներից օրիորդի կողմից: Թույլ տվեք կատարել նրա մի անախորժ հանձնարարությունը, օրիորդ: (Դուրս է բերում գրպանից մի նամակ): Դուք, անտարակույս, ճանաչում եք ձեր նշանածի ձեռագիրը: Առեք, (Տալիս է նամակը) :

ԺՈՐԺ. (Մեկուսի): Իմ նամակը: (Հարձակվում է Օվաննայի վրա, որ նամակը խլել): Մի կարդա, Օվաննա, դա մի ստոր գրպարտություն է...

ՕՎԱՆՆԱ. (Խիստ և սպառնողական տեսքով): Սպասի՛ր...

ԱՐԱՄԱԶԴ. Այդ նամակը օրիորդը թողել է բժիշկ Ազիզյանցի մոտ և պարտավորել նրան, որ ձեզ ցույց տա: Ահա նրա խոսքերը. «Թող այդ անմեղ աղջիկն իմանա, թե ում հետ է ուզում կապել իր ճակատագիրը»: Եվ բժիշկ Ազիզյանցն ինձ է հանձնարարել այդ նամակը ձեզ տալու:

ՕՎԱՆՆԱ. (Նայում է նամակի վերնագիրը): Միրելի Օլգա: (Ապա ստորագրությունը): «Քո ժորժ»: Այո, այս քո ձեռագիրն է: (Շտապ-շտապ կարդում է մտքում, ավելի ու ավելի հուզվելով: Ապա, ձեռքերը թուլացած կողքերին թողնելով, դառն կշտամբանքով): Ողորմելի, որքան սեր ես շնայել:

ԺՈՐԺ. Սուտ է այդ բոլորը, Օվաննա, սուտ է, մի՛ հավատար: Ես այդ աղջկան չեմ մոլորեցրել, այլ ինքն է հափշտակվել: Դա երիտասարդական մի սխալ է: Դա մի սովորական բան է, նշանակություն մի տուր, քեզ ոչ ոք չի անհանգստացնիլ, ոչ ոք...

ՕՎԱՆՆԱ. Օ՛, եթե միայն այդ լիներ, (Հանում է մատանին, և շարտում է Ժորժի վրա): Վերցրեք և հեռացեք այստեղից...

ԺՈՐԺ. Բայց...

ՕՎԱՆՆԱ, Հեռացե՛ք, հեռացե՛ք, հեռացե՛ք: (Երեսը դարձնում է Ժորժից): Լռություն:

ԺՈՐԺ. (Թեքվում է և մատանին վերցնում):

ՕՎՍԱՆՆԱ. (Նամակը տալիս է Արամազդին): Առեք և գնացեք...

ԺՈՐԺ. (Միանգամայն ջախջախված): Դու չունիս իրավունք, Օվսաննա, դու ինձ անպատվում ես մի զրպարտչի մոտ...

ՕՎՍԱՆՆԱ. Դո՛ւրս, դո՛ւրս, ապա թե ոչ՝ ծնողներս կտեսնեն իմ խայտառակությունը...

ԱՐԱՄԱԶԴ. (Նամակը գրպանը դնելով): Օրիորդ, շատ էլ խիստ մի լինիք: Մեղմացրեք ձեր հարվածը: Անացեք այդ պարոնին, որ հափշտակված է ոչ ձեզանով, այլ ձեր օժիտով, թե ձեր հայրը սնանկ է, և դուք այժմ ոչինչ չունիք...

ԺՈՐԺ. (Չարախնդությամբ Արամազդին): Եթե այդպես է, ամուսնացեք նրա հետ ինքներդ: (Գնում է աջ կողմի երկրորդ դռներով):

ՏԵՍԻՆ 8

ՕՎՍԱՆՆԱ, ԱՐԱՄԱԶԴ, ՆԱՐԳԻՉ և ՆՈՒՆՈՒՖԱՐ

ԱՐԱՄԱԶԴ. (Նայել է Ժորժի ետևից արհամարհանքով: Մոտենում է Օվսաննային): Լսեցի՞ք, օրիորդ...

ՕՎՍԱՆՆԱ. Մի՛ մոտենաք, ես ձեզ արհամարհում եմ: (Այլևս չկարողանալով իրան զսպել, մի բարձր ճիչ է արձակում և, ընկնելով բազկաթռռի վրա, հեկեկում է):

ԱՐԱՄԱԶԴ. (Օվսաննայի «արհամարհում եմ» բառից հարվածված, մնացել է միևնույն դիրքում անշարժ):

ՆՈՒՆՈՒՖԱՐ. (Շտապով մոտենում են Օվսաննային):

ԱՐԱՄԱԶԴ. (Հուսահատ մեկուսի): Արհամարհում եմ...

Վարագույր

ԱՐԱՐՎԱԾ ՉՈՐՐՈՐԴ

Արամազդ. Աղավելյանի նոր բնակարանը:

Միանգամայն ժամանակակից, բայց առանց որոշ ճաշակի կահավորված սենյակ: Աջ պատի մեջ մի զույգ դռներ, որոնցից առաջինը տանում է Լեյլիի, իսկ երկրորդը՝ Նոյմզարի սենյակը: Ձախ պատի մեջ նույնպես մի զույգ դռներ, որոնցից առաջինը դեպի Արամազդի առանձնասենյակը, երկրորդը՝ նախասենյակ: Խորքի պատի մեջ երեք բարձր լուսամուտներ:

Դատերի վրա նկարներ չկան: Աջ պատի վրա մի խումբ ինչ-որ լուսանկարներ: Ձախ պատի վրա մի մեծ հայելի: Միջին լուսամուտի վրա դրած է մի վանդակ, մեջը թուփակ: Աջ լուսամուտի առջև, անկյունում մի գրամաֆոն, որի փողը դարձած է դեպի փողոց: Ձախ պատի առջև գահավորակ, սեղան, կիսաբազկաթոռներ: Այս ու այնտեղ աչքի զարնող փայլուն, գույնզգույն էժանագին զարդեր:

Դաշնամուր չկա, վառարան նույնպես: Առաստաղից քաշ է արած էլեկտրական ջահ:

ՏԵՍԻՆ 1

ՆՈՅԻՄՉԱՐ, ՋԱՎԱԴ և թութակ

Գարնանային իրիկնադեմ է, օրը հետզհետե մթնում է: Վարագույրը բարձրանալիս գրամաֆոնը նվագում է մի արևելյան եղանակ քամանչի վրա, առանց երգի:

ՆՈՅԻՄՉԱՐ. (Գրամաֆոնից ոչ հեռու նստած: Հրճվանքով ականջ է դնում: Այժմ թասակրավը թողել է, գլխի մագերը հարդարած են մողային հավակնությամբ: Հագուստը նոր է և բաց գույնի: Մի քիչ լսելով, վեր է կենում և լուսամուտով նայում է դեպի փողոց): Հավաքվեցին, թող ականջ դնեն է, խեղճ են:

ՋԱՎԱԴ. (Վարագույրը բարձրանալիս գալիս է ձախ կողմի երկրորդ դռներով, ձեռքում մի շիշ ջուր և մոտենում է թութակի վանդակին: Մեկուսի): Չսիրեցի այդ ֆոնոգրաֆը, կասես հարբուխ ընկած ոչխարի ձայն է: (Թութակին): Հըմ, աղաբաշի՞, քե՞ֆդ, հա՞լո: Ծարավել ես, հա՞: (Վանդակի մեջ ջուր է ածում և կորեկ ավելացնում): Կեր, խմիր, քեֆ արա: Մի քիչ խոսիր տեսնենք, ի՞նչ ես լեզուդ փորդ գցել: Ասա.

«Չյուլումն եկավ, դովլաթս տարավ

«Հիմար աշխարհ, քոռ, բախտ...

Ասա, հիմար, քոռ, հիմար, քոռ...

ՆՈՅԻՄՉԱՐ. Այդ ի՞նչ ես սովորեցնում թութակին:

ՋԱՎԱԴ. Իմ նոր մոլիսամազը: Այսօր շարադրեցի Աթանես աղայի համար:

ՆՈՅԻՄՉԱՐ. Շատ ես սիրում քո Աթանես աղային, այ:

ՋԱՎԱԴ. Աթանես աղան աղա է:

ՆՈՅԻՄՉԱՐ. Հապա ինչո՞ւ դուրս եկար նրա մոտից:

ՋԱՎԱԴ. Չպահեցին: Ինչ անեմ: Ես ասացի «մի փոր հացով էլ կծառայեմ, Նարգիզ խանում, ռոճիկ չեմ ուզում»: Ասաց, «չէ, ավելորդ ես, հիմա Նուրուֆարն էլ մեզ համար շատ է»:

ՆՈՅԻՄՉԱՐ. Հե, չունին, պրծավ, չոր տափի վրա մնացին..

ՋԱՎԱԴ. (Թութակին): Ասա, ա հիմար, ասա, «հիմար աշխարհ, քոռ բախտ»: Էհ, հենց մի գլուխ կողքդ ես քորում ծուռ քթովդ: Գրամաֆոնը դադարում է:

ՆՈՅԻՄՉԱՐ. (Ուզում է նորից լարել):

ՏԵՍԻՆ 2

ՆՈՒՅՆԶ և ԼԵՅԼԻ

(Գալիս է շտապով դրսի հագուստով, ձախ կողմի երկրորդ դռներով: Հագնված է ավելի լավ, բայց համեստ և ճաշակով): Ահ, մի՛ լարիր, Նոյիմզար, բավական է: Հավաքվել են փողոցում, մեզ ծաղրում են: Ասում են, «չտեսներ են»:

ՋԱՎԱԴ. (Մեկուսի): Սուտ չեն ասում:

ՆՈՅԻՄՉԱՐ. Շատ հարկավոր է, որ ասում են: Նախանձից են ասում:

ԼԵՅԼԻ. (Խանգարում է արել): Ոչ, ոչ, թող խնդրում եմ: (Ծածկում է լուսամուտի փեղկերը և գրամաֆոնի փողը դարձնում է դեպի սենյակ):

ՆՈՅԻՄՉԱՐ. Լավ, չուզեցի: Ո՞րտեղից ես գալիս:

ԼԵՅԼԻ. Օվսաննայի մոտից: (Գլխարկը վերցնում է, դնում է բազկաթռռի վրա է, կանգնելով հայելու առջև, մազերն ուղղում է):

ՆՈՅԻՄՉԱՐ. Էլի՛: Ես քեզ չասացի, որ Ֆրանգուլյանների տունը ոտ չդնես:

ԼԵՅԼԻ. Անկարելի է Օվսաննային մենակ թողնել:

ՆՈՅԻՄՉԱՐ. Շա՞տ ես ցավում հա՞:

ԶԱՎԱԴ. Դե, իհարկե, պետք է ցավել: Նրանք այժմ համարյա թե աղքատ են:

ՆՈՅԻՄՉԱՐ. (Արագ դառնալով դեպի Զավադը): Զը՛: դու դեռ այստե՞ղ ես: Գնա բանիդ:

ԶԱՎԱԴ. Ե՛ս, մեղա ասածու: (Յեռանում է: Մեկուսի): Բա, բա, բա, բա, աստված ազատի թագա թխած խանութներից: (Թուֆակին): Հիմար աշխարհ, քոռ բախտ: (Գնում է ձախ կողմի երկրորդ դռներով):

ՏԵՍԻՆ 3

ՆՈՅԻՄՉԱՐ և ԼԵՅԼԻ

ԼԵՅԼԻ. (Նստում է գահավորակի վրա մտազբաղ): Այո, Ֆրանգուլյանների դրուօրյունը ցավալի է, շատ ցավալի:

ՆՈՅԻՄՉԱՐ. Ես իսկի էլ չեմ ցավում:

ԼԵՅԼԻ. (Խորին կշտամբանքով): Նոյիմզար, չար մի՛ լինիր:

ՆՈՅԻՄՉԱՐ. (Մոտեցել է հայելուն ու նայում է իր հագստին): Է՛հ, ասում ես էլի: Մենք էլ ենք վատ օրեր ունեցել, նրանք ցավել են: Քսան տարեկան եղբայր կորցրինք, մի անգամ նրանցից մեկը մեր տուն ոտ դրե՞ց: Զահել ամուսին թաղեցի, ո՞վ նրանցից եկավ ինձ մխիթարելու: Թաղման օրը քո այդ Նարգիզ խանումը խնջույք ուներ: Աշխարհն այսպես է: Հիմա մենք պիտի խնջույքներ տանք:

ԼԵՅԼԻ. Բայց մի մոռանար, որ Արամազդն Օվսաննային սիրում է:

ՆՈՅԻՄՉԱՐ. Իսկի էլ չի սիրում:

ԼԵՅԼԻ. (Դառն հեգնությամբ): Այո, լավ ես հետևում եղբորդ: Այն օրից, երբ նա պատռել է այդ Ադիլբեկյանի դիմակը, դարձել է անճանաչելի: Նա տանջվում է, Նոյիմզար, գիտես, տանջվում է: Գիշերները նա քուն չունի, երբեմն մինչև լուսաբաց պտտում է իր սենյակում, մերթ կիսամերկ, մերթ հագնված: Քանի՛-քանի՛ անգամ, շունչս պահած, ուշադրությունս լարած, այ այն դռների արանքից հետևել եմ նրան: Ես տեսել եմ նրա շվաքը պատերի վրա սահելիս, լսել եմ նրա քայլերի ձայնը և ծանր, երկարատև հառաչանքները: Նա պաշտում է Օվսաննային, իսկ Օվսաննա՛ն... (Ձեռով մի հուսահատական շարժումն անելով, ոտքի է կանգնում և սկսում է անցուդարձ անել):

ՆՈՅԻՄՉԱՐ. Իսկ Օվսաննան ի՞նչ: Էլի փքվում է ու տրաքո՞ւմ:

ԼԵՅԼԻ. Նա բնավ չի խոսում Արամազդի մասին, բնավ: Մի քանի անգամ ես դիտմամբ խոսք բաց արի, նա կարծես, խուլ է և համր Արամազդի անվան համար...

ՆՈՅԻՄՉԱՐ. (Բարկանալով): Մի հարցնող լինի, այժմ ինչովդ ես պարծենում, ամբարտավան, էլ ի՞նչ ունիս գոռոզանալու: Չէ, Լեյլի, դու անձնասիրություն չունիս, դու քո եղբոր հպարտությունը ոտնատակ ես անում, այդ աղջկա մոտը գնալով:

ԼԵՅԼԻ. Բայց, հասկացիր, ինքն Արամազդն է ինձ ստիպում այժմ ամեն ուր գնալ Օվսաննայի մոտ և տեղեկություններ բերել նրա մասին:

ՆՈՅԻՄՉԱՐ. Որ այդպես է, ես այսօր նրա հետ կխոսեմ: Բայց թողնենք այդ: Գիտես, Լեյլի, այսօր ինչ եմ մտածել: Ախար մենք դաշնամուր չունինք:

ԼԵՅԼԻ. (Ձեռով մի արհամարհական շարժումն անելով): Է՛հ:

ՆՈՅԻՄՉԱՐ. Այո, այո, դա մեծ պակասություն է:

ԼԵՅԼԻ. Ո՞ւմ համար, ոչ դու գիտես նվագել, ոչ ես:

ՆՈՅԻՄՉԱՐ. Այդ մասին էլ եմ մտածել: Ես ուզում եմ երաժշտություն սովորել:

ԼԵՅԼԻ. Այդ հասակո՞ւմ:

ՆՈՅԻՄՉԱՐ. Ի՞նչ կա որ... քսանուհինը տարին մեծ բա՛ն է:

ԼԵՅԼԻ. (Ակամա ժպտալով): Այսինքն երեսունուերկու տարին:

ՆՈՅԻՄՉԱՐ. (Վիրավորված): Ի՞նչ ես ամեն անգամ ուղղում, ես իմ տարիքը քեզանից լավ գիտեմ: Հապա ինձ նայիր (ինքը նայում է հայելուն), ո՞վ կարող է ինձ քսանուհինգից ավելի տալ: Թասակրավա վերցնելուց հետո, շատերն ինձ օրիորդ են համարում: (Տոնը փոխելով): Չէ, անպատճառ պետք է սովորել: Դժվարը թասակրավն էր, մնացյալը հեշտ է: Ինչո՞ւ չէ, մեր մատները մսից ու ոսկորի՞ց չեն:

ՏԵՍԻՆ 4

ՆՈՒՅՆՔ, ԱՐԱՄԱԶԴ և ՇԱՄԻԼ-ԲԵԳ

ԱՐԱՄԱԶԴ. (Գալիս է ձախ կողմի երկրորդ դռներով, հագնված է այնպես, ինչպես երկրորդ արարվածում): Շատ չավ, շատ լավ, այս երեկո էլ ես կլուբ կերթամ: Բայց թուղթ երբեք չեմ խաղալու, այս լավ իմացիր:

ՇԱՄԻԼ-ԲԵԳ. (Գալիս է Արամազդի հետ: Հագնված է այնպես, ինչպես երկրորդ արարվածում): Լավ, ես կխաղամ, դու մոտս կնստես: Փորձել եմ, որ ոտդ ինձ գալիս է: Բարրիկուն քույրերի՛ս: (Ընտանեբար ձեռ է տալիս Նոյիմզարիս և Լեյլին):

ԱՐԱՄԱԶԴ. Ինձ հարցնող չի՞ եղել:

ԼԵՅԼԻ. Ոչ: (Դիմում է Արամազդին հետաքրքրությամբ, բայց աննկատելի, հետո աչքերով ուղեկցում է նրան մինչև դռները):

ԱՐԱՄԱԶԴ. (Շամիլ-բեգին): Սպասիր, հագուստս փոխեմ, գնանք: (Արագ քայլերով գնում է ձախ կողմի առաջին դռներով):

ՏԵՍԻՆ 5

ՆՈՒՅՆՔ առանց ԱՐԱՄԱՉԴԻ

ՇԱՄԻԼ-ԲԵԳ. (Նստում է գահավորակի վրա ծանր ու բարակ): Քույր Նոյիմզար, նոր խաբար:

ՆՈՅԻՄՉԱՐ. (Վախեցած): Վիշկան այրվե՞լ է,

ՇԱՄԻԼ-ԲԵԳ. (Աչքերը չռելով): Դմբո, ի՞նչ տամ, որ խեղ խոսեք: Ուրախ խաբար եմ ասում, սրտի մահլամ, մարդու հոգին փառավորող խաբար: Նոմեր չորրորդն էլ սկսեցինք քաշել: Գալիս է նավթը, գալիս աղբյուրի պես: Օրական երեք հազար փուֆ, լավ է, չէ՞:

ՆՈՅԻՄՉԱՐ. (Ուրախ): Տեսնո՞ւմ ես, Լեյլի, հիմա դաշնամուր չառնելը անկարելի է:

ՇԱՄԻԼ-ԲԵԳ. Բայց քույր Լեյլին չի ուրախանում: (Լեյլիին): Այդ ինչո՞ւ, հա՞:

ԼԵՅԼԻ. (Գալով բեմի կենտրոնը մտազբաղ): Ես ուրախ եմ, որ Արամազդին կյուր եք տանում: Նա երեկոները միշտ տանն է...

ՇԱՄԻԼ-ԲԵԳ. Իհարկե պիտի տանել: Բաս էլ ո՞ր օրվա համար ենք փող աշխատում, որ կյուր էլ չգնանք: Գիտե՞ք, քույր Նոյիմզար, հիմա մեր ընկերության անունը այնտեղ բերանից բերան է անցնում: Հայ գիտի, հայ, որտե՞ղ էինք, որտեղ հասանք, (ձեռք հանդիսավոր բարձրացնելով) Շամիլ-բեգ Մելիք-Աղաջանով: Նիփթա պռոմըշնիկ: Չէ, Արամազդը հարիֆ է: Մին այն գրամաֆոն է, ինչ է, սարքեցեք, մի քիչ քեֆս բացվի: Մին բայաթի դաջար կամ բայաթի շիրադ (Նայում է դեսուդեն):

ՆՈՅԻՄՉԱՐ. Իսկույն, (Ուզում է գրամաֆոնը լարել):

ԼԵՅԼԻ. (Շամիլ-բեգին): Արամազդը չի սիրում:

ՇԱՄԻԼ-ԲԵԳ. Հաա, դե հարկավոր չէ, քույր Նոյիմզար, մի սարքիր:

ՆՈՅԻՄՉԱՐ. (Հեռանում է գրամաֆոնից):

ՇԱՄԻԼ-ԲԵԳ. Արամազդին վերջերս մի քիչ տխուր եմ տեսնում է: Չգիտեմ, ո՞վ է նրա Էշին կաղ ասել: Չլինի՞ թե դրուստ է, որ ասում են, թե դովլաթը դարդ է անում:

(Դարձյալ նայում է դեսուդեն):

ՆՈՅԻՄՉԱՐ. Այդ ի՞նչ եք փնտրում, Շամիլ-բեգ:

ՇԱՄԻԼ-ԲԵԳ. Մի բան ասեմ, չնեղանաք, քույր Նոյիմզար, ձեր առաջվա կարգ ու սարքը ինձ ավելի էր դուր գալիս: Այստեղ (վիզը քորելով) մի բան պակասում է:

ՆՈՅԻՄՉԱՐ. Գիտեմ, դաշնամուր:

ԼԵՅԼԻ. Ո՛չ, բուֆետ:

ՇԱՄԻԼ-ԲԵԳ. Ափարին, քույր Լեյլի, հարիֆ ես, լավ իմացա (Նոյիմզարին): Ասելս այն է, որ առաջ ամեն բան ձեռքի տակ էր: Մեկ-մեկ ես ինքս էլ էի մոտենում բոսիետինք, Մախլա՛ս:

ԼԵՅԼԻ. Եթե գինի եք աղում, կարող եմ բերել:

ՆՈՅԻՄՉԱՐ. Ո՛չ, ոչ, այս սենյակում ուտել-խմելն արգելված է: Ուզո՞ւմ եք, համեցեք սեղանատուն:

ՇԱՄԻԼ-ԲԵԳ. Դմբո՛, այդպես շուտ արիստոկրատ դարձա ք: Լավ, այդ էլ չուզեցինք: Մի քույրը գրամաֆոնն է արգելում, մյուսը գինի, արի ու քեֆ արա, Շամիլ-բեգ: (Վեր է կենում): Ձեր դուշր խոսել սովորե՞ց:

ՆՈՅԻՄՉԱՐ. Մեկ-մեկ բառ ասում է, չեմ հասկանում:

ԼԵՅԼԻ. (վերցնում է յուր գլխարկը բազկաթռռի վրայից և դնում է աջ կողմի առաջին դռներով):

ՏԵՍԻԼ 6

ՇԱՄԻԼ-ԲԵԳ, ՆՈՅԻՄՉԱՐ և թուխակ

ՇԱՄԻԼ-ԲԵԳ. (Մոտենում է թուխակին): Տեսնենք, կարելի է ես հասկանում: (Թուխակին): Ադա, ջուլալադի, ի՞նչ ես քիթդ քաշ արեր: Հը, ասա, խոմ ժալոնկադ հորը չի ընկել, «Շամիլ-բեգ, Մելիք-Աղաջանով, Խամսայի մելիքներից»:

ՆՈՅԻՄՉԱՐ. Այդ շատ երկար է, չի կարող ասել:

ՇԱՄԻԼ-ԲԵԳ. Ասա: «Շամիլ-բեգ, Շամիլ-բեգ»:

ԹՈՒԹԱԿ. (Խուկ): Բեգ, հիմար, բեգ...

ՇԱՄԻԼ-ԲԵԳ. Ինչպե՞ս, լավ չլռեցի, պարզ ասա:

ԹՈՒԹԱԿ. Հիմար, հիմար, հիմար:

ՆՈՅԻՄՉԱՐ. (Ծիծաղում է):

ՇԱՄԻԼ-ԲԵԳ. Հիմա՛ր: Ե՛ս: Ադա, դու ինձ որտեղի՞ց ես ճանաչում:

ԹՈՒԹԱԿ. Քոռ, քոռ, քոռ...

ՇԱՄԻԼ-ԲԵԳ. (Բարկանալով): Քոռ էլ ես ու կտրիր ձայնդ, հարամզադա (Բարկացած վերադառնում է բեմի կենտրոն): Խոսք չունիմ, լավ բան եք սովորեցրել:

ՆՈՅԻՄՉԱՐ. (Տակավին ծիծաղելով): Այդ անպիտան Ջավադը սովորեցրեց մի քիչ առաջ:

ՇԱՄԻԼ-ԲԵԳ. Չէ՛, շատ ուսումնական դուռ է, մարդու երեսին ասում է «քոռ, հիմար»: Լավ էր, որ մի պատվավոր մարդ չկար այստեղ, թե չէ: (Նայում է գրպանի ժամացույցին): Էհ, Արամազդին ուշացավ: Ես որ կլուբ ուշ եմ գնում, պարտկյորներ չեմ գտնում: (Նախասենյակում գանգակ):

ՆՈՅԻՄՉԱՐ. Ո՞վ պետք է լինի, (Մոտենում է ձախ կողմի երկրորդ դռներին):

ՇԱՄԻԼ-ԲԵԳ. Հե՛չ, որ մարդ եկավ, Արամազդին կլուբ տանել դժվար է:

ՏԵՍԻԼ 7

ՆՈՒՅՆԶ, ՍԱՄՎԵԼ ՈՒ ԱՐԱՄԱԶԴ

ՍԱՄՎԵԼ. (Գալիս է ձախ կողմի երկրորդ դռներով: Տխուր է): Ներեցեք, տիկին, Արամազդը տանն է:

ՆՈՅԻՄՉԱՐ. (Հպարտ): Այո, իսկույն կգա, կարող եք սպասել:

ՍԱՄՎԵԼ. (Նայում է շուրջը թերևակի):

ՇԱՄԻԼ-ԲԵԳ. Դուք Աթանես աղայի որդին չեք: Բարով: (Մոտենալով, հեռվից արդեն ձեռքը մեկնել է):

ՍԱՄՎԵԼ. (Բռնելով Շամիլ-բեգի ձեռքը թույլ, բայց քաղաքավարի): Ներեցեք, ես ձեզ չեմ ճանաչում:

ՇԱՄԻԼ-ԲԵԳ. Մեկիք Աղաջանով, Խամսայի մելիքներից, նեփ թա պռոմիշնիկ:

ՍԱՄՎԵԼ. Շատ ուրախ եմ:

ԱՐԱՄԱԶԴ. Ես պատրաստ եմ, Շամիլ: (Գալիս է ձախ կողմի առաջին դռներից, լվացված, հագուստը փոխած, այժմ երևում է գունատ և նկատելի նիհարած: Տեսնելով Սամվելին, չի զարմանում, այլ առանց որևէ ձևականության, բարեհամբույր): Սամվել, բարով: (Ձեռք է տալիս): Ի՞նչ կիրամայես, Նստիր:

ՍԱՄՎԵԼ. Եթե ժամանակ ունես, մի քանի թուփեր նվիրել ինձ: (Նայում է Շամիլ-բեգին և Նոյիմզարին):

ԱՐԱՄԱԶԴ. Բոլորովին ազատ եմ: (Նոյիմզարին նշան է անում հեռանալով):

ՇԱՄԻԼ-ԲԵԳ. Դե, Արամազդ, ես գնացի, դու հետո կգաս: Բա չէ՞ պարտկյորներ չեմ գտիր (Գնում է ձախ կողմի երկրորդ դռներով):

ԱՐԱՄԱԶԴ. Լավ:

ՆՈՅԻՄԶԱՐ. (Մի քանի անգամ գոռոզաբար նայում է Սամվելին, գնում է աջ կողմի երկրորդ դռներով):

ՏԵՍԻԼ 8

ԱՐԱՄԱԶԴ և ՍԱՄՎԵԼ

ԱՐԱՄԱԶԴ. Ի՞նչ է պատահել, դու այլայլված ես: Նստի՛ր: (Նստում է բազկաթոռներից մեկի վրա, մի ուրիշը ցույց տալով Սամվելին):

ՍԱՄՎԵԼ. Արամազդ, Լևոնը խելագարվեց: (Նստում է):

ԱՐԱՄԱԶԴ. (Ազդված): Ի՞նչ ես ասում, ե՞րբ:

ՍԱՄՎԵԼ (Հառաչելով): Արդեն երկու շաբաթ է, որ պարզ նշաններ էր ցույց տալիս, իսկ այս վերջին օրերը դարձել էր վտանգավոր: Այսօր վճռեցինք տանել Նրան Մոսկվա և հանձնել մի բուժարան: Ուշացնել անկարելի է, պետք է շուտով տանել և ահա ես եկել եմ քո օգնությունը խնդրելու:

ԱՐԱՄԱԶԴ. Ի՞նչով կարող եմ, արդյոք, օգտակար լինել:

ՍԱՄՎԵԼ. Արամազդ, տասնուհինգ տարի դու եղել ես մեր ընտանիքին ավելի մոտիկ, քան մինչև անգամ ես: Դու գիտես մեր բոլոր հանգամանքները, ահա ինչու ես գերադասեցի քեզ բոլոր մեր ազգականներից: Բացի այս, Լևոնը ոչ ոքի այնքան չի հարգում, որքան քեզ:

ԱՐԱՄԱԶԴ. Դու ուզում ես, որ ես Նրան ուղեկցեմ մինչև Մոսկվա:

ՍԱՄՎԵԼ. Ոչ, այդքանը խնդրելու իրավունք չունիմ: Ինձ հետ կլինի մի ֆելձեր, և մենք երկուսով կարող ենք Լևոնին տանել երկաթուղով, դժվարը մինչև կայարանն է: Ահա այս նեղությունն է, որ խնդրում եմ քեզ հանձն առնել:

ԱՐԱՄԱԶԴ. Շատ բարի: Ե՞րբ եք գնում:

ՍԱՄՎԵԼ. Վաղը, առավոտյան գնացքով:

ԱՐԱՄԱԶԴ. Առավոտյան գնացքը ճանապարհ է ընկնում ուղիղ ութ ժամին, ես կգամ ձեզ մոտ լուսաբացին: Ուրի՞շ: Ես կկամենայի ավելի դժվար մի հանձնարարություն ստանալ Լևոնի վերաբերմամբ: Ես նրան միշտ սիրել ու հարգել եմ: Նա շատ զարգացած երիտասարդ է, ես նրանից շատ բան եմ սովորել:

ՍԱՄՎԵԼ. Դժվար հանձնարարություն ես ունիմ կատարելու, Արամազդ: (Դուրս է բերում գրպանից մի ծրար ու տալիս Արամազդին): Վերցրո՛ւ:

ԱՐԱՄԱԶԴ. (Ծրարն, առնելով): Այս ի՞նչ է:

ՍԱՄՎԵԼ. Քույրս տվեց քեզ հանձնելու:

ԱՐԱՄԱԶԴ. (Շտապով բաց է անում ծրարը ու նրա միջից դուրս է բերում երկու ուրիշ փոքրիկ ծրարներ: Հիսաթափված): Իմ նամակները, օրիորդ Օվսաննային գրած: (Նայում է մեծ ծրարի մեջ): Եվ ոչ մի տոմսակ, ոչ մի բացատրություն: (Ծրարները ձգում է սեղանի վրա և ոտքի է կանգնում): Ահ, Սամվել, այդքան վիրավորանք ես քո քրոջից չեի սպասում:

ՍԱՄՎԵԼ. (վեր կենալով): Ի՞նչ արած, ասում են համառոտությունը այդպիսի դեպքերում ամենավատ գործակիցն է: Ուժով սեր գրավել չի կարելի: Մոռացիր — ահա բոլորը, ինչ որ կարող եմ ասել:

ԱՐԱՄԱԶԴ. Բայց ես նրանից մեր չեմ աղերսում այս նամակներով: Այստեղ իմ զգացումների մասին ակնարկ անգամ չկա:

ՍԱՄՎԵԼ. Հապա ինչի մասին ես գրել:

ԱՐԱՄԱԶԴ. Վերցրու և կարդա: Ես Օվսաննայի միջոցով առաջարկում եմ իմ օգնությունը քո հորը:

ՍԱՄՎԵԼ. (Ուրախացած): Այո:

ԱՐԱՄԱԶԴ. Այո, ես խոստանում եմ իմ բոլոր ուժերը, ճարպիկությունը, նոր ձեռք բերած վարկը գործ դնել ծերունուն դուրս բերելու անել վիճակից, նրա գործերը վերականգնելու, (բաց է անում ծրարները և նամակները տալիս է Սամվելին): Ահա կարդա ծայրե ի ծայր, այստեղ մի բան չկա որից ես կարողանամ ամաչել:

ՍԱՄՎԵԼ. Ես հավատում եմ քեզ առանց կարդալու էլ:

ԱՐԱՄԱԶԴ. Ոչ կարդա, կարդա, և բովանդակությունը հաղորդիր այդպես ոտնատակ է անում իմ անձնասիրությունը:

ՍԱՄՎԵԼ. (վերցնում է նամակներն ու աչքի է անցկացնում):

ԱՐԱՄԱԶԴ. (Խոսում է անցուդարձ անելով, Սամվելի կարդալու միջոցին): Այդչափ հպարտությո՛ւն: Ի՞նչպես են ուրիշները կարողանում գրավել կանանց սիրտ չգիտեմ: Մի թե ավելի դժվար է մի աղջկա համառությունը հաղթել, քան երեկվա գործակատարից այսօր դառնալ ամբողջ բորսայի նախանձի առարկա: , Մի թե ավելի է հարկավոր, քան անձնագրիությունը:

ՍԱՄՎԵԼ. (Նամակների բովանդակությունից հանկարծ հափշտակված): Արամազդ, դու ուղղակի հազվագյուտ մարդ ես: Այս նամակները կարող են պատիվ բերել մի ասպետի սրտին ու հոգուն: Գոնե ինձ թույլ տուր սեղմել քո ձեռքը և հայտնել անկեղծ, անկեղծ շնորհակալություն: (Մոտենում է Արամազդին ու ոգևորված բռնում է նրա ձեռքը):

ԱՐԱՄԱԶԴ. (Հուսահատ և անտարբեր): Էհ: թողնենք, չարժե:

ՍԱՄՎԵԼ. Այլևս ինչն արժե երախտագիտության, եթե ոչ մի այդպիսի վարմունք: Ֆռանգույանները կարող են կորցնել ամեն բան, բայց երախտագիտություն պետք է ունենան: Ես այս նամակները կվերադարձնեմ Օվսաննային, կստիպեմ նրան կարդալ, որպեսզի լավ ճանաչի քեզ: (Ուզում է նամակները դնել իր գրպանը):

ԱՐԱՄԱԶԴ. Ոչ, թող մնա: Այդ տեսակ վիրավորանքից հետո չարժե: Ես ճանաչեցի, վերջապես քո քրոջը: Նա իր հոր կատարելատիպն է համառության կողմից: Տուր ինձ այդ նամակները:

ՍԱՄՎԵԼ. (Դնում է նամակները սեղանի վրա): Այն ժամանակ իրավունք չունիմ քեզից որևէ աջակցություն խնդրելու: Ներիր, որ նեղություն տվեցի: Մնաս բարև: (Ուզում է գնալ):

ԱՐԱՄԱԶԴ. Այդպես չէ, մի՛ շտապիր: Լևոնին մի՛ խառնիր այդ գործի մեջ, Ես շատ բան եմ պարտական նրան: Առավոտը կանուխ ես կգամ ձեր տուն և ինչ որ հարկավոր է, կանեմ: Այս մեկն իմ սուրբ պարտականությունն է: Ցտեսություն: (Ձեռ է տալիս Սամվելին):

ՍԱՄՎԵԼ. Ինչպես կամենաս: (Գնում է ձախ կողմի երկրորդ դռներով):

ԱՐԱՄԱԶԴ. (Մի քանի վայրկյան մենակ է: Անցուդարձ է անում, հառաչելով, կատաղելով):

ՏԵՍԻՆ 9

ԱՐԱՄԱԶԴ և ԼԵՅԼԻ

ԼԵՅԼԻ. (Գալիս է աջ կողմի դռներով: Տեսնելով Արամազդին հուսահատված, մի քանի վայրկյան չի վստահանում խոսել) Կլուբ չե՞ս գնալու:

ԱՐԱՄԱԶԴ. (Սթափվելով): Ահ, Լեյլի, Քանի ժամն է, (Նայում է իր դալանի ժամացույցին): Տասն է. Արդեն ուշ է, չարժե:

ԼԵՅԼԻ. Բայց ահա մի ամսից ավելի է, որ դու երեկոները տնից դուրս չես գալիս: Այդ լավ չէ: Ցերեկվա այնչափ աշխատությունից հետո մի քիչ հանգստանալ հասարակության մեջ անհրաժեշտ է:

ԱՐԱՄԱԶԴ. Լսեցի՞ր ով էր այստեղ:

ԼԵՅԼԻ. Այո՛:

ԱՐԱՄԱԶԴ. Դու դռների ետևից ականջ էիր դնում, այնպես չէ:

ԼԵՅԼԻ. (Շփոթվելով): Այո՛:

ԱՐԱՄԱԶԴ. Ոչինչ, քեզ ներելի է, Ահա՛, (Ցույց է տալիս սեղանի վրա դրած նամակները): Երկու նամակ եմ ուղարկել նրան ծառայի ձեռքով, երկուսն էլ վերադարձնում է առանց կարդալու:

ԼԵՅԼԻ. Նա ինձ ոչինչ չի ասել այդ մասին:

ԱՐԱՄԱԶԴ. Այնքան դեպի ինձ անտարբեր է, որ անունս անգամ չի արտասանում: Ահ, երբեք չեմ մոռանալ այն վայրկյանը, երբ նա, դուրս վռնդելով այն թշվառին, դարձավ ինձ և ասաց, «մի մոտենաք, ես ձեզ արհամարհում եմ»... Ես ուզում էի նրան խոսքերով մխիթարել, իսկ նա... Օո, նրա դեմքի արտահայտությունն այդ վայրկյանին, նրա ձայնի հնչյունը, ձեռի

շարժում: Ես ինձ զգացի ստորացած, ոչնչացած: Եվ ինչու, ի՞նչ պատճառով: Որովհետև բաց արի նրա աչքերը և ցույց տվեցի այն անդունդը, ուր պատրաստվել էր գլորվելու: Բայց չէ որ այդ բարոյություն էր իմ կողմից և ոչ նախանձ, չարություն: Շնորհակալության փոխարեն վիրավորանք: Ասա, Լեյլի, դու նրան ճանաչում ես, ի՞նչ է նշանակում այդ առեղծվածը:

ԼԵՅԼԻ. Դժվար է հասկանալ Օվսաննային: Նա շատ ծածկամիտ է:

ԱՐԱՄԱԶԴ. Եվ այդ բոլորից հետո դարձյալ չկարողացա ինձ զսպել, մի անգամ էլ փորձեցի հիշեցնել նրան իմ մասին: Լեյլի, Լեյլի: Կարծես, մի աներևույթ չար ձեռք բռնել է թևիցս և, հակառակ իմ կամքի ու խելքի, տանում է ինձ անկումից անկում: Ես միանգամայն գրկվել եմ իմ անձնասիրությունից, Լեյլի, հպարտության կաթիլ անգամ չմնաց իմ մեղ: Սակայն նա կարող է արհամարհել ինձ, բայց ինչու և այդչափ քարսրտություն, ինչո՞ւ, ինչո՞ւ: (Անցուդարձ է անում):

ԼԵՅԼԻ. Չեմ կարծում, որ Օվսաննան վիրավորելու մտքով է վերադարձրել այդ նամակները:

ԱՐԱՄԱԶԴ. Ախ, Լեյլի, դու ինքդ բարի լինելով, կարծում ես ամենքն էլ քո սիրտն ունին: Չար է այդ աղջիկը, չար; անսիրտ: Մեկի փոխարեն պատժում է մյուսին: Մեղավո՞ր եմ ես, միթե որ այսպես հափշտակվել եմ և խելքս կորցրել: Այո, լինելով նրա հոր գործակատարը, ես պարտավոր էի ճանաչել իմ հասարակական դիրքը և համեստ պահել ինձ: Բայց մի՞թե գործակատարը սիրտ չունի, հոգի չունի, միթե նա չի կարող զգալ, տանջվիլ, ինչպես ուրիշները:

ԼԵՅԼԻ. Բավական է, քիչ մաշիր սիրտդ: Չարժե, այսուհետև քեզ համար բոլոր դռները բաց են, դու կարող ես Օվսաննայից ավելի սիրուն և ավելի խելոք հարսնացու գտնել:

ԱՐԱՄԱԶԴ. Ոչ: Լեյլի Ոչ, ոչ ոք չի կարող ինձ այնպես գրավել: Կամ Օվսաննան, կամ մինչև մահ մենակություն, տխուր և անտանելի կյանք:

ԼԵՅԼԻ. Այս րոպեիս ես կգնամ նրա մոտ և բացատրություն կպահանջեմ: Դեռ ուշ չէ, դեռ կարող է ինձ ընդունել: Չի՞ կարելի իմ եղբորն այդպես անպատվել: Թող իմանա այդ հպարտը, որ դու ես հպարտ ես, որ այդ նամակներով նրանից սեր չես խնդրում, որ դու մուրացկան չես, այլ, ընդհակառակը, ինքդ ես առաջարկում քո օգնությունը: Թող նա կարդա գոնե և ամաչի իր արածից: Տո՛ւր ինձ. այդ նամակները: (Ուզում է նամակները վերցնել):

ԱՐԱՄԱԶԴ. (վերցնում է ծրարները Լեյլիից առաջ ու պատռում): Այդ մասին այլևս ոչ մի խոս: Բավական է, որքան ինձ ստորացրի: Թող կորչի զգացումը, սերն ինձ նմանների համար չէ: Պետք է մոռանալ և ամեն զգացում խեղդել աշխատության մեջ, (Հանկարծ զգացվելով): Ախ, այսքան սիրել և այսքան արհամարհվել ու տանջվել: (Այլևս չկարողանալով իրան զսպել, նստում է բազկաթոռերից մեկի վրա և, ձեռները սեղմելով գլխին, սկսում է ուժգին հեկեկալ):

ԼԵՅԼԻ. (Մոտենում է): Արամազդ, մի՛ հուսահատվիր...

Վարագույր

ԱՐԱՐՎԱԾ ՉՈՐՐՈՐԴ

ՊԱՏԿԵՐ ԵՐԿՐՈՐԴ

Դարձյալ Ֆռանգուլյանների բնակարանը: Նույն գրասենյակը: Այժմ չկան գորգերը և դաշնամուրը: Սենյակը գրկվել է և ուրիշ զարդերից, ուստի թվում է ամայի և մռայլ: Խորքի թախտը այժմ ծածկված է մի փոքրիկ հասարակ գորգով:

ՆԱՐԳԻՉ, ՆՈՒՆՈՒՖԱՐ, ԿԵՏՈ ԱԹԱՆԵՍ

Ուշ գիշեր է: Բեմի վրա տիրում է կատարյալ մթնոթյուն: Վարագույրները լուսամուտների վրա իջեցրած են:

ՆՈՒՆՈՒՖԱՐ: (Վարագույրը բարձրանալիս գալիս է աջ կողմի երկրորդ դռներով, մի ձեռքում մի դատարկ չեմոդան, մյուսում մոմկալ վառած մոմով: Չեմոդանը դնում է բեմի խորքում, իսկ մոմկալը բերում դնում է աջ կողմի սեղանի վրա):

Բեմը լուսավորում է կիսով չափ:

ՆՈՒՆՈՒՖԱՐ. (Աչքերն անքնությունից տրորելով, նայում է շուրջը: Նկատելով Նարգիզին թախտի վրա, բեմի խորքում, մոտենում է և կամացուկ զարթեցնում): Խանում, խանում:

ՆԱՐԳԻՉ. (Վարագույրը բարձրանալիս հագնված պառկած է խորքի թախտի վրա: Գլուխը բարձրացնում է վախեցած): Յ՛ր, ի՞նչ կա:

ՆՈՒՆՈՒՖԱՐ. Մի՛ վախենաք, բան չի պատահել: Յիմա ես ոտքի եմ, կիսկեմ, գնացեք ձեր սենյակը, մի քիչ քնեցեք:

ՆԱՐԳԻՉ. (Դանդաղ վերկենալով): Զանի՞ ժամն է:

ՆՈՒՆՈՒՖԱՐ. Դեռ մութն է:

ՆԱՐԳԻՉ. Ձայն լսե՞լ ես նրա սենյակից:

ՆՈՒՆՈՒՖԱՐ. Յանգիստ քնած է:

ՆԱՐԳԻՉ. Թող հանգստանա, տասնումեկ գիշեր չի քնել: Տանում են երեխայիս, Նունուֆար, խլում են նրան իմ ձեռքից:

ՆՈՒՆՈՒՖԱՐ. Աստված ողորմած է, կառողջանա, ետ կգա:

ՆԱՐԳԻՉ. (Ձեռքը հուսահատաբար շարժելով): ՉԷ՛, չԷ՛ (Յառաջում է): Գնա, ինչ որ հարկավոր է, բեր պատրաստենք:

ՆՈՒՆՈՒՖԱՐ. Սամվել սպան ասել է սպասենք իրան: Յրամայել է երեքուկես ժամին զարթեցնել:

ԱԹԱՆԵՍ. (Բեմի ետևում բարձրաձայն աղաղակում է): Աա, աա ...

ՆԱՐԳԻՉ. (Ցնցվելով): Նա է:

ՆՈՒՆՈՒՖԱՐ. Ոչ, այդ մեծ աղայի ձայնն էր: (Վազում է դեպի աջ կողմի առաջին դռները, բայց կանգ է առնում Նարգիզի հրամանով):

ՆԱՐԳԻՉ. Սպասի՛ր, թո՛ղ ես ինքս կտեսնեմ ինչ պատահեց: Լամպը վառիր: Ամեն գիշեր այդպես գոռում է երագում: (Մոտենում է աջ կողմի առաջին դռներին):

ՆՈՒՆՈՒՖԱՐ. (Վառում է սեղանի վրա դրած լամպը, մոմկալը վերցնում է և գնում է խորքի դռներով): Մոմը լուսավորվում է ավելի:

ԱԹԱՆԵՍ. (Երևում է աջ կողմի առաջին դռների մեջ խալաթով, դեմքն այլալված, մազերը զգգված): Ա՛հ, զարհուրելի է, զարհուրելի :

ՆԱՐԳԻՉ. Էլի, ի՞նչ պատահեց մարդ:

ԱԹԱՆԵՍ. Երազ տեսա, երազ: Ինձ քաշել էին դատաստան, նախատում էին, ասում էին. «դու խաբեբա ես, դու կլանել ես ուրիշների վաղը»: Թքում էին երեսիս, նարգիզ, թքում էին: Աահ: (Դանդաղ քայլերով անցնում է բեմի ձախ կողմը, ձեռները դնելով խալաթի գրպանները):

ՆԱՐԳԻԶ. Լավ, գնա, պառկիր, դեռ գիշեր է:

ԱԹԱՆԱՍ. (Դեռ զառացանքից չի ազատվել): Ի՞նչ, ասում ես, մանեթին քառասուն կոպե՞կ տայի: Չի լինիլ: Այ, ձեռքդ կբռնեմ՝ փողոցները կընկնեմ, մուրացկանություն կանեմ, այդ չեմ անի: (Արտասովոր ձայնով): Ամենքը երես դարձրին, ամենքը, բարեկամներ, ազգականներ: Մենակ եմք, Նարգիզ, բոլորովին մենակ:

ՆԱՐԳԻԶ. Այո, քանի տունդ լիքն էր, գալիս էին, ուտում, խմում, հազար ու մի գովասանք շռայլում երեսիդ:

ԱԹԱՆԵԱ. Օ՛ո, եթե ես իմանայիր ամենքին շան պես դուրս կանեի իմ դռներից: Չիմացա, չիմացա... (Անցուդարձ է անում, ձեռքերը գրպանից Տանելով ու մոցնելով խալաթը թևերի մեջ):

ՆԱՐԳԻԶ. Ոչինչ, ասածու ողորմությունը մեծ է, Էլի կգան այդ օրերը:

ԱԹԱՆԵԱ. (Կանգ առնելով): Այա, սո՛ւս, հերիք է, ինչքան խաբեցի ձեզ: Մի ասա գերեզմանի մեջն է, այն օրերն էլ չենք տեսնիր, նա կտեսնի հիմա երջանիկ օրեր, Նա: Չարը շուռ եկավ, նրան բարձրացրեց, ինձ տակովն արավ (Նստում է):

ՆԱՐԳԻԶ. Լավ, գնա քնիր, քիչ տանջիր քեզ և մեզ: Հերիք է իմ ցավն ինձ... այսօր որդիս ձեռքիցս գնում է...

ԱԹԱՆԵԱ. (Չի լսում Նարգիզին, միշտ իր մտքովն զբաղված): Ասում ես, որ մեր դռները նե՞ղ են նրա համար, շա՛տ է հաստացել: Չեմ ուզում, չեմ ուզում, որ գա այստեղ: Նա կտեսնի ինձ այս դրության մեջ, կուրախանա, երեսիս քահ-քահ կծիծաղի: Նա կասի, «տեսա՞ր, որ ես քեզանից խելոք եմ, որ վաճառականությունը դու չգիտես, ես գիտեմ: Դե գնա ու պարծեցիր այժմ քո յոթանասունուհինգ տարվա անունով»: Հե՛հ, եթե ես մի խելքը գլխին ժառանգ կունենայի, ինչպես հայրս ունեցավ, ցույց կտայի այդ լակոտներին:

ՆԱՐԳԻԶ. (Դառնագին): Խնայիր ինձ, մարդ, խնայիր, մի՛ քրքրիր իմ սրտի խոցը:

ԱԹԱՆԵՍ. Ցամաքեց, չորացավ ինձ համար երկնքի ողորմությունը: (Լռություն: Տունը փոխելով): Ե՛րբ են տանում անբախտին: (Նստում է):

ՆԱՐԳԻԶ. Այսօր, մի երկու ժամից հետո:

ԱԹԱՆԱՍ. Փող պետք է տալ Սամվելին. առանց փողի չեն բժշկի նրան: Բայց փող չկա, չկա. բոլորը խլեցին ձեռքիցս:

ՆԱՐԳԻԶ. Լավ, մի՛ մտածիր, ես փող գտա նրա համար:

ԱԹԱՆԵՍ. Գտա՞ր, այո՞, ինչպե՞ս, ո՞վ տվեց: (Նայում է շուրջը): Նարգիզ, ո՛ւր է Օվսաննայի դաշնամուրը: (Վեր է կենում): Աա՛, ո՛ւր է:

ՆԱՐԳԻԶ. (Ընկճված): Ծախեցի քրոջդ աղջկան:

ԱԹԱՆԵՍ. Գորգե՛րը, պապիցս մնացած գորգե՛րը:

ՆԱՐԳԻԶ. Ուղարկեցի քրոջդ տուն պահելու: (Խորհրդավոր): Ո՞վ գիտես:

ԱԹԱՆԵՍ. (Կատաղելով): Ինչպես համարձակվեցիր: Ոչ մի բան չպիտի թաքցնել պարտատերերից, ոչ մի բան, մի ասեղ անգամ: Թող գան, վերգրեն, ծախեն աճուրդով, ավերակ դարձնեն տունս, միայն թե չասեն, որ ես գող եմ: Ե՛տ բերել տուր այդ գորգերը, լսում ես, ետ բերել տուր:

ՆԱՐԳԻՉ. Լավ, հանգստացիր:

ԱԹԱՆԵԱ. (Ընկնվելով): Ի՛նչ օրի հասանք: (Լուռ է):

ՆԱՐԳԻՉ. Յերիք է, հերիք է, հերիք է...

ԱԹԱՆԵԱ. (Չսպելով արցունքը): Չէ, չէ, լաց լինելն ամորթ է, կնիկություն, թշնամիներս ավելի կուրախանան: (Տոնը փոխում է): Գիշերվա ո՞ր ժամանակն է: Բեմի ետևում եկեղեցական գանգի երեք ծանր հարված:

ՆԱՐԳԻՉ. Ահա երրորդությունը տվեցին: Գնա, պառկիր:

ԱԹԱՆԱՍ. (Երեսը խաչակնքում է): Աղոթք անելն էլ մոռացա: Ահ, գլուխս տրաքվում է:

ՆԱՐԳԻՉ. Գնա, ասում եմ, գնա, բայդուշ, հերիք է:

ՏԵՍԻՆ 2

ՆՈՒՅՆԶ, ՍԱՄՎԵԼ ու ՆՈՒՆՈՒՖԱՐ

ՍԱՄՎԵԼ (Գալիս է խորքի դռներով, պիջակը հագնելով, հետո փողկապը կապելով: Նուևոֆարին, որ հետևում է նրան): Չեմոդանս մաքրե՞լ ես:

ՆՈՒՆՈՒՖԱՐ. (Գալիս է խորքի դռներով Սամվելի ետևից: Ցույց է տալիս պատի տակ դրած չեմոդանը): Այ: Օրիորդին զարթեցնե մ:

ՍԱՄՎԵԼ. Այո՛: Բեր այստեղ ճերմակեղենս:

ՆՈՒՆՈՒՖԱՐ. (Գնում է խորքի դռներով):

ՍԱՄՎԵԼ. (Ճնողներին): Դո՛ւք ինչու համար եք այսպես վաղ զարթնել: Հայրիկ, գնա պառկիր, ժամանակին ես քեզ կզարթնեցնեմ:

ԱԹԱՆԵՍ. Հա՛, կարգադիր, որդի, ես բանի պետք չեմ: Ահ, գլո՛ւխս: (Գնում է աջ կողմի երկրորդ դռներով):

ՏԵՍԻՆ 3

ՆԱՐԳԻՉ, ՍԱՄՎԵԼ, մերթ ընդ մերթ ՆՈՒՆՈՒՖԱՐ

ՆՈՒՆՈՒՖԱՐ. (Բերում է խորքի դռներով ճերմակեղենի մի կապոց):

ՍԱՄՎԵԼ. (Առաջ քաշելով մի աթոռ): Դի՛ր այստեղ: (Չեմոդանը բերում է բեմի կենտրոնը ու սկսում է ճերմակեղենը դարսել այնտեղ):

ՆՈՒՆՈՒՖԱՐ. (Գնում է հետ, խորքի դռներով):

ՆԱՐԳԻՉ. (Մոտեցել է լուսամուտներից մեկին, վարագույր, բաց է անում): Լույսը բացվում է, մշակներն ուրախ-ուրախ գնում են իրենց աշխատանքին: Երանի նա էլ ձեր մեջ լինե՞ր և ձեզ նման առողջ:

ՍԱՄՎԵԼ. Մայրիկ, շուտով այստեղ կգա Արամազդը: Ես նրան խնդրել եմ, որ ինձ օգնի՝ Լևոնին կայարան տանելու: Ի սեր աստծու, այնպես արա, որ հայրիկը նրան չվիրավորի: Առհասարակ չգիտեմ այդ մարդն ինչ է արել ձեզ, որ ամենքդ նրա դեմ մի տեսակ ատելություն ունիք:

ՆԱՐԳԻԶ. Նա հորդ թողեց նեղ դրության մեջ, հեռացավ, իսկ հիմա բոլորովին երես է դարձրել մեզանից: (Սկսում է Սամվելին օգնել՝ իրերը տեղավորելու):

ՍԱՄՎԵԼ. Դու գիտես, որ Արամազդը հարգելի պատճառ ունի մեր տունը ոտ չդնելու:

ՆԱՐԳԻԶ. Ո՞վ է մեղավոր: Թող իր չափն իմանար:

ՍԱՄՎԵԼ. Եթե Օվսաննան կարողանար մարդ ճանաչել, Արամազդի առաջարկությունը կընդուներ ուրախությամբ:

ՆԱՐԳԻԶ. Իհարկե, հիմա ամենքն էլ այդպես կասեն, Պրիկազչիկն հարստացել է ու մարդկանց շարքն ընկել:

ՆՈՒՆՈՒՖԱՐ. (Խորքի դռներով բերում է ճերմակեղենի մի ուրիշ կապոց և գնում է նույն աթոռի վրա ու սպասում հրամանների):

ՍԱՄՎԵԼ. Չարմանալի գաղափար ունիք մարդու մասին: Մեր կարծիքով հարստանալ — կնշանակե մարդկանց շարքն ընկնել: Արամազդը միշտ մարդ է եղել և ազնիվ մարդ: (Նուռուֆարին): Գնա այժմ հագուստ բեր:

ՆՈՒՆՈՒՖԱՐ. (Գնում է խորքի դռներով):

ՆԱՐԳԻԶ. Այդ ո՞ր ժամանակից դու նրան հավանեցիր:

ՍԱՄՎԵԼ. Հենց այն օրից, երբ նա եկել է մեզ մոտ ծառայելու: Երեկ քիչ էր մնում ամոթից գետինը մտնել Օվսաննայի պատճառով:

ՆԱՐԳԻԶ. Ինչո՞ւ:

ՍԱՄՎԵԼ. Արամազդն երկու անգամ գրում է նրան, թե պատրաստ է հայրիկին օգնել և խնդրում է համոզել ծերունուն, որ իր օգնությունն ընդունի: Օվսաննան նրա նամակները ետ է ուղարկում առանց բաց անելու: Եվ ետ տանողն էլ հիմարաբար ես եմ լինում:

ՆԱՐԳԻԶ. (Դադարելով Սամվելին օգնելու, զարմացած նայում է նրան): Արամազդն ուզում է օգնե՞լ հորդ:

ՍԱՄՎԵԼ. Այո, մայրիկ, և կարող է օգնել: Այժմ նա ահագին վարկ ունի մեր քաղաքում: Ես կարծում էի, որ Օվսաննան չէր վերադարձնի այդ նամակները, եթե գիտենար նրանց բովանդակությունը: Բայց երեկ երեկո ես նրան հայտնեցի, որ նա այժմ էլ պնդում է, թե Արամազդի անունն անգամ լսել չի կամենում: Կարելի է միթե այդքան գոռոզ լինել:

ՆՈՒՆՈՒՖԱՐ. (Բերում է խորքի դռներով Սամվելի սյուրտուկը, վարտիկը, ժիլետը, դնում է նույն աթոռի վրա և անմիջապես գնում է նույն դռներով):

ՆԱՐԳԻԶ. Ինչ արած, մենք ամենքս այդպես ենք, հպարտ: Ահա ինքը, ես կխոսեմ հետը:

ՏԵՍԻԼ 4

ՆՈՒՅՆԵ և ՕՎՍԱՆՆԱ.

ՕՎՍԱՆՆԱ. (Գալիս է շտապով խորքի դռներով): Ուշ եմ զարթնել, արդյոք: (Սամվելին): Ասա, ի՞նչ պիտի անել:

ՍԱՄՎԵԼ. Պետք է սպասել Լևոնի զարթնելուն: (Զեմոդանը կապում է բանալին դնում է գրպանը և չեմոդանը ոտով հրելով, տանում է պատի տակ): Շտապել հարկավոր չէ, դեռ ժամանակ շատ կա:

ՆԱՐԳԻԶ. Օվսաննա, գոնե դու խնայիր մեզ այս նեղ օրերում:

ՕՎՍԱՆՆԱ. Ի՞նչ եմ արել, մայր:

ՆԱՐԳԻԶ. Էլ ի՞նչ պիտի անեիր, հորդ թողնում ես խայտառակության մեջ:

ՕՎՍԱՆՆԱ. Ե՛ս, չեմ հասկանում, մայր: (Նայում է զարմացած Սամվելին):

ՍԱՄՎԵԼ. Մայրիկն ամեն բան գիտե, ես ավելորդ համարեցի նրանից թաքցնել:

ՆԱՐԳԻԶ. (Օվսաննային): Երեխա չես, տեսնում ես, որ մեր բարեկամները մեզնից երես են դարձրել: Մենք ստիպված ենք հարգել մեզ օգնության ձեռք մեկնողին, ո՞վ էլ որ լինի նա...

ՕՎՍԱՆՆԱ. (Լուրջ): Մայրիկ, ես խնդրում եմ քեզ չխառնվել իմ գործերին:

ՆԱՐԳԻԶ. Բայց այդ միայն քո գործը չէ, այլև ամենքիս՝ մի ամբողջ ընտանիքի:

ՕՎՍԱՆՆԱ. Եթե այդպես լիներ, նա իր օգնությունը հայրիկին իմ միջոցով չէր առաջարկիր (Սկսում է անցուդարձ անել):

ՆԱՐԳԻԶ. Էհ, տղա է, ուզեց ամենից առաջ քո սիրտը շահել:

ՕՎՍԱՆՆԱ. Տեսնո՞ւմ ես, ուրեմն լավ եմ արել, որ նամակները վերադարձրել եմ: Վերջապես այդ ինձ համար մի անախորժ խոսակցություն է, թողնենք, միևնույնն է, ոչ ոք չի կարող ինձ վրա ներգործել:

ՍԱՄՎԵԼ. Արամազդն արժանավոր երիտասարդ է: Այսքանը միայն ես պարտք եմ համարում ասելու:

ՆԱՐԳԻԶ. Այո՛, ես էլ հիմա տեսնում եմ, որ շատ օրինավոր տղա է:

ՕՎՍԱՆՆԱ. (Դառն ծիծաղելով): Ահա թե ինչ, չլինի՞ թե մայր ու որդի դավադրություն եք կազմել իմ դեմ: Մայրիկ, դեռ երկու ամիս չի անցել այն ժամանակից, երբ դու արհամարհում էիր այդ մարդուն և նրա քույրերին, ի՞նչ պատահեց այժմ...

ՆԱՐԳԻԶ. Երկու ամիս առաջ այս տունն էլ լիքն էր, հիմա տեսնո՞ւմ ես:

ՕՎՍԱՆՆԱ. (Կանգ է առնում վրդովելով): Վերջապես, ի՞նչ ես ուզում ինձանից, ասա կարճ-կտրական:

ՆԱՐԳԻԶ. Ազատիր հորդ խայտառակությունից, օգնիր հիվանդ եղբորդ բժշկվելու, պահպանիր մեր տունը, որ ավերակ չդառնա:

ՕՎՍԱՆՆԱ. Այսինքն ծախեմ իմ զգացմունքները, իմ ապագան, իմ ամբողջ կյանքը, ա՛յս ես ուզում: Վաճառեմ ինձ ձեզ համար, այո՞:

ՆԱՐԳԻԶ. Էլ ինչո՞ւ համար ենք քեզ պահել, մեծացրել, որ այսօրվա օրը մեզ օգնության չհասնես:

ՍԱՄՎԵԼ. Մայրիկ, ես բողոքում եմ այդ խոսքերի դեմ:

ՕՎՍԱՆՆԱ. Թող ասի, Սամվել, թո՛ղ: Վերջապես մի օր հարկավոր էր պարզել մեր հարաբերությունները: Հետո , մայրիկ, հետո :

ՆԱՐԳԻԶ. Ես բռնություն գործ չեմ գնի քեզ վրա, ես միայն բացատրում եմ: Եթե դու կարողացար սիրել առաջին պատահածին, Արամազդն այն անառակ ժորժից հազար անգամ բարձր է:

ՕՎՍԱՆՆԱ, (նայել է մորը խորը հանդիմանական հայացքով): Առաջին պատահածի՞ն: Լավ ասացիր, մայրիկ: Այդ խոսքերով դու դատապարտեցիր թե՛ քեզ և թե՛ հայրիկին:

ՆԱՐԳԻԶ. (Չայրացած): Օվսաննա:

ՕՎՍԱՆՆԱ. Այո, մայրիկ, եթե ես իմ սիրտը նվիրեցի առաջին պատահածին, մեղավորը դուք եք և միայն դուք: Ես այս չէի ուզում ասել, բայց որ երեսուվա տվեցիր իմ ականա սխալը, այժմ լսիր՝ դուք ինձ շրջապատեցիք ձեր շողոքորթ, հարց-կատակ ազգականներով և կազմեցիք իմ շուրջը՝ մի անմատչելի պատկեր: Ի՞նչ է եղել իմ կյանքն այս տանը գնա ուսումնարան, եկ տուն, երբ դասերից ազատ ես, կպիր մորդ փեշերին և գնա այցելիր ծնողներիդ ազգականներին: Նստիր ժամերով տգետ ընտանիքների մեջ, լսիր նրանց հիմար զրույցները, զարշելի բամբասանքները, շատ անգամ կեղտոտ սրախոսությունները:

ՍԱՄՎԵԼ. (Մեկուսի): ճիշտ է , բոլորովին ճիշտ:

ՕՎՍԱՆՆԱ. Ես չունեի իրավունք մինչև անգամ իմ համակրած ընկերուհիների հետ ծանոթություն անելու: Հարուստի աղջիկ էի, ինչպե՞ս կարող էի աղքատներին ընկերանալ: Եվ այսպես, բռնության ճանկերում սնված, հանկարծ պատահեցի մի երիտասարդի, որ, չգիտեմ ինչպես, անցել էր ինձ շրջապատող պարիսպը: Ես չունեի ուրիշ ընտրություն անելու, չէի ճանաչել ոչ մի ուրիշ երիտասարդ, բացի ձեր ազգականներից: Այն ինչ, նեխված ճահճի մեջ ապրելով հանդերձ, ես ունեի սիրելու ընդունակ սիրտ և սիրելու ջերմ փափագ: Եվ ահա հափշտակվեցի առաջին պատահածով:

ՍԱՄՎԵԼ. Եվ այն միակ ծաղիկը քո ճանապարհի վրա դուրս եկավ ապականված ու թունավոր: Մայրիկ, Օվսաննան իրավացի է:

ՆԱՐԳԻԶ. Թող ասի, ինչ անեմ, թող նա էլ իմ գլխին թափի իր սրտի մաղձը, ինչպես քո անբախտ եղբայրը:

ՕՎՍԱՆՆԱ. Ահ, մայրիկ, ես չեմ ուզում կրկնել Լևոնի ասածները, բայց մի ցնորվածի բերանով ինքը ճշմարտությունն է խոսում: Ի՞նչ է եղել նրա պատանեկությունը: Մինչ քսան տարեկան հասակը դուք նրան պահեցիք խանձարուրի մեջ, հետո գրպանը լցրիք ոսկով և ուղարկեցիք մայրաքաղաք: Եվ ահա մի նավակ, որ սովոր չէր ափերի մոտ լողալու, հանկարծ ընկավ հորձանքի մեջ և... խորտակվեց: Իսկ սա՞: (Ցույց է տալիս Սամվելին): Սա ինչ է: Հայրիկը կամեցավ սրան անպատճառ վաճառական դարձնել: Ինչպես չէ, պետք է Ֆռանգույան առևտրական տան հռչակավոր անունը շարունակել: Գիմնագիան ավարտած չավարտած իր երկաթե ձեռքը դրեց պատանու վրա ու ասաց, «դու իմն ես, դու չես հեռանալ ինձանից»։ Բայց Սամվելը նրանը չէր, մայրիկ և ոչ քոնը: (Շարունակում է անցուդարձ անել):

ՍԱՄՎԵԼ. (Հափշտակված): Ճիշտ է մայրիկ, ճիշտ է: Օվսաննան խոսում է իմ սրտի խորքից: Վաճառականությունը իմ հոգուն այնքան էր խորթ, որքան հայրիկի հոգուն Բեթհովենի սոնատը: Ես փախչում էի նրանից, ինչպես ժանտախտից: Ես փախչում էի և՛ քո ծայրահեղ սիրուց ու խնամքից, ինչպես շղթաներից: Ի՞նչ արած, ինձ թվում էր, որ ես օժտված եմ երաժշտական ձիրքով և իմ ամբողջ եռությամբ փափագում էի նրանց ծառայել: Կարելի է, սխալվում էի, բայց գալը չհասկացաք իմ հոգին — այս է ցավալին: Այժմ ի՞նչ եմ ես: — Բարոյական մի անդամալույծ, որին շատ-շատ տեղ կտան մի գավառական օրկեստրում, և կդառնամ մինը հազարավոր պրովետարներից: Շնորհակալ եմ, Օվսաննա, շնորհակալ եմ, դու ասացիր այն, ինչ որ վաղուց եռում էր իմ սրտում...

ՆԱՐԳԻԶ. (Մերթ ընկճվել է, մերթ գրգռվել և իրան զսպել: Այժմ գրգռված): Բավական է, բավական է, համբերությունն էլ չափ ու սահման ունի: (բաց է անում մյուս լուսամուտի վարագույրը և լամպը հանգցնում է):

(Բեմի լուսավորությունն ավելանում է):

ՕՎՍԱՆՆԱ. Այո է, այո է, մայրիկ, ձեր համբերությունը հատնում է ճիշտ այն պահին, երբ լսում եք ճշմարտության առաջին ձայնը:

ՆԱՐԳԻԶ. (Բարկացած): Լռի՛ր, լռի՛ր, ասում եմ... և եթե խելք ունիս, մեր դրության մասին մտածիր: Ահ, աստված իմ, ինչո՞ւ այսքան անբախտություն: (Գնում է խորքի դռներով):

Նախասենյակում զանգ

ՆՈՒՆՈՒՖԱՐ. (Գալիս է խորքի դռներով և շտապով գնում է աջ կողմի երկրորդ դռներով):

ՍԱՄՎԵԷ. Այո Արամազդն է:

ՕՎՍԱՆՆԱ. Թող ինձ մենակ, Սամվել: Ես ուզում եմ նրա հետ խոսել...

ՍԱՄՎԵԷ. Լսի՛ր ոչ մի զոհաբերություն, հասկանո՞ւմ ես, ավելի լավ է աղքատ լինենք, քան քո զգացմունքների գնով ապահով: (Գնում է խորքի դռներով):

ՏԵՍԻՆ 5

ՕՎՍԱՆՆԱ և ԱՐԱՄԱԶԴ

ԱՐԱՄԱԶԴ. (Գալիս է աջ կողմի երկրորդ դռներով: Տեսնելով Օվսաննային, մի փոքր շփոթվում է և իսկույն իշխում իրան: Սովորական եղանակով): Բարի լույս, օրիորդ:

ՕՎՍԱՆՆԱ. Բարի լույս: (Ձեռք չեն տալիս իրարու):

ԱՐԱՄԱԶԴ. Երևի, Սամվելն իր սենյակումն է: (Դիմում է դեպի խորքի դռները):

ՕՎՍԱՆՆԱ. Մի րոպե:

ԱՐԱՄԱԶԴ. (Կանգ է առնում):

ՕՎՍԱՆՆԱ. Ինչո՞ւ համար եք եկել:

ԱՐԱՄԱԶԴ. Լևոնի համար:

ՕՎՍԱՆՆԱ. Գիտեմ: Ես կամենում եմ իմանալ, ի՞նչն է ձեզ ստիպում այդպես հոգալ մեր մասին:

ԱՐԱՄԱԶԴ. Երախտագիտությունը դեպի ձեր ծնողները:

ՆՈՒՆՈՒՖԱՐ. (Գալիս է աջ կողմի երկրորդ դռներով ու շտապով գնում է խորքի դռներով):

ՕՎՍԱՆՆԱ. Եվ այն նամակները ուղարկել եք ինձ այդ գզացումներից դրդված:

ԱՐԱՄԱԶԴ. Ոչ լիովին:

ՕՎՍԱՆՆԱ. Ուրե՞մն:

ԱՐԱՄԱԶԴ. Օրիորդ, եթե կամենում եք մի անգամ ևս փորձել իմ հանդգնությունը, համեցեք: Ես ուզում էի իմ ուժերի չափ օգնել ձեր հորը գլխավորապես... ձեզ համար:

ՕՎՍԱՆՆԱ. Այսինքն, ուզում էիք ինձ կաշառել, այո՞:

ԱՐԱՄԱԶԴ. Այո՛:

ՕՎՍԱՆՆԱ. Եվ դուք այդ ասում եք առանց քաշվելո՞ւ:

ԱՐԱՄԱԶԴ. Ինչի՞ց պիտի ամաչեմ, օրիորդ: (Հեգնաբար): Ես վաճառական եմ, իսկ դուք գիտեք, որ վաճառականը առանց հաշվի բարոություն չի անում: (Տոնը փոխելով): Թույլ տվեք ինձ տեսնել Սամվելին: (Ուզում է գնալ):

ՕՎՍԱՆՆԱ. Սպասեցե՛ք, այս վերջին անգամն է, որ դուք տեսնում եք ինձ: Ասացեք, խնդրեմ, ինչը ստիպեց ձեզ բաց անել ժորժ Ադիլբեկյանի գաղտնիքը:

ԱՐԱՄԱԶԴ. Շահիդ, օրիորդ, շահիդ:

ՕՎՍԱՆՆԱ. Թողեք հեգնությունը, ես ձեզ հետ լուրջ եմ խոսում:

ԱՐԱՄԱԶԴ. Եվ ես պատասխանում եմ ամենայն լրջությամբ: Բարոյական շահն էր, որ ինձ ստիպեց պատռել այդ մարդու դիմակը: Վերջապես, չէ՞ որ դուք ինքներդ պահանջեցիք, միթե մոռացե՞լ եք:

ՕՎՍԱՆՆԱ. Իսկ ես կասեմ, որ այդ բարոյական շահ չէր, այլ փոքրոգի մարդու նախանձ, անգոր չարություն հակառակորդի դեմ:

ԱՐԱՄԱԶԴ. Թող ձեր ասածը լինի, բայց ճշմարտությունը գոնե այժմ պարզ է ձեզ համար:

ՕՎՍԱՆՆԱ. Ո՞վ ասաց ձեզ, որ այն ճշմարտությունը ցանկալի էր ինձ համար: Ո՞վ խնդրեց ձեզ անկոչ հյուրի պես մտնել մի օտար խնճույք և սուգ դարձնել ուրիշների ուրախությունը:

ԱՐԱՄԱԶԴ. Բարեկամի սուրբ պարտականությունը ստիպեց ինձ այդ անել: Օրիորդ, ձեր երևակայածը խնճույք չէր: Այլ նախերգանք մի դրամայի, ուր դուք պիտի կատարեմ իմ դժբախտ հերոսուհու դերը մինչև ձեր կյանքի վերջը:

ՕՎՍԱՆՆԱ. Բայց ես այդ չգիտեի ու երջանիկ էի. ինչու բաց արիք իմ աչքերը:

ԱՐԱՄԱԶԴ. Օրիորդ Օվսաննա, այդ խոսքերը, կարծես, լսում եմ ձեր հոր բերանից: Ինչպես նա, դուք ևս բարվոք եք համարում ապրել ստի և կեղծիքի մեջ, քան թե իմանալ գառը ճշմարտությունը: Այո, խաստովանում եմ, ծանր հարված եմ տվել ձեզ: Դուք գտել էիք մի փայլուն խաղալիք »և ուրախ էիք նրանով: Ես խլեցի ձեզնից այդ սիրուն առարկան, զարկեցի գետնին, չարդ ու փշուր արի, և դուք տեսաք ինչ աղբով էր լեցված նա: Այո, իհարկե, շատ խիստ էր իմ կողմից, շատ անողորմ, բայց մի հինգ տարեկան երեխայի և ոչ ձեր վերաբերմամբ: Չէ որ վաղ թե ուշ պետք է իմանայիք այդ գեղեցիկ պաճուճապատանքի զգվելի պարունակությունը:

ՕՎՍԱՆՆԱ. Թող իմանայի, ո՞ւմ ինչ, վերջապես, ո՞րն է ձեր մեջ մաքուր, որը չունի յուր անցյալում այս կամ այն արկածը:

ԱՐԱՄԱԶԴ. Ամենքը: ամենքն ունեն, օրիորդ, սակայն այն տարբերությամբ, որ ժորժ Ադիլբեկյանինը արկած չէ, այլ հանցանք է:

ՕՎՍԱՆՆԱ. Թեկուզ հանցանք: Սիրելով նրան, ես կարող էի ներել այդ հանցանքն այն ժամանակ, երբ չէի կարող չներել:

ԱՐԱՄԱԶԴ. (Յեզնաբար ժպտալով): Այո, ամուսնանալուց հետո, այնպես, ինչպես ներում են շատ ողորմելի կանայք իրենց ամուսինների աններելի անցյալը: Բայց այդ ի՞նչ վիճակ կլինի ձեզ համար, ի՞նչ ամուսնական կյանք մի մարդու հետ, որ իր հարազատ երեխային շարտել է փողոց, ինչպես լուցկիների մի դատարկ տուփ:

ՕՎԱՆՆԱ. (Ազդվել է Արամազդի վերջին խոսքերից: Մեկուսի): Նա իրավացի է:

ԱՐԱՄԱԶԴ. Եվ ո՞վ կարող էր երաշխավորել, եթե այն մարդը, որ մի անգամ շարտել է մեկ զավակին, նույն դրությամբ չի շարտիլ և մյուսներին: Վերջապես դուք, օրիորդ, դուք, կարող էիք կրել մի դժբախտ մոր և դժբախտ զավակ: Հավիտենական անեծքի լուծը, բարոյական կլինե՞ր ձեր ամուսնական կյանքը, կարո՞տ կլինե՞իք ձեր խիղճը համարել մաքուր...

ՕՎԱՆՆԱ. (Ընկճմված): Ոչ...

ԱՐԱՄԱԶԴ. Ահա, տեսնում եք. այժմ դիտեցեք ինքներդ, ունե՞ի, արդյոք իրավունք ձեզ ազատելու այդ սոսկալի ապագայից, (Տոնը փոխելով): Բայց, ներեցե՞ք, Սամվելն ինձ սպասում է: (Ուզում է գնալ):

ՕՎԱՆՆԱ. Մի վայրկյան: Դուք ձեր նամակներում, ի միջի այլոց, խոստանում եմ օգնել և՛ Սամվելին, այո:

ԱՐԱՄԱԶԴ: Այո: Ես խոստանում եմ օգնել նրան իր երաժշտական կրթությունը շարունակելու այնքան ժամանակ, որքան կամենում է:

ՕՎԱՆՆԱ. Եվ այժմ, իհարկե, իմ վարմունքի պատճառով, Սամվելը պիտի զրկվի ձեր օգնությունից, այո՞:

ԱՐԱՄԱԶԴ. (Դրական): Ամենևին:

ՕՎԱՆՆԱ (Չարմացած): Ինչպե՞ս, դուք դեռ:

ԱՐԱՄԱԶԴ. Ես պիտի կատարեմ իմ բոլոր խոստումները, որ արել եմ այդ նամակներում:

ՕՎԱՆՆԱ. (Ավելի ազդված): Բոլորը:

ԱՐԱՄԱԶԴ. Բոլորը:

ՕՎԱՆՆԱ. Առանց որևէ ակնկալության:

ԱՐԱՄԱԶԴ. Առանց որևէ ակնկալության և նույնիսկ հակառակ ձեր կամքի:

ՕՎԱՆՆԱ. (Խորը զգացված, ձեռք սեղմում է սրտին): Ա՛հ: (Մի ձեռքը հենում է բազկաթռչի մեջքին):

ԱՐԱՄԱԶԴ. (Վախեցած, մի քայլ մոտենում է Օվսանային): Ի՞նչ պատահեց:

ՕՎԱՆՆԱ. Ոչինչ, ոչինչ, սրտի բաբախում (Լռություն: Ներքին մաքառում): Ներեցե՞ք... Ես ձեզ վիրավորել եմ անտեղի: Տվե՞ք ինձ ձեր ձեռքը... Ես սխալված եմ եղել... (Ձեռք մեկնելով):

ԱՐԱՄԱԶԴ. (Ուրախ, ազդված, արագ մոտենում և սեղմում է Օվսանայի թույլ մեկնած ձեռքը): Ուրեմն, դուք ինձ չե՞ք արհամարհում, այո , ուրեմն, ես...

ՕՎԱՆՆԱ. Գնացե՞ք, Սամվելը ձեզ սպասում է, կարող եք ուշանալ...

ԱՐԱՄԱԶԴ. (Ուրախությունից շփոթված, կարմրած, գնում է խորքի դռներով):

ՕՎԱՆՆԱ. (Նստում է առաջին պատահած աթոռի վրա և մտածում):

ՏԵՍԻՆ 6

ՆՈՒՅՆՔ, ՍԱՄՎԵԼ, ՆԱՐԳԻՉ և մերթ ընդ մերթ ՆՈՒՆՈՒՖԱՐ

ՆՈՒՆՈՒՖԱՐ. (Գալիս է խորքի դռներով, մի ուրիշ լիք չեմոդան ձեռքին, որ դնում է առաջինի քով):

ՕՎՍԱՆՆԱ. Լևոնը զարթնե՞ց:

ՆՈՒՆՈՒՖԱՐ. Գնում եմ զարթեցնելու, (Գնում է ետ խորքի դռներով):

ՆԱՐԳԻՉ. (Եկել է խորքի դռներով նուստֆարից անմիջապես հետո): Կամացուկ խփիր դռներին, ինքը կզարթնի: (Դառնում է Արամազդին և. շարունակում է հետը խոսել տխուր, բայց սիրալիր):

ԱՐԱՄԱԶԴ. (Գալիս է խորքի դռներով Նարգիզի հետ: Դեմքի արտահայտությունը թեև. լուրջ է, բայց զվարթ: Նայում է հաճախ Օվսանային, բայց չի համարձակվում մոտենալ):

ՍԱՄՎԵԼ. (Գալիս է խորքի դռներով և անմիջապես մոտենում է Օվսանային):

ՕՎՍԱՆՆԱ. (Դժկամությամբ): Թող ինձ, ի սեր աստծու (Վեր է կենում, մոտենում է լուսամուտին և նայում է դեպի դուրս):

ՆԱՐԳԻՉ. Գնամ, այն մարդուն զարթեցնեմ, որ վերջին անգամ տեսի անբախտին: (Գնում է աջ կողմի առաջին դռներով):

ՍԱՄՎԵԼ. (Մոտեցել է Արամազդին): Ուշադրություն չդարձես հայրիկի խոսքերի վրա, վերջին օրերը նա հոգսից շատ ներվային է դարձել:

ԱՐԱՄԱԶԴ. Հանգիստ կաց:

ՏԵՍԻՆ 7

ՆՈՒՅՆՔ ԵՎ ԱԹԱՆԵՍ

ԱԹԱՆԵՍ. (Գալիս է աջ կողմի առաջին դռներով դարձյալ խալաթով: Նարգիզին հանդիպելով դռների մեջ): Ո՛ր է, թողեք տեսնեմ, հետո տարեք:

ՆԱՐԳԻՉ. Համբերիր:

ԱԹԱՆԵՍ. (Արամազդին տեսնելով, զայրանում է): Ո՞վ խնդրեց նրան, որ այստեղ գա:

ՆԱՐԳԻՉ. (Առանձին Աթանեսին): Բարևիր, լավ չէ:

ԱԹԱՆԵՍ. Բայդուշի պես գլխիս վայ էր կանչում, հիմա բերել եք, որ տեսի իմ անբախտությունը և ուրախանա, չէ՞: (Դառնալով Արամազդին): Դո՛ւրս, դուրս իմ տնից:

ՍԱՄՎԵԼ. (Մոտեցել է հորը, բռնում է նրա թևը): Հայրիկ, հանգստացիր, այսօր նա մեր միակ բարեկամն է:

ԱԹԱՆԵՍ. Թող գնա, չեմ ուզում այդպիսի բարեկամներ: Նա իր մտքում ինձ հիմար է համարում, ծաղրում է: Այնպես չէ Նարգիզ:

ՆԱՐԳԻԶ. Ոչ սխալվում ես:

ԱԹԱՆԵՍ. (Չարմանալու է): Հե՛:

ՆԱՐԳԻԶ. Արամազդը մեր մասին շատ է հոգում: Նա մեզ անկեղծ սիրում է:

ԱԹԱՆԵՍ. Ի՞նչ, մայր ու որդի ուզում եք ինձ խելքից հանե՞լ, հե՛, Օվսաննա, լսեցի՞ր ինչ ասացին դրանք:

ՕՎՍԱՆՆԱ. Հայրիկ, ես Արամազդին այսօր միայն ճանաչեցի:

ԱՐԱՄԱԶԴ. (Այս խոսակցության միջոցին կանգնած է հեռու և տեսարանը դիտում է լուրջ ու համեստ: Օվսաննայի խոսքերը նրան ուրախ ցնցումներ են պատճառում):

ԱԹԱՆԵՍ. (Ավելի զայրանալով): Ուրեմն, դուք խոսքը մի եք արել ինձ խայտառակելու նրա մոտ, հե՛: Որ այդպես է, ամենքդ կորեք, ամենքդ, ես ձեզ անիծում եմ, (Ուզում է գնալ աջ կողմի առաջին դռներով, բայց Նունուֆարի աղաղակը լսելով, կանգ է առնում):

ՆՈՒՆՈՒՖԱՐ. (Բեմի ետևից բարձրաձայն): Այստեղ եկեք, շուտ, տեսեք ինչ է անում,

ՆԱՐԳԻԶ. (Շտապով գնում է խորքի դռներով):

ԱՐԱՄԱԶԴ. (Հետևում է Նարգիզին):

ՍԱՄՎԵԼ (Հետևում է Արամազդին):

ԱԹԱՆԵՍ. Տեսեք ինչ պատահեց, (Գալիս է բեմի կենտրոնը):

ՕՎՍԱՆՆԱ. (Նախազգացել է մի վատ բան): Հայրիկ, դու գնա քո սենյակը: (Վազում է դեպի խորքի դռները և սարսափած հետ է կանգնում):

ՏԵՍԻՆ 8

ՆՈՒՅՆՔ ԵՎ ԼԵՎՈՆ

ԼԵՎՈՆ. (Գալիս է խորքի դռներով ժիլետով, գիշերվա շապիկով, հողաթափերով: Նոսր մազերը գգգված են, դեմքն այլանդակված: Արամազդն ու Սամվելը բռնած են, նրա աջ ու ձախ թևերը): Սուտ է... սուտ է... կարմիր օձն էր:

ԱՐԱՄԱԶԴ. Ամոթ է, Լևոն, ամոթ է... Նստիր այստեղ, (Նստեցնում է բեմի խորքում մի աթոռի վրա, երեսը դեպի հասարակությունը):

ՍԱՄՎԵԼ. (Մոտեցել է Օվսաննային, կիսաձայն): Ուզում էր կախվել, հազիվ ազատեցինք:

ՆԱՐԳԻԶ. (Սարսափահար): Շուտ տարեք, հեռացրեք, չի կարելի նրան այստեղ պահել:

ԱՐԱՄԱԶԴ. (Նունուֆարին եներժիկ տոնով, կիսաձայն): Գնա շո՛ւտ, երկու կառք կանչիր:

ՆՈՒՆՈՒՖԱՐ. (Շտապով գնում է աջ կողմի երկրորդ դռներով):

ԱՐԱՄԱԶԴ. (Սամվելին): Իրերը տանենք դուրս, հետո ես նրան կբերեմ: (Նարգիզին): Մայրիկ, եթե կարող եք, հագրեք նրան: (Վերցնում է չեմոդաններից մեկն ու գնում է աջ կողմի երկրորդ դռներով):

ՍԱՄՎԵԼ. (Վերցնում է երկրորդ չեմոդանը և գնում Արամազդի ետևից):

ՆԱՐԳԻԶ. (Օվսաննային.): Գնա պիջակն ու կոշիկները բեր:

ՕՎՍԱՆՆԱ. (Շտապով գնում է խորքի դռներով):

ԼԵՎՈՆ. (Մինչ ամենքն իրարանցման մեջ են, նայել է աջ ու ձախ խորամանկությամբ):

ԱԹԱՆԵՍ. (Ապշած նայում է մերթ մեկին, մերթ մյուսին): Ա՛ա :

ԼԵՎՈՆ. (Հարմար վայրկյան որսալով, գաղտագողի մոտենում է պատշգամբի դռներին):
Կարմիր օձը, կարմիր օձը... Ազատություն: (Կատաղի ծիծաղ), հա, հա, հա, ազատվեցեք...
(Վազում է պատշգամբ և իրան ձգում է փողոց):

ԱԹԱՆԵՍ. Բռնեցե՛ք, բռնեցե՛ք: (Մտում է անշարժ, ապշած, քարացած):

ԱՐԱՄԱԶԴ. (Շտապ վերադառնում է աջ կողմի երկրորդ դռներով ճիշտ այն վայրկյանին., երբ
Լևոնն արդեն պատշգամբի վրա է): Լևո՛ն, Լևո՛ն: (Վազում է բռնելու, չի հասնում): Ա՛հ, նա
իրան գցեց փողոց: (Վազում է դուրս աջ կողմի երկրորդ դռներով):

ՆԱՐԳԻԶ. (Ճչալով, նախ վազում է դեպի պատշգամբ, իսկույն հետ է գալիս): Որդիս, որդի՛ս:
(Վազում է աջ կողմի դռներով):

ԱԹԱՆԵՍ. (Մի քանի վայրկյան բեմի վրա մենակ է):

ՕՎՍԱՆՆԱ. (Գալիս է խորքի դռներով, Լևոնի պիջակը, գլխարկն ու կոշիկները բերելով): Ի՛նչ
պատահեց: (Հասկանում է բանի էությունը: Ճչում է): Ա՛հ: (Բեռներից բաց է թողնում իրերը
հատակի վրա: Ուզում է նույնպես վազել աջ կողմի երկրորդ դռներով, հանդիպում է
Արամազդին բեմի վրա):

ԲԵՄԻ ՀԵՏԵՎՈՒՄ, (Աղմուկ, իրարանցում, Նարգիզի ճիչն ու աղաղակը):

ԱՐԱՄԱԶԳ. (Գալիս է աջ կողմի երկրորդ դռներով: Գուռատ է, դողում է): Սպանվեց:

ԱԲԱՆԵՍ. ՕՕ, բայդուշ, ինչու դո՞ւ բերիր այդ չար լուրը: Ա՛հ: Ձեռը տանում է կրծքին,
տատանվում է և. թուլանում, ընկնում է բազկաթռռի վրա: Գլուխն անգոր թեքվում է կրծքին:

ՕՎՍԱՆՆԱ. Պապա, պապա: (Վազում է դեպի հայրը) Ուշքի եկ:

ԱՐԱՄԱԶԴ. (Մոտենում է Աթանեսին, նայում տխուր): Նա կաթվածահար եղավ:

ՕՎՍԱՆՆԱ. Զանդվեց մեր տունը, ավերակ դարձավ:

ԱՐԱՄԱԶԴ. Մենք այդ ավերակների վրա կշինենք նոր տուն:

Վարագույր